

Aposel

Jesus Urgun igane ipalu wo ibola

¹ O Tiofilas, naisag buk malmalan njigire man, memel fidian Jesus fun igane dugo tamolpein ipitejanai na yan ninen o njigireg yaug,

² saen ibisawamag Anut giranen na yau an san njinen itout a. Gamugo imat dugo Urgun san dabai lo aposel ipilianai an ru kagin irupidaig dulon a.

³ Agog in sen maten lo idug, fon kumaen imasag nal 40 ilon lo saen wei mi tamol amaiak naod na ilasa se ya. Saen an lo in kumaen imado amaiak dal wei mi lo kuai te ikubiai dile ya, an lo in ilod lo rumok a. Ago dugo Anut san kagin panek* ninen o dam irupidaig dulon a.

⁴ Nal ta in inanen megeloum dida dutumanig anan diani dugo, ru kagin en irupidai, “Jerusalem ta abisei na wa, tia, lou panek a njaineg Bai an anane wan in san promis ipanan an ilasa wo malam agane gup anane wa. An gubak mi ru promis an ninen o nai nabol ilasa se yan alon la ya.

⁵ Jon you nam fulanek ipidinai se ya. Gug nal wei tia dop, an Awan Urgun nam fulanek anane wa. Agop Urgun san dabai an da wa.”

Anut Jesus inaneg, lak na yau a

Mak 16:19-20; Luk 24:50-53

⁶ Nal ta saen in Jesus dida dutumani man, aposel adi dusumianig dubol, “Tubun en, dugo, on gamu en man Isrel tamolpein fon tumanama wak i? Ago

* **1:3:** Kingdom

dop manşiganema kiŋ kagin ipanama wak boi, nek ibol wagam Dawid san saen lo igane yak igo won a.”

⁷ Ago tag awad yabig ibol, “Mel ilasa wak san saen, agod ata nal mok ate mel an ilasa wan Bai inşen ilon nam igansi la ya, ak gug anşem mel an san saen alon san ninen o ilon ta yen na da.

⁸ Gug saen Urgun an tinim fo idu dan, an dabai anane dop Jerusalem, Judea, Sameria na, agod tan titin wadan fidian lo dam ananem manau nai nineg o an tamolpein naod na abol ilasa wa.”

⁹ Ago ibol go itout an aposel malad lo mi tan ibiseig, isidag, timtaen lo imianuk dugo dile san tia ya.

¹⁰ Jesus ibisawai dugo malad ti ibol go isudag keit lo aban dile man, tamol uraru bioun milkouk didiri ak dilasa kisaek on go, giraned na dutur dugo dil a.

¹¹ Agog dubol, “An Galili tamol, ata wo ente atur dugo malam keit lo isida dak i? An Jesus ibisawan go kumaen panu na yau an ale ya. Jesus nek emaiak yau ago mi dal nek kisaek an mitep afon lo imul ipalu dop ale wa.”

Mataias Judas aben inane wo dupiliani a

¹² Agog aposel adi Did Oliv dibiseig, dumul Jerusalem na diau. Dal an kilomita kisaek igo won.

¹³ Jerusalem na dilasag, ab a lo dumado dan san galun ta lak na yak lo disida ya. Tamol saen an lo ante dumado se yak yanadi:

Pita, Jon, Jems in Andru da, Filip in Tomas da, Bartolomiu in Matyu da, Jems Alfeus nanun,

Saimon, tamol a Rom gabman paen na imado wo imoi dan, agod Judas Jems nanun.

¹⁴ Tamol an pempem dugudani wo dutumani se ya. Jesus tinan Maria, in pein aenkadi, agod Jesus tein muroun dam dida dutumani a.

¹⁵ Nal ta saen an lo ilo rumok adi dutumanig, nunod 120 igo won dugo, Pita imasag

¹⁶ ibol, “Teig muroug, ru en alon, wagam Urgun Dawid awan lo Judas ninen o ibol ak nunon ilasa ya. Judas Jesus san ager injal go, dal ikubiai dileg dida diaug Jesus diabi a.

¹⁷ Judas dam in aposel urat igane wo Jesus ipiliani a, in dam nek id igo mi a.”

¹⁸ (Insignanen sewak naon moni dupani an nam tan kilaken ta idad inane ya. Atna yau idug, luan ipuk go tijaen igulani idu ya.

¹⁹ Agog ru en Jerusalem ilon lo tamolpein fidian dulon tag, in tan an muroud ru lo Akeldama dubol da. Yanak an fun: dar san tan.)

²⁰ “Isrel sad bar san buk lo ru igo digireg yen da, ‘Insan ab an tubabun a.

Talpein ta ifun san tia ya.’

Bar neinta buk an lo yen dan dam igo ibol:

‘Tamol sen ta aben injanep, insan urat awan igane wa.’

²¹ “Ago yak ninen o tamol ta tipilianip Judas aben inane wa. Tamol a saen fidian id Jesus da tator dugo in dam dida tator na yan mi titarpasaip lulunad lo tamol kisaek tipiliani wa.

²² Agop id tamol dugon fun lo Jon fulanek igane dugo ida tator go ipalug saen Jesus ibisawad an mi ka tipiliani wa. An lo saen id Jesus fon kumaen imasa dugo tile yan san ru tamolpein turupidai

dan, tamol a tupiliani dan luad isap, urat an id sisem tigane wa.”

²³ Agog tamolpein a dutumanig dumado dan in tamol uraru yanad dupate ya. Ta Josef, tamol an Barsabas dubol da. Ago dugo yan an neinta Jastas. Agod ta man yan Mataias.

²⁴⁻²⁵ Uraru an ninedi wo gadin lo Jesus igo dusumiani, “Tubun en, on tamolpein fidian ilod ulon. Ago yak ninen o tamol uraru en dugon Judas aben in anep aposel urat igane wo pilianip kubiai panama. Man dugo, Judas aben a in san mok an lo yau wo in san aposel urat ibisei a, agog gamu in san urat an awan kawan yen da.”

²⁶ Dugudani itout, agog pat kititik fo Mataias Josef da yanadi digire ya. Pat an disinig gab lo didiri. Ago gug gab an dukudumsig, pat fo Mataias yan an inug idu ya. Ago tag Mataias aposel 11 an luad te diganeg, dida urat digane ya.

2

Urgun idu ya

¹ Pentikos nal idu, agog ilo rumok adi fidian dupalug, kisaek mi dutumanig dumado dugo,

² lilijan ta nek ibol tim tubun geig ifure dak igo won ab lo dumado dan ilon lo isaldug ilon igane itau.

³ Agog mel ta yai balen wei mi igo won dufurak diaug tamol a dumado yan gurmada fo ided ided yau dugo dile ya.

⁴ Tamolpein fidian Urgun ilod in anefuteg an lo Urgun dabai ipidinai an fom in anen anen tamolpein sen ak sad muroud ru funfun lo dinin se ya.

⁵ Aria, saen an lo Juda tamolpein gob sad tan fidian lo dumado dugo, ante Anut ubou an dile na yan tan an fidian dibiseig Pasova tumanek san anañ diani wo Jerusalem na diaug dilasag dumado se ya.

⁶ Saen liliñan an duloñ man, Juda tamolpein wei mi dususag dutumani a. Fidian dupalu yan anen anen inşigned muroud ru lo aposel adi diñiñeñ dugo duloñ se ya, ago man in fidian durut saian geig a.

⁷⁻⁸ Ago dugo dumasa saian go sed nug dusumiani, “Tamol diñiñeñ dan fidian Galili tamol ak gug, en dugo woñ dugo id fidian idsad muroud ru anen anen taloñ dak i?”

⁹⁻¹¹ Id fidian tan asau ak sensen lo tupalu ya. Gug Anut mel tutubun igane yak id anen anen idsigned muroud ru lo dubol dugo taloñ da. Id aenkadi Patia, Media, Ilam na, agod aenkadi Mesopotemia, Judea, Kapadosia na tupalu ya. Aenkadi Pontas, Esia na, agod aenkadi Frisia, Pamfilia na dupalu ya. Aenkadi Igipta na, agod Libia san tan kilaken aenta Sairini giraneñ na, agod aenkadi Rom na dupalu ya. Aenkadi Juda mok, go aenkadi man Juda tia gug Juda sad ubou lo diau da. Agod aenkadi Krit na, aenkadi Arebia na dupalu ya. Id a fidian tupalu yan idsed awad anen anen taloñ da.”

¹² In fidian dumasa saian go ilod weiwei geig se ya, ago dugo sed nug dusumiani, “Kulob en san fun mok dugo mok ak i?”

¹³ Gug aenkadi aposel adi kukok ad diganeg dubol, “Tamol en nag wain tubun mi duluk boi.”

Pita tamolpein malan tubun ak ru irupidai a

¹⁴ Ago dugo Pita aposel 11 dida dumado yak imasag, awan tubun mi awad yabig ibol, “An Juda tamolpein, agod an fidian Jerusalem na amado dan, kudom agure uyanan pe, mel en fun nfulale dop alon a.

¹⁵ Tamol emaiak wain duluk abol den ta duluk na ya. Tia, gamu man 9 klok tidom lo mi a.

¹⁶ Ak ninen o kankan agane. Aban e ale den wagam profet Joel igo ibol:

¹⁷ “Anut ibol, ‘Saen wadan ipalu wo sumeik dop, naj naineg Urgun tamolpein fidian sad tinid fo nuwali idup diñane wa.

Nanuk tamol ak, in nanuk pein ak dam profet ru dubol ilasa wa.

Ananem pinein foudi ak malad nutun dile wa.

Ananem tamol busumadi ak nion lo nionamin diñane wa.

¹⁸ Saen an lo dop naisag urat pein, urat tamol dam, tinid fo

naineg Ur nuwali idup diñane wa.

An lo dop in dam profet ru dubol ilasa wa.

¹⁹ Nai keit lo kulob girager naon sensen niganen wan nukubiai ale wa.

Ago dop tan na dam kulob tutubun sensen ak kob igo won niganen dop ale wa.

An man dar, yai, agod yaikas malan bilkas nunon ak ilasa wa.

²⁰ Ad insan naon ibilisap tidom on ilasa dop, kalam dam malan ibilisap, daran pe dar on ilasa dugup,

Tubun en san nal tubun ak girager anda idu wa.

21 Ago dop tamolpein ensauta a gadiñ lo Tubun en ibinawai o duwagiñ dan, inñ tamolpein an fidian patud ipasi wa.'

22 "O Isrel tamolpein, kudom agure! Anut an naom na ikubiaig ale yak, inñ Nasaret tamol Jesus an uyan ipani a. An dugo wonñ i? Anut sen kulob girager agod urat dababai funfun kob igo wonñ tamol an lo idiri dugo ale na ya. Melmel an anñ luluñam lo tamol an tuon lo dilasa dugo anñ an fidian alonñ a.

23 Wagam mok Anut ilonñ uyanan ak, Jesus anñ banim lo yau a. Anñsem tamol saiadi ak dida atu-manaig anñ inñsad binawek da Jesus aigim fo abali a. An anñ mitep ago agane wo yan Anut wagam mi ilonñ uyanan a, man dugo, inñ ilon nek ago yen a.

24 Gug mateñ Jesus yabituani san tia tag Anut inñ ifufunig, fon kumaen imasag mateñ san madai tuon lo ipasi a.

25 Wagam mi Dawid sen dam Jesus ninen o igo ibol, 'Tubun ak pempem mi ñai naog na itur da, an ñai ñile da.

Inñ ñai sinñireg na imado dugo dabai ipanag dan lo, tamolpein ñai dimiriranag san tia ya.

26 Ak ninen o ñai ilog tubun mi uyan dugo ñai awag, ru ilo uyan san ibol ilasa da.

Ñai tinig dam onñ binawag an mala nouk lo mi ititiano imado da.

27 Man dugo, onñ ñaisag ñutug Ades lo biseip ante ta yen na wa.

Onñ onñane Tamol Gun ak ulefuni dop ta igan na wa.

28 On̄ ŋai kumaen san dal kubiai panag a.

On̄ ŋai da tumado wak lo ŋai uyasusai dam panag pe tinig in̄anefute wa.’ ”

29 “O teig muroug, aŋ alon̄ ak ru e ŋurupaian̄ den ru rumok, id tubud baged Dawid imat go disare ya. Agod in̄san mutou yen dan pempem tile da.

30 Gug Dawid man profet ta. An niŋen o in̄ ilon̄ ak, Anut ru lak na geig nam promis ipani an lo, mitep in̄san malan kubulan ta kin̄ iganep, in̄san aben in̄ane wa.

31 Anut mitep dugo igane wan Dawid ilon̄ tag, Kristus mitep fon kumaen imasa wak niŋen o ibol. Fun an lo dam ibol, Anut Kristus Ades lo ibiseig ta imado na ya, ago dugo tinin dam ta igan na ya.

32 Anut Tubun ak Jesus nek amaiak maten̄ lo ifufunig, kumaen imasa da ya. Agod mel an man̄ fidian sema malama lo mile ya.

33 Anut Jesus in̄aneg yan̄an tubun geig anda giran̄en won ak lo imado da. Anut gubak mi in̄anen Awan Urgun Jesus ipani wo promis ru ipani a. Aria, gamu promis an nuŋon ilasag Urgun in̄ane ya. Ago dugo Jesus sen Urgun an man̄ tinima fo iwali idu ya, ago dugo aŋ mel en ale dugo kududom ilon̄ a.

34 An̄ alon̄ ak Dawid in̄sen kumaen panu na ta isuda na ya. Ago bo man in̄ igo ibol,

‘Tubud ŋaisag Tubun en irupei:

giraneŋ won ak lo masip, mado dugup,

35 on̄sa ager adi on̄ ŋie paen na ŋidirai a.’ ”

36 “Ago yak niŋen o tamolpein fidian Isrel ilon lo yak kuai tem ŋurupaian̄ da, ru rumok e ŋurupaian̄ den aŋ ilom lo rumok o yan amoi san fun man

tia ya. Jesus nek a afunig aigim fo abali an, Anut ipilianig in Kristus agod Tubun ak dam igane ilasa ya.”

³⁷ Saen tamolpein ago dulon dugo, ru an bused isue saian geig a, ago tag Pita aposel aenkadi dida dusumianaig dubol, “O teim taoma, man dugo mok migane wak i?”

³⁸ Agog Pita awad yabig ibol, “Fidian ananem aupasek anen anen patum apanip, apalup Jesus Kristus yanjan lo suguek anane wa. Ago tap Anut ananem aupasek fidian ipare idup Awan Urgan ipanaj a. Urgan man injan lou panek, an kawan naon an tia anane wa.

³⁹ Promis e Urgan ninen o yan man anjami, ananem malam kubulam sadi, agod tamolpein asau asau fidian injsad dam mi a. Awo, tamolpein a fidian idsad Tubud Anut igiai an promis an san nunon dinane wa.”

⁴⁰ Pita ru tubun mok ibol go ru kagin wei mi irupidai se ya. In ilod dibilisa wo dabai geig iganeg ibol, “An sem patum apasi. Kabelan tamol saidi Jesus dufuni ak sad naon panek ipalu dan an dam anane banau.”

⁴¹ Agog tamolpein wei mi Pita san ru ilod lo rumok go suguek dinane se ya. Nal an lo tamolpein 3 tausen igo won ilo rumok adi luad disa ya.

Kris sad naok naok

⁴² Kris foudi an aposel adi sad ru dulon o diau se ya. Jesus ilod isou san ninen o kisaek mi dutu-manig, dumado dugo, anan dam kisaek mi diani dop dugudani se ya.

⁴³ Aposel adi Anut san dabai lo kulob girager funfun digane se ya. Ago dugo tamolpein fidian durut saian geig a.

⁴⁴ Ilo rumok adi fidian sad kankan kisaek mi a. Ta mel dugon tia dugo ta aman da man, turan mel lo katuk an ibinawi se ya.

⁴⁵ Aenta inaned tan kilaken, melmel aenta dam didaen lo didirig, san moni diinane, tamolpein melmel lo katuk adi an dipidinaig sed ibinawai a.

⁴⁶ In fidian ilod kisaek mi nal fidian gudanek digane wo tempel lo dutumani se ya. Insigned ab ate tet mi dutumanig yousai lo agod ilod kisaek lo dam anan diani se ya.

⁴⁷ Anut yan an diabisa dugo tamolpein ilo rumok adi sad kagin dileg yan ad diabisa se ya. Agog Tubun en nal pempem tamolpein a patu pasek ipidina dan ilo rumok adi luad te idirai se ya.

3

Pita tamol njen itubabun ak ikubune ya

¹ Nal ta Pita Jon da 3 klok guraian gudanek san saen njen o tempel lo diau a.

² Tempel sumeik dupani dugo tamol ta tinan tinaen lo mi njen saian ak disini diaug, tempel dalawan yan an “Dalawan Sinaokan” dubol dan, ate digansig imado dugo dile ya. Tamol an pempem ago disini diaup imado dop, tamolpein tempel lo diau dumul dan moni o igudanai da.

³ Tamol an Pita in Jon da diladu wo dugo yil tag moni ta amad da tap dupani wo igudanai a.

⁴ Ago tag urarum malad ti ibol go dile dugo Pita irupe, “Mala ipalup, liama!”

⁵ Agog tamol an ilon lo Pita Jon da mel ta dupani wo digane dak ago ibol tag, malan yaug yil a.

⁶ Agog Pita ibol, “Njai pat silva gol da amag tia ya. Gug mel a naj amag da yan gamu nupano wa. Jesus Kristus Nasaret tamol an yanjan lo masap wau.”

⁷ Agog Pita tamol an banin won ak lo yabig, imasa itur o ibinawi a. Saen inj ago igane yan tamol an njen aten, njen nudun an fidian dabai kisaek on a.

⁸ Agog tamol an isokalik go, fun iganeg itor ila iso se ya. Agog itor dugo isokalik on go, Anut yanjan yabisag Pita Jon da dida tempel ilon lo diladu ya.

⁹ Agog tamolpein fidian tempel lo dumado yan inj itor dugo Anut yanjan yabisa dugo dile ya.

¹⁰ Inj dile dulon ak, tamol an imug tempel san dalawan sinjakan ante imado na yan nek ama ya. Inj itor uyanan an njen o dirut saian a.

Pita tempel lo tamolpein ru irupidai a

¹¹ Tempel ilon lo aben ta Solomon san Madok Aben dubol dan ate tamol an Pita Jon da ibiaig, dida ditor se ya. Tamolpein fidian mel a tamol an lo ilasa yan njen o dumasa saian go insad na dumaspalug diau a.

¹² Saen Pita ago yil tag irupidaig ibol, “O Isrel tamol adi, an ata wo kulob en aleg amasa saian i? Ata wo ago aliama dak i? Nag an ilom lo mansiganema dabai lo, tia, mansiganema Anut kagin lo tamol en njen mukubune abol dak i?”

¹³ Tia, Abraham, Aisak, Jakob insad Anut, id baged muroud sad Anut, inanen urat tamol Jesus yanjak tubun geig ak ipani a. Gug an tamol an gurman adi banid lo dufuni imat o agane ya.

Pailat ipasi wo ibol gug anj amoig Pailat naon na patum apani a.

¹⁴ Inj bo tamol gun agod itaot ak gug anj inj amoi a. Anj tamol ta talpein ifuni imat ak Pailat ipasip ipanañ o asumiani a.

¹⁵ Anj tamol a id kumaed tumado san fun amaiak afunig imat a. Ak gug Anut maten an lo ifufunig, afon kumaen imasa da ya. Agog kulob an man malama nam mile ya.

¹⁶ Ilo rumok Jesus yan an lo yan mi tamol e alon uyanan dugo leil apani den njen dabai ilasa ya. Jesus yan an lo, agod ilo rumok a inj id ilod lo igane ilasa dan lo dam, kubunek en injane ya, ago dugo njen gamu dabai pasik an an fidian ale a.”

¹⁷ “O teig muroug naj nalon ak, kulob a an an sam gurman adi dida Jesus lo agane yan, an fidian an an lo ago agane ya.

¹⁸ Anut profet adi awad lo wagam ibol, injanen Kristus muruan isini wo ibol. Ak njen o dal an lo injanen ru ibol ak nunon ilasa ya.

¹⁹ Ago yak njen o ananem kagin saiak saiak patum apanip, ilom ibileksap, Anut naom apani. Ago tap ananem aupasek fidian ipare idu wa, an lo dop ilo maror agod yaes bilabal san saen Tubun en iganep an o ilasa wa.

²⁰ An mi tia ya, Anut Kristus e an o ipiliani en idinip ipalu wa, nek Jesus ema ya.

²¹ Inj kumaen panu na imado dop yaup, Anut mel fidian ibilisap foun ak dilasa san saen ilasa wa. Anut ago igane wo wagam mok injanen profet gun adi awad lo ibol a.

²² Man dugo, Moses igo ibol, ‘Anut ananem

Tubun en, nek ηai idinag go ηupalu yak ago mi profet ta anşiganem dar lo yak igane ilasap idinip ipalu wa. Ru fidian irupaian dan kagin apani wa.

²³ Talpein ta in profet an awan ilon o imoi dan, Anut talpein an inşan tamolpein lo ikudip pitininek saian geig ak ipani wa.'

²⁴ "Rumok, Samuel sen dam agod profet aenkadi ηien aban duri an fidian ru gamu saen en san dubol ilasa na ya.

²⁵ An man profet adi an sad malad kubuladi, an lo promis a Anut profet an sad awad lo ibol an, agod kontrak a ananem tubum bagem ipidinai an san nuşon dam ananemi a. Anut ru en wagam Abraham irupeig ibol, 'Onane mala kubulan lo tan en san tamolpein fidian bar diηane wa.'

²⁶ Saen Anut inanen urat tamol tan en lo igane ilasa man, imug mi anşam na igane ipalu ya. In bar ipanan o ipalu ya, ago dugo bar an igo ya, in idiran pe an anen anen sem adanşap ananem kagin saiak saiak patum apani wa."

4

Pita in Jon da Kaunsil naod na dutur a

¹ Saen Pita in Jon da tempel lo tamolpein ru durupidai dugo, pris adi, tempel titianek tamol sad gurman, in pris warou a Sadyusi dubol dan aenta dida sad na dupalu ya.

² In tinæed saian geig a. Man dugo, Pita Jon da Jesus imat gug fon kumaen imasa yak san ru tamolpein naod na durupidai dulon se ya. In manau ago dupitenanai dan lo tamolpein dulon ak, Jesus lo tamol dumat dak, fon ka dumasa wa.

³ Ago tag duburou gug aban tidom idu la yak ninen o subanek ab lo didirai a. In ilod lo man aposel adi ante dien pe tidom lom mi gup kot dupidinai a.

⁴ Gug tamolpein a in sad ru dulon an lulunad lo wei mi ilod lo rumok a. Tamolpein an ilo rumok adi luad disag, tamol itumanaig sad sutek faiv tausen igo won a.

⁵ Tidomig Juda sad tirnek tamol adi, matu gurman adi, agod kubiaen san girek manau adi dam Jerusalem na dutumani a.

⁶ Pris gurman Anas, agod Kaiafas, Jon, Aleksandra, agod tamol aenta pris gurman san gugoi lo yan dam dida dutumani a.

⁷ Agog aposel adi digiaig dupalug, naod na dutur dugug dusumianai, “An dabai dugomaiak lo, tia, yanak dugomaiak lo ananeg, tamol en akubuneg uyan ak i?”

⁸ Ago dugo Urgun Pita ilon in anefuteg awad yabi,

⁹ “An gurman, an ilo munanek san kulob ta lo tamol nien itubabun ak uyan ilasa yan ninen sumiaek lo adirama tap, agod en dugo won dugo kubunek inane yan dam man asumianama tap,

¹⁰ aria, ru en alon uyanan. Kulob en Nasaret tamol Jesus Kristus inanen yan san dabai lo ilasa ya. Tamol amaiak an aigim fo abalig afuni imat ak gug, Anut maten lo ifufunig fon kumaen imasa da ya. In lo mi tamol e an naom na itur den kubunek inane dugo kulob an san nunon ale ya.

¹¹ Jesus nek amaiak ninen o Anut ru igo ibol, ‘Pat nek a ab bek tamol adi dumoi dan, nek amaiak ab tinin fidian yabi sakar da.’

¹² Inj mi lo patu pasek ale wa. Man dugo, tan en fidian lo man Anut yanjak sen ak ta lo id tamolpein fidian patu pasek ka tinjane wan ta ipanad na ya, tia, nek Jesus yanjan lo mi a.”

¹³ Kaunsil adi dile yak, Pita Jon da malak malak ru dabai anda nam durupidai a, uraru an tamol kawan, inj skul ta digane na ya. An ago dile man durut saian geig a. Agog an kankan ipidinai ak, tamol uraru an gubak mi Jesus da dumado dutor an dile dulong a.

¹⁴ Ak man ru ta dubol san tia ya. Man dugo, Pita Jon da tamol dukubune yan sinjired na mi itur dugo leil dupani da.

¹⁵ Ago tag kaunsil adi tamol utol an didinaig, tumanek aben dubiseig patun fo dilasa gug inj sed mi pasak nam dinjinej se ya.

¹⁶ Inj sed mi nug dusumiani, “Id tamol uraru en dugo tiginiai ak i? Id kubol ilasa yan sewak tabol san tia ya, man dugo, tamolpein fidian Jerusalem na dumado dan kulob girager e tamol uraru en digane yen dulong la ya. Id tatot san tia ya.

¹⁷ Id mel en tabituani wa, kabelan ru en yaup tubun banau. Ago yak ninjen o tamol uraru en kudod tabi uyanan a. Inj afon talpein ta naon na Jesus yanjan ta dupate na wak ninjen o ru kagin turupidai a.”

¹⁸ Agog Pita Jon da digiaig, diladug ru dabai nam durupidai, “Anj afon Jesus yanjan lo tamolpein ru ta arupidai na wak, agod yanjan an lo dam manjanu ta mok apitejanai na wa.”

¹⁹ Gug Pita Jon da awad diabig dubol, “Ansem mi mel en abitinaep ale wa. Dugon Anut malan lo

uyan aki? Dugo, anjanem awam kagin mupani wak i? Tia, Anut awan kagin mupani wak i?

²⁰ Man dugo, man mel sema malama lo mile yak kudoma lo malon ak ninen o awama itau san tia ya.”

²¹⁻²² Tamol njen imat gug Pita Jon da dukubune yan inisan anajar 40 irinani tag tamolpein fidian melmel ilasa yan ninen Anut yanjan diabisa se ya. An lo Juda sad kaunsil dal ta dilep lo bu dupidinai san tia ya. Ago tag ru kagin dabai geig mi dupidinaig, dubusawaig diau a.

Ilo rumok adi dabai dinjane wo dugudani a

²³ Saen dubusawaig dilasa yan Pita Jon da dumul turad muroud sad na diau a. Agog pris gurman, in gurman aenta, ru dubol an awad aban durupidaig dulon a.

²⁴ Ru an dulon tag fidian Anut igo dugudani, “Tubun en, on mi tan, you, beig, keit, agod mel mel fidian lo dien dan san Taman.

²⁵ Urgun lo onse man tubum bagem Dawid onjane urat pinein awan lo ubol dugo gamu nunon mile da.

‘Ata wo tan fidian sad tamolpein tinjaed saian di?

Ata wo tamolpein an palan dumari gug nunon tia yak i?

²⁶ Tan en san kin fidian yu digane wo tawan dumado da,

ago dugo tirnek tamol fidian dutumanig,

Tubun en inanen Pilianek Tamol da ager digane wo digane da.’

²⁷ Rumok, ru amaiak ente Jerusalem na nunon ilasa ya. Herod in Pontius Pailat da, tamolpein

Juda tia yan agod Juda tamolpein aben ente dumado dan dida dutumanig, oņane urat tamol gun ak Jesus oņse piliani an, palanj an dumari se ya.

²⁸ Tamol adi an oņse wagam mi oņane ilobol in dabai da lo ilasa wo ubol an, ago mi digane ya.

²⁹ Aria, Tubun en, gamu ru saiak tinid dumisilani san dupaiama an oņane kududo ilonj la ya. An ilo sou gane dop oņane urat tamol adi dabai panamap manj rurek tia yan lo oņane ru mabol ilasa wa.

³⁰ Oņ oņane tuo watep oņane urat tamol gun ak Jesus yanjan lo, tamolpein subam ad da yak kubuni-aip, kulob girager dirip dilasap, kulob dababai tamolpein dil pe durut saian an dam gane wa.”

³¹ Gudane itout go ab a lo dutumani an ibuk ila iso ya. Ago dugo Urgan fidian bubed ilon awan isag, Anut san ru tamolpein naod na dubol ilasa wo tinid ta irer na ya.

Ilo rumok adi melmel fidian lo nug dubunawi se ya

³² Ilo rumok adi fidian inşad kankan agod inşad ilod dam kisaek mi a. Ta inşan biouņ biouņ an inşiganen mi ago ibol man tia ya. Tia, fidian melmel nug duwae dupani se ya.

³³ Ago dugo ru dabai tubun anda yak lo, aposel adi Tubun ak Jesus kumaen imasa yak san bilalunj dubal ilasa se ya. Agod Anut san ilo panek tubun mi an in fidian tinid fo iwali idu ya.

³⁴ Inj lulunjad lo talpein ta mel ta lo katukan ta imado na ya. Man ata wo? Nal kadi lo, talpein ensauta a ab ad da boi, tia, tan kilaken ad da yak ta, an didaenj lo diganeg san moni diņaneg, disini dupalu ya.

³⁵ Agog moni an aposel adi njied fun na didirsi a, ago dugo aposel adi ditarpaleg talpein enti mel ta lo katuk adi an dubinawai se ya.

³⁶ Saen an lo in lulunad lo tamol ta yanjan Josef imado da. In Livai san gugoi lo ilasa ya, gug inanen tinan man nui yanjan Saiprus dubol dan ante igansi a. Aposel adi yanjan neinta dupanig Barnabas dubol da. (Yanjan an fun man, Ilo Yabisa San Tamol.)

³⁷ Aria, in san tan kilaken idad go moni an injaneg isini yaug aposel adi njied fun na igansi a.

5

Ananaias in Safaira da

¹⁻² Tamol ta yanjan Ananaias, iwon yanjan Safaira. In tan kilaken idad yau dugo san moni aenta in sen yabi a. Pein in tamol da awad kisaek. Agog aposel adi njied fun na moni aenta idirsi dugo irawaig igo ibol, “Moni fidian nek ebo ya.”

³ Ago tag Pita Ananaias irupeig ibol, “Ananaias, ata wo Satan ulefuni dugo ilo iduduwig, sewak ganeg Urgun naon kubiani ak i? Tan a udad yau an san moni wadan wabi da.

⁴ Saen tan gamugo udad yau man on muroun mado ya. San moni nane yan man onse ilo nam gane wo ago ka gane wa, an ta rumok na i? An lo mel dugon kankan ipano yan lo kagin saian igo gane yak i? On tamol adi ta rawai na ya. Tia, on Anut rawi wo gane ya.”

⁵ Saen Ananaias ru an ilon man gamu nam yau idug imat a. Tamolpein fidian ru an dulon go tubun mi durut direr a.

⁶ Agog pinein dupalug, inŝan sisanun yamel nam dubuluwig diŝaneg kuai te dilasag diaug disare ya.

⁷ Murnag, ad mitilaen kitek 3 auwa igo yan, iwon pein ak ipalug iladu ya. Muruan ilasa man ta ilonj na ya.

⁸ Agog Pita isumianig ibol, “Ak dugo, onj onjane iwo da tan adad yau ak naon emaiak anjane yak i?”

Ago dugo awan yabig ibol, “Awo, moni miŝane yak nek ago mi ipanaŝ a.”

⁹ Pita imasag Safaira irupej, “Onj iwo da ilom kisaek go Tubun en san Ur naon akubianig ale wo agane ya. Dugo, anj ilom isou ak ago ka aganep muruan ta ale na wak abol i? Ulonj, pinein a onj iwo disare yak sad ņied awan dalawan te ilasa da, gamu onj dam diŝiliop kuai te alasap au a.”

¹⁰ Agog gamu nam pein an dam Pita naon na yau idug imat a. Ago dugo pinein diladug inŝan sisanun dile tag diŝane diaug iwon tamol ak giranjen na disare ya.

¹¹ Ilo rumok adi fidian, tamolpein aenkadi dam, ru an dulonj go tubun kasik direr a.

Aposel adi tamolpein wei mi dukubuniaj a

¹² Aposel adi kulob girager wei kasik tamolpein lulunjad lo digane se ya. Ago dugo ilo rumok adi Solomon san Madok Aben ilon lo dutumani na ya.

¹³ Tamolpein patun fo yak ilo rumok adi yanjadi diabisa yak gug, diaup dida dutumanai san ninjen o fidian direr pasik a.

¹⁴ Ago bo man tamolpein wei mi ilod dibilisag, Tubun en ilod lo rumok go ilo rumok adi luad disa se ya.

¹⁵ Aposel adi kulob girager dabai anda digane se yan lo, tamolpein muroud muroud subam ad da yan dal gigin te dijal dususap dien se ya. Aenkadi kapal fo, aenkadi gadab fo dien se ya. Agop saen Pita ipalup irinjanai dop san tirarou ituanai dop lo uyadi wo dubol.

¹⁶ Jerusalem gigin na panu dien dan san tamolpein wei kasik dilasa ya. Inaned samun subam adi da yan, ur saian amad da yan dijal dupalug, an fidian uyadi.

Gurman adi aposel muruan dupidinai a

¹⁷ Juda sad pris malan te ak, Sadyusi a giranen na dumado dan dida, an fidian aposel adi sad urat dile tag, turak susai tinjaed inane fute ya.

¹⁸ An lo in aposel adi duburoug, subanek ab lo didirai a.

¹⁹ Ak man tidom lo Tubun en san enjel ipalug subanek ab san dalawan ipasig, aposel adi injal go patun fo dilasa ya.

²⁰ Agog irupidaig ibol, "Aup, tempel san tumanek aben lo atur dop, kagin foun emaiak san ru fidian tamolpein arupidaip duloŋ a."

²¹ Agog aposel adi enjel awan durig, salsog in tempel lo diladug fun diganeg tamolpein ru durupidai duloŋ se ya.

Nek nal an lo mi pris malan te yak, turadi dida Juda gurman fidian adi digiaig, Juda sad Kaunsil tumanek tubun ak diabi a. Agog subanek ab lo aposel adi dijal pe dupalu wo tempel san titianek tamol didinaig diau a.

²² Gug saen subanek ab lo dilasa man, aposel adi naod tia tag dumul diaug, kaunsil adi durupidai,

23 “Saen subanek ab lo milasa man dalawan fidian itau. Titianek tamol tawan dutur ak gug, saen dalawan mupasi man tamol an ta meil na ya.”

24 Pris gurman adi, in tempel titianek tamol adi sad gurman dida ru an duloŋ go dumasa saian. Mel an kankan ipidinaig ilod weiwei se ya, so muruan ilasa wo dak niŋen o ilod isou se ya.

25 Agog tamol ta ipalug irupidai, “An tamol a subanek ab lo adirai an tempel san tumanek aben lo dutur dugo tamolpein manau dipitejanai da.”

26 Ago tag tempel titianek tamol sad gurman inanen tempel san aikatuk adi dida diaug, aposel adi diŋal go Juda sad Kaunsil sad na diau a. Saen aposel adi diŋal man pasak nam diŋal a. Kabelan silei nam mi dop, tamolpein tiŋaed saian pe pat nam dufu banau.

27 Aposel adi diŋal go dupalug kaunsil naod na dugunaig dutur a. Ago dugug pris malan te yak sumianek ipidinai,

28 “Man geg sakar geig mupanan a. An afon tamol an yan an lo ru ta abol ilasa na wo mabol a. Gug gamu an Jerusalem ilon lo an sam pitejanek an mi abisa aguni da. Agop tamol a imat an inanen mater san ai wadan man buroma fo agane wo agane da.”

29 Ago tag Pita aposel aenkadi dida pris malan te yan awan diabig dubol, “Man tamol awad kagin mupani san tia ya, tia, Anut awan mi muri mupani wa.

30 An Jesus aigim fo abalig afuni imat ak gug, id tubud baged sad Anut mater lo ifufunig kumaen imasa da ya.

³¹ Anut injaneg giranjen won ak lo imado da. Agod dabai ipanig, idsad gurman, idsad patun pasek tamol dam imado da. Anut saen ipanad dan lo, id Isrel tamolpein naod Jesus tupanip ilod ibileksap, an lo idaned aupasek ipare idu panad a.

³² Man inſan mater, imasa yan malama lo mile ya. Ago yak ninjen ru an tamolpein naod na mabol da. Urgun dam injanen urat lo melmel en fidian ninjen o ibol da. Ago dugo Anut Urgun nek an tamolpein a fidian inſan awan kagin dupani dan ipidinai a.”

³³ Juda Kaunsil adi ru an dulon go tinæed tubun mi saian tag, aposel adi dufu dumat o ilod tubun mi ibol a.

³⁴ Gug Farisi ta yanjan Gameliel, in kubiaen san girek manau ta, agod tamolpein fidian in yanjan di-abisa yan, in imasag itur dugo aposel adi tumanek dibiseip patun fo dilasa wo ibol a.

³⁵ Agog kaunsil irupidaig igo ibol, “O Isrel tamol, an tamol en afu dumat o agane dan kagin agane.

³⁶ Wari na geig tamol ta Teudas inſen tubun o igane. Agog sawar kitek 4 handet igo won njen fo dutor. Gug dufuni imat dugo inſan sawar an ditalaig dufurak diau dugo, ager yabisa yan nunjon tia ya.

³⁷ An tinin te, yanja kubunek san saen lo, Galili tamol ta yanjan Judas, tamol aenkadi injal go urat pinein on njen fo dutor. Gug in dam dufuni imat. Agog inſan sawar an ditalaig dufurak diau a.

³⁸ Ago yak ninjen o nurupaian da, tamol en abusawaip ka diau a. Kubol a digane dan tamol sad kankan lo tap man, milaen tiap itout a.

³⁹ Ak gug an Anut san man, an tamol emaiak abitudanai san ta idaisuda na wa. An lo dop abitudanai o agane tap, an Anut da nug abi dak ago sem ilian a!”

⁴⁰ Kaunsil adi inſan ru duloſ go ilod inane ya. Ago tag aposel adi digiaig diladug bu mi dupidinai a. Agog Jesus yaſan fon ta dupate na wo geg sakar geig digane ya. Ago gug dubusawaig diau a.

⁴¹ Aposel adi ilod uyan dugo kaunsil sad tumanek ab dibiseig dilasa ya. Ata wo, in Jesus yaſan o tamolpein naod na muruan disini wo Anut ipilianai a.

⁴² Nal pempem tempel san tumanek aben lo, ab ab lo dam, bilaluſ uyan ak tamolpein dupiteſanai se ya. Bilaluſ uyan ak lo Jesus mi in Kristus an tamolpein durupidaig duloſ a.

6

Tamol 7 aposel dubunawai o dipilianai a

¹ Murnag ilo rumok adi wei mi dilasa se yan, luluſad lo tamolpein malan uraru dumado ya. Saen an lo, Juda tamolpein a Grik ru dubol dan, in Juda tamolpein a Hibru ru dubol dan dida nug lo muruan ilasa ya. Man dugo, Juda Grik ru dininſan dan igo dubol, nal anek anek lo aposel adi anan ditarpaleg duwae dak gug inſigned pein suos ilod ta isou na da.

² Ago tag aposel 12 an ilo rumok adi fidian digiaig dutumanaig durupidai, “Man anan waek san urat migane dop lo Anut san ru mifulale wan mibisei dop, an uyan tia ya.

³ Ago yak ninſen o teid taod, tamol 7 luluſam lo Urgun amad da yak, kankan milaen ak, agod

yaŋad uyan ak mi apilianaip urat an banid lo tigane wa.

⁴ Gug maŋ gudanek mi, agod ru fulalek san urat dam mi leil mupani wa.”

⁵ Tamolpein fidian ru an duloŋ go aposel sad kankan niŋen o ilod uyanan a. An lo tamol ta yaŋan Stiven dipiliani a. Inŋ ilon rumok dabai, agod Awan Urgan ilon inaneŋfute ya. Ta yaŋan Filip, ta Prokoras, ta Naikena, ta Taimon, ta Parmenas, agod Antiok tamol ta yaŋan Nikolas, inŋ Juda tia yak gug Juda ubou lo yau da.

⁶ Ilo rumok adi tamol ⁷ an aposel naod na didirai ilasa ya. Agog aposel adi inŋ o Anut dugudanig banid gurnad fo digane ya.

⁷ Agog Anut san ru ifurak go, tamolpein wei mi duloŋ a. Jerusalem na ilo rumok adi dilasag wei kasik a. Agog pris adi wei mi dam ilod lo rumok go, ilo rumok san dal duri dupani a.

Juda sad gurman Stiven diabi a

⁸ Aria, Stiven man Anut san ilo panek, inŋsan dabai dam inŋ lo yen a. An lo inŋ tamolpein luloŋad lo kulob girager funfun agod mel tutubun durut saian san dam wei mi igane ilasa se ya.

⁹ Gug Juda tamol aenkadi Stiven lo siai digane. Tamol an ubou ab yaŋan “Tamol kawan dumado dak” dubol dan sad tamol. Tamol an inŋsad panu Sairini, inŋ Aleksandria da. Agod Silisia inŋ Esia da provins uraru an sad tamol dam Stiven lo ager diabisa ya. Tamol amaiak fun diganeg Stiven lo ru nam yu digane ya.

¹⁰ Gug Stiven san kankan milaen geig dugo Ur-gun san dabai lo dam inijen a, an lo inanen ru ninen o in dutur dabai san ta idaisuda na ya.

¹¹ Ago tag tamol aenkadi pasak nam dijal go, ru sewak igo dubol ilasa wo durupidai a. “Stiven in Moses Anut da lo misilanek ru ibol dugo manawan malon a,” ago dubol o durupidai a.

¹² Agog tamol an diaug ru sewak an lo tamolpein, matu gurman adi, agod kubiaen san girek manau dam ilod dusueg an lo tinjaed saian geig a. Agog tamolpein an dupalug Stiven diabig, Kaunsil sad na dijane diau a.

¹³ Kaunsil malad lo itur dugo, tamol Stiven tinin lo dusupale san digiaig, diladug ru sewak igo dubol, “Tamol en idsad tempel gun an, Moses san kubiaen da ninedi wo ru saian pempem ibol da.

¹⁴ Man malon dugo ibol, Nasaret tamol a Jesus dubol dan tempel iratitale dop, Moses san kubiaen id ipanad an dam ibileksa dop idirad pe tamol kagin senamo ak turi wa.”

¹⁵ Ru an dubol dugo Kaunsil dumado yan malad ti ibol go Stiven leil dupani dugo, inanen naon enel ta naon igo won dile ya.

7

Stiven Kaunsil ru irupidai a

¹ Juda Kaunsil ru an fidian dulon go itout gug pris malan te an Stiven isumiani, “Dugo, ru a dupano dan fidian rumok ak i?”

² Ago tag Stiven ru naon irupidaig igo ibol, “Teig taog, tamag muroug, kududom agure! Id tubud baged Abraham wagam geig Mesopotemia

na imado dugo, saen an lo in gamugo Haran na yau dugo, Anut lilaman anda yan naon na ilasa ya.

³ Agog irupei, 'Tan en biseip, onane murou murou dam busawaip tan nukubiai pano wan lo wau.'

⁴ Agog Kaldia tan ibiseig yaug taun a Haran dubol dan te imasi a. Murnag Abraham taman imat dugo Anut idinig tan e lo amado den ente ipalug, imasi a.

⁵ Saen an lo Anut tan en samun kabelan ta Abraham sen tinin o ipani man tia ya. Gug Anut mitep tan en Abraham in malan kubulan dida ipidinaip sed niñedi wo ibol a. Gug Abraham saen an lo nanuk tia imado dugo Anut promis an ipani a.

⁶ Anut igo ibol, 'On mala kubulan mitep tan sen ak lo tamolpein gol ak igo won ante dumado wa. Ante dam in urat bigabeg adi dilasa wa. Agop anajar 4 handet lo tan an san tamolpein saian dupidinaip muruan wei mi disini wa.

⁷ Gug nai tamolpein a muruan ago dupidinai dan naon muruan geig ak nipidinai a. Ago dugup onane mala kubulan tan an dibiseip, tan en lo nai ubou ag dile wa.'

⁸ Agog Anut Abraham kontrak ipani a, kontrak an san kob man, nanuk tamol ak tinid sunulon dutute wa. Murnag Abraham iwon in Aisak igansig ubou kisaek yau dugo Abraham tinin sunulon itute ya. Murnag, Aisak san nanun Jakob ilasa ya. Ago mi Jakob san nanuk 12 dilasa ya. In idsad tubud baged."

⁹ "Josef tein muroun Josef niñen o turak dususa ya. In dile saian an lo Igipta na urat bigabeg imado

wo diñaneg didaen lo digane yau a. Ak man Anut Josef da dumado na ya.

¹⁰ Inñsan muruan fidian lo ibinawig patun ipasi a. Anut Josef kankan milaen mi ipani an lo Farou Igipta sad kiñ Josef ipitianig ilon ipani a. Agog Farou Josef tamol tubun iganeg Igipta tan, inñsan ab lo melmel fidian dam kagin ipani na ya.

¹¹ “Murnag Igipta tan yaug Kenan na geg an kadag tubun ak idug, tamolpein fidian muruan disini se ya. Id baged muroud anañ dile wo abañ diabi se ak gug anañ tia ya.

¹² Gug saen Jakob Igipta na anañ yen dan san ru tim ilon man, nanun muroun, id baged muroud, idinaig malmalan geig in atna diau a.

¹³ Murna anañ itout go fon dumul Igipta na diau gug, Josef tein muroun naod na sen fun ifulaleg, Farou dam saen an lo Josef tinan taman, tein muroun niñedi wo ru ilon a.

¹⁴ Agog Josef taman san na ru igane yaug, inñanen samun fidian inñal pe dupalup Igipta na dumado wo ibol. Fidian dupalu yak sad sutek 75.

¹⁵ Agog Jakob imasag Igipta na yau a. Atna mi dumado dugo Jakob id baged muroud 12 an dam dumat a.

¹⁶ Inñsad sisanun disini diaug Sekem na tan kilaken ta wagam Abraham Hamor sad gugoi banid lo idad inñane yan lo disiriai a.

¹⁷ “Anut Abraham promis a gubak mi ipani an nuñon ilasa wo sumeik dugo, idsad tamolpein Igipta na dumado yan igileg wei kasik a.

¹⁸ Saen an lo kiñ foun ta ilasag imado dugo Igipta kagin ipani na ya. Ak gug kiñ an Josef niñen inñañ geig a.

19 Idsad tubud baged irawai ifu dugo, muruan tubun mi ipidinai se ya. Inj isodudunaig an lo injaned nanuk foudi ak kuai tem didiraig, dumat a.

20 “Saen an lo Moses ilasa ya. Anut malan lo nanuk an sirjaokan mok a. Kalam utol tinan taman dida dumado dugo kagin dupani a.

21 Gug saen kuai te digane man, Farou nanun pein njilanj an injaneg, injsinan nanuk onj kagin ipani na ya.

22 Moses Igipta sad manjau fidian mi injaneg, tamol tubun ak ilasa ya. Injsan ru bilabol dabai dugo, urat dugon igane yan dam dabai anda ya.

23 “Moses san ananj 40 dugo, nal ta ilon man tein taon Isrel tamolpein yil o ibol go yau.

24 Yau dugo naon fo na Igipta tamol ta Isrel tamol ta tinin ifini saian dugo ile ya. Ago tag Isrel tamol an ibinawig, naon ifulig Igipta tamol an ifuni imat a.

25 Injsan ilon man, Isrel tamolpein Anut inj ibinawai o idinig ipalu yan dulonj ak ibol, ak gug tamolpein an ta dulonj na ya.

26 Nal tinin te man, Isrel tamol uraru nug dufuni dugo yil tag, maror igansi wo yang irupidai, ‘Alonj, anj nug tein taon, en ata wo nug tinin malan asue wo agane dak i?’

27 “Gug neinta wagai fun igane yan, Moses isopasig gigin na yang ipei, ‘Enti onj manj kagin panama dop ru tulek tamol mado wo ibol i?’

28 Ak dugo, nor Igipta tamol funi imat ago mi njai dam funag njamat o gane dak i?’

29 Moses ru an ilonj tag isol go yang Midian tan lo tamol gol ak onj imado na ya. Atna imado dugo nanuk tamol ak uraru dilasa ya.

30 “Afon anañar 40 yaug itout gug, Anut san enjel Moses naon na ilasa ya. Did Sinai giranjen na tan kawan ak lo ai nanunan ta yai ided go inani dak onj ile ya.

31 Moses abañ ago ileg imasa saian tag, yaup sumeikan pe ile uyan o ibol go yau a. Saen yaug sumeik ipani man, Anut awan ilonj,

32 ‘Ñai onj bage murou Abraham, Aisak, Jakob sad Anut.’ Moses ru an ilonj man irer dugo tubun mi isuruwor se ya. Irut irer an ninjen o abañ ile man imoig, malan ikilakil a.

33 Agog Anut ibol, ‘Onsa sendal pasi. Man dugo, tan fo utur dan gun a.

34 Ñai abañ ñile yak ñaisag tamolpein Igipta na muruan saian geig ak disini da. Injad ilo tinanj dam ñalonj go ñubunawai o ñupalu ya. Ak ninjen o ñai onj ñidinop afon Igipta na umul wau da wa.’ ”

35 Stiven injen dag ibol, “Moses nek amaiak Isrel tamolpein gubak mi ninjen o dumoi go dubol, ‘Enti onj mañsam gurman iginio yak i? Enti onj mañsama tulek tamol iginio yak i?’ Anut sen mok Moses injad gurman, agod injad patu pasek tamol dam idinig yau a. Anut enjel yai balen lo yan awan lo ago igane ya.

36 Moses nek an tamolpein injal go Igipta dibisei a. Igipta na, agod Beig Daran lo, Anut san dabai lo kulob girager funfun naod na igane se ya. Anañar 40 tan kawan ak lo dam ago igane se ya.

37 Moses injen geig Isrel tamolpein irupidai, ‘Anut ñai idinag go ñupalu yak ago mi profet ta idinip ipalu wa. Tamol an mitep anñiganem dar lo ilasa wa.’

³⁸ Saen Isrel tamolpein tan kawan ak lo dutumani an, Moses dam dida dutumani a. Inj idsad tubud baged dida dumado ya. Agog Moses did Sinai fo isidag, enel da dininjen a. Agog Anut ru kumaen san an ipani a, agog Moses afon ru an id ipanad a.

³⁹ “Gug idsad baged muroud Moses awan dumoig, inj Igipta na dumul diau wo ilod tubun mi ibol a.

⁴⁰ Ago tag Aron durupe, ‘Onj manj tubud diri panamap, dumug dop muraep mau a. Tamol Moses dubol dan injiliad go Igipta tibiseig tupalu yan, ata injane dugo ta ipalu na da, an ta talon na ya.’

⁴¹ Inj atna makau mitilaen diganeg yai digane pani dugo, mel a sed banid nam digane yak ninjen muguronj tubun ak digane ya.

⁴² Ago tag Anut patun ipidinaig, an lo injaned ilod ibol ago patui keit lo yan yanad diabisa se ya. Kulob digane an profet sad girek lo wagam profet ta ru naon kisaek igire a:

‘O Isrel tamolpein, dugo, ananjar 40 tan kawan ak lo, anjam lou panek apanag,
agod makau afup naj yai agane panag se yak i? Tia geig a.

⁴³ Ab sel asini ator se yan anjam tubud Molok san asini se ya.

Ago dugo anjam tubud Refan san mitilaen patui an asini ator se ya.

Mitilaen an yanad lo ubou ale wo asuwi idu ya.

Ago yak ninjen o naj nukudanj pe aup, asau mi Babilon aen ate geig amado wa.’

44 “Id baged muroud Anut san ab sel a in dida dumado yan ikubiai pidinai an diabi dugo, tan kawan ak ate da disini dutor na ya. Ab sel an nek Anut Moses ikubiaig ile yak ago mi dususe ya, Moses dugon ile yan fom ab sel an diabi a.

45 Murnag ab sel an id baged muroud in tamad banid lo dijaneg, Josua dida diaug yu diabisag tamolpein sen ak sad tan lo dukudaig diau a. Agog in sad tan banid na dijaneg ya. Ab sel an ago yen dugo yaug Dawid san saen idu ya.

46 Dawid iganeg Anut in o ilon uyan geig a. Agog Dawid igudanig, Jakob san Anut ab ta ilon lo imado san yabi pani wo isumiani a.

47 Gug Dawid ab an ta yabi na ya. Solomon in ab an yabi a.

48 “Gug Anut a lak na geig an, in ab a tamol banid nam diabi ak lo ta imado na da. Wagam mi profet adi sad girek lo ta igo ibol,

49 “Tubun en ibol, keit man niasag kalik kin san a, agod tan man nai njeg aten yen san aben. Enso ab abi panag ak i?

Aben dugon lo yaes nabal ak i?

50 Ak dugo, mel an fidian nai banig nam njigane ya, an ta rumok na i? ”

51 Agog Stiven Juda Kaunsil ipidai, “An gurmam sakar geig. Ilom gob. Anut san ru ibol dan kududom itau geig a. An nek ibol anjanem tubum bagem igo won a, man dugo, in dam Awan Urgun pempem diabiani na ya.

52 Arupaiag, dugo, gubak mi profet ta imado dugo anjanem tubum bagem profet an tinin ta dumisilani na yak i? In profet adi ensauta a malad milaedi go Tamol Itaotan in san palu yan ninen

profet ru dubol ilasa yan dufu dumat a. Agod an gamu tamol amaiak in bo ananem turam mok ak gug ager banid lo aganeg sisem afuni imat a.

⁵³ An nek en, Anut san kubiaen enel sad banid lo anane yak gug kagin ta apani na ya.”

Stiven pat nam dufuni imat a

⁵⁴ Saen kaunsil adi ru an duloj man, tinjed tubun mi imumari dugo Stiven gamad dirati pani se ya.

⁵⁵ Gug Stiven tinin Urgun inane fute g malan keit lo isidag, Anut san girager ile ya. Ago dugo Jesus Anut giranen won ak lo itur dugo ile g ibol,

⁵⁶ “Ale. Nai keit awan ipasig Tamol Nanun Anut giranen won ak lo itur dugo nile da.”

⁵⁷ Fidian disasaitout go kududod diafutani a. Agog fidian mi dumaspalug,

⁵⁸ Stiven diabig Jerusalem gigin na dirae dilasag, fun diganeg pat nam dufuni a. Tamol pat dubal san in biouj dupasig pinein ta Sol dubol dak kagin ipidinai o njen fun na didirsi a.

⁵⁹ Pat nam dufuni dugo, Stiven Tubun en igudani, “O Tubun en Jesus, njaineg njutug njanel!”

⁶⁰ Agog yau idug fon igudanig igo iwagin, “Tubun en, inaned aupasek en san pani naon an lo fuli san man umoi.” Ago ibol go imat a.

8

Sol ilo rumok adi misilane k ipidinai a

¹⁻² Sol ante imado dugo Stiven san maten ile g, ilon uyan. Ilo rumok tamol aenkadi Stiven disareg, ilod tubun mi saian go awad tubun mi ditata se ya. Nek saen an lo mi Jerusalem na ilo rumok

adi fun diganeg, Jesus yañan o muruan tubun mi disini se ya. Agog dufufurak go aenkadi Juda na aenkadi Sameria na diaug dumado ya. Ak man aposel adi Jerusalem na dumado ya.

³ Gug Sol man midaen ititale wo yaes ifuni a. Ab ab idu isida dugo Kris tamolpein injal go iraug subanek ab lo idirai se ya.

Filip Sameria na Anut san ru ifulale ya

⁴ Ilo rumok adi a dufufurak go gidigheid diau na yan, aben dugo ate diau an Anut san ru dufulale se ya.

⁵ Filip Sameria na yaug, taun tubun ak ta ilon lo iladug ante sad naod na ru Kristus niñen o ibol ilasa se ya.

⁶ Saen tamolpein doup tubun inñsan ru dulon dugo, kulob girager igane yan dile man, inñsan ru fidian dulon uyan o kududod dugure ya.

⁷ Ur saian awad tubun mi disasai dugo, tamol tinid lo yak dubiseig dilasa ya. Tamolpein njied itubabun, agod a dutor saian saian dan wei mi uyad isusa ya.

⁸ Ago man taun an ilon lo yousai yen go tubun kasik.

⁹ Aria, taun an lo kiai tamol ta yañan Saimon imado ya. Inñsan sewak an lo nal kitek milaen mi Sameria tamolpein iginiaig dumasa saian. Inñsen mi inñ tamol tubun ak se pitianoï san ru ago ibol.

¹⁰ Agod taun an sad tamolpein fidian, a yañad ad da yan, agod a yañad tia yan dam, kududod dugure ya. Ago dugo dubol, “Tamol en man, tubud san dabai a yañan Dabai Tubun Ak dubol dan, tamol emaiak inñsen.”

11 Nal milaen mok inʒsan nawir an lo irawaig, tamolpein fidian inʒ awan paen na dumado dugo durut saian geig a.

12 Gug saen pein, tamol dam Filip awan lo bilaluj uyan ak san ru Anut san kagin panek niʒen o, agod Jesus Kristus yaʒan niʒen o dam dulon man, inʒ ilod lo rumok a. Agog suguek diʒane ya, tamol inʒ pein da mi a.

13 Saimon sen dam ilon lo rumok go suguek inʒane ya. Agog Filip niʒen fo itor dugo kulob girager funfun Filip igane dugo ileg niʒen o irut saian geig a.

14 Saen aposel adi Jerusalem na dumado yan Sameria tamolpein Anut san ru diʒane yak dulon tag, Pita Jon da didinaig, inʒsad na diau a.

15 Sameria na dilasag, tamolpein Urgun diʒane san niʒen Anut dugudani a.

16 Man dugo, Urgun fufod na gamugo idu ya, tia, Tubun en Jesus yaʒan lo suguek diʒane yan mi a.

17 Agog Pita Jon da tamolpein gurnad fo banid digane dugug, Urgun diʒane ya.

18 Agog Saimon tamolpein Urgun aposel adi banid lo diʒane dugo ile tag, moni inʒaneg, Pita Jon da sad na yaug ibol,

19 “Dabai an niʒai dam apanag. Agop tamol dugon banig gurman fo niʒigane dan Urgun inʒane wa.”

20 Ak man Pita ru naon igo ibol go irupeyi, “Onʒane moni an niʒanep, ida udeg wau. Ata wo? Onʒ ilo lo man lou panek e Anut ipanad den moni nam udad niʒane wak ubol da.

21 Onʒ maʒsama urat boi en lo onʒ yaʒa tia ya. Man dugo, onʒ ilo man Anut malan lo ta itaot na ya.

²² Ago yak niŋen oŋsa kankan saian an umoi kisaek oŋ. Ago dop Tubun en oŋsa kankan saian gane yan ipasi wo gudani wa. Nap ilo sou naok ago bube ilon lo gane dan an bo subam an ipare idu pano wak boi.

²³ Man dugo, ŋai ŋilio dak, mala sek agod turak susai dam mi oŋ tini iŋanefute dugo, aupasek san subanek tamol mado da.”

²⁴ An lo Saimon iŋ Pita Jon da ru naon igo irupidai, “Gidad, aŋ ŋai niŋeg o Tubun en agudani. Agop an lo muruan abol dan ŋai fo na ta ilasa na wa.”

²⁵ Aria, Pita Jon da Tubun en dugo woŋ ibinawai an tamolpein durupidai dulon go iŋsan ru dam dubol ilasa se ya. Saen urat an digane itout man, dumul go Jerusalem na diau a. Diau dumul dugo dal dal na, Sameria panu wei mi lo dam Anut san ru dufulale se ya.

Filip Itiopia tamol ta isugui a.

²⁶ Tubun en san eŋel ta Filip irupeï, “Masap dal Jerusalem nag Gasa na idu yau an ŋanep wau.” (Dal an tan kawan ak lo yen da.)

²⁷ Ago tag Filip eŋel ibol ago mi igane. Dal na yau dugo Itiopia sad tamol gurman ta ile, tamol an iŋanen nabun dusukali a. Tamol an Itiopia Kwin yaŋan Kandesi san moni kagin ipani da. Iŋ Jerusalem na ubou ile wo yau ak

²⁸ fon imul sen fun panu lo yau da. Karis fo profet Aisaia san ru isuti dugo yau.

²⁹ Agog Urgun Filip irupeï, “Waup karis an sumeik ida au.”

30 Ago tag Filip imaspalu oñ yang sumeik dugo, profet Aisaia san ru isuti dugo ilon tag isumiani, “Dugo, ru suti dan fun kitek ulon di?”

31 In ibol, “En dugop ñai ru en fun ñalon ak i? Rumok talpein ta fun ifulale ak man nap ka ñalon a.” Agog Filip iwagig isidag sinjiren na imasi a.

32 Ru girek boi emaiak isuti,
 “In man sipsip dufuni wo diñane diau dak igo won.
 In nek ibol sipsip nanun fufulun dutute dop awan itau itur dak igo won.
 An lo awan kitek ipuk man tia ya.

33 In miai tubun mok dupanig, in o ru itaot dubol man tia ya. Kot aen kisaek mi digane.
 Enti tamol an san malan kubulan niñedi wo ru ta ka inñeñ ak i? Talpein ta kisaek tia ya.
 Man dugo, inñan madok tan en lo digane itout go lak na yau a.”

34 Itiopia tamol gurman an Filip isumiani, “Profet in enti niñen o ibol dan, gidad ubol pe ñalon. Inñen niñen o ibol, tia, talpein sen ta niñen o ibol i?”

35 Ago dugug Filip girek nek en lo fun iganeg bilaluñ uyan ak Jesus niñen o yan ibol idug ilon a.

36 Ru ifulale dugo dupalug you ta fun na dilasag, tamol gurman Filip irupeñ, “You ebe ya. Dugo, mel ta isubanag pe suguek niñane wan tia i?”*

38 Ago man gurman an ibol dugo inñan urat pinein karis yabituani a. Agog in Filip da you lo dudug Filip tamol an isugui a.

* **8:36:** Boi 37 Grik lo tia ya. Baibel aenta lo boi 37 igo ya. Ago tag Filip awan yabig ibol, On ilo lo rumok mok tap, on ka suguek ñane wa. Agog tamol gurman an ibol, “Ñai Jesus Kristus in Anut nanun an ilog lo rumok.”

³⁹ Saen you dibiseig dilasa yan Tubun en san Ur Filip inane yau. Tamol gurman an Filip ta ile na gug ilon youn isag inşiganen na yau a.

⁴⁰ Agog Filip Asdod† na kuai isi a. Agog turen yabig panu panu lo Jesus san bilalun uyan ak ibol ilasa dugo itor nag Sisaria na ilasa ya.

9

Sol ilon ibileksag Jesus ninen o ilon lo rumok a Apo 22:3-16; 26:9-18

¹⁻² Saen an lo Sol in Tubun en san tamolpein ifu dumat o urer ipidinai dugo ibol itor se ya. Agog pris malan te ak san na yaug, girek ta igire pani wo isumiani a. Girek an Juda ubou ab sad gurman adi Damaskus na yan ikubiai pidinai dop, tamol ta boi, tia pein ta boi, ilo rumok kagin a “Dal En” dubol* dugo diri dan abanad ile tap, ibiap isubanaip, dida Jerusalem na diau a.

³ Damaskus na yau wo dal inane yaug sumeik dugo gamu nam keit lo lilaman ta irakilawig, aban isapudadeg Sol ibuluwi a.

⁴ Agog yau idug tan na yen dugo awan ta iwagin dugo ilon, “O Sol! Sol! Ata wo nai malag sue dak i?”

⁵ Ago tag Sol isumiani, “Tubun en on enti?”

Ago dugo awan an ibol, “Nai Jesus nek a malag sued ama ya.

⁶ Aria, masap waup Damaskus na ladu. Ago gup dugo gane wan dubol ulon a.”

† **8:40:** Grik ru lo taun an yan an Asotus * **9:1-2:** Imug tamolpein man ilo rumok adi sad kagin an ninen o yan an Dal En dubol se ya; murna gug yanak an Kris dubol da.

⁷ Tamol adi a Sol dida turenj diabi dan dupartu-anig ru ta dubol san tia ya. Awan injen se yan bo duloj gug talpein nujon dile man tia ya.

⁸ Sol imasag malan ipuk gug abanj ile san tia ya. Ago tag banin diabig dijaneg Damaskus na diau a.

⁹ Nal utol abanj ile san tia ya. Agog ananj dam, you dam tia imado ya.

¹⁰ Ilo rumok tamol ta yanjan Ananaias Damaskus na imado se yan, malan njutun lo Tubun ak irupei, “Ananaias.” Agog Ananaias ibol, “Tubun en, naj ebo ya.”

¹¹⁻¹² Agog Tubun en irupei, “Masap, waup, ‘Dal itaot’ dubol dan ate Judas san ab lo Tarsus tamol ta yanjan Sol dubol dak njen o sumiai. In man igudani dugo malan njutun lo mel ta igo ile ya, tamol ta yanjan Ananaias ipalug gurman fo banin igane dugo abanj fon ile da yak ago njon lo ile ya.”

¹³ Ananaias ru naon irupei, “O Tubun en, tamolpein wei mi tamol an njen o dubol dugo njalon a. Kagin saiak saiak funfun onane tamolpein Jerusalem na yan lo igane yak san ru durupaiaig dugo njalon a.

¹⁴ Gamu pris gurman adi awok dubol go ete Damaskus na ipalug, talpein enti on yanja lo ubou dile dan ibiap injal diau o ipalu ya.”

¹⁵ Gug Tubun en Ananaias irupei, “Wau! Man dugo, naj tamol an urat ag igane wo njipiliani a. In tinin lo tamolpein Juda tia yan, inaned kinj dida, Isrel tamolpein dam naod na naj yanag kuai te irupidaip ru naj njeneg o duloj a.

¹⁶ Agod inj naj yanag o muruan tubun mi isini wan naj njukubiai pani wa.”

¹⁷ Agog Ananias yaug ab lo iladug, Sol gurman fo banin iganeg ibol, “O teig Sol, Tubun ak sen idinag go n̄upalu ya. Jesus sen nek ete Damaskus na palu dugo dal na naon na ilasa amaiak, oñ afon abañ ule dop Urgun oñ tini in̄anefute wo idinag go n̄upalu ya.”

¹⁸ Ago ibol ak gamu nam mel ta nek ibol iy tubulan igo woñ Sol malan lo yak ditapas tan na dudu ya. Agog malan ipuk go abañ fon ile ya. Ago man imasa itur go suguek in̄ane ya.

¹⁹ Agog anañ yanig tinin fon dabai da ya.

Sol Damaskus na Anut san ru ifulale da

Sol nal aenta Kris tamolpein dida Damaskus na dumado se ya.

²⁰ Agog imasag itaot Juda sad ubou ab fidian lo yaug, Jesus san ru ifulale dugo ibol, “Jesus in̄ Anut Nanun.”

²¹ Tamolpein fidian a in̄ awan duloñ se yan durut saian geig go sed nug dusumiani dugo igo dubol se, “Dugo, tamol an in̄sen Jerusalem na tamolpein Jesus yan̄an dupate dugo ifu dumat na yak nek emaiak i? Go in̄ e ipalu yan tamolpein iburoup, in̄al pris gurman adi sad na diau wo ipalu yak i?”

²² Gug Sol san ru fulalek dabai geig ak ninen o, Jesus in̄ Kristus an tamolpein fidian kuai te ikubiai pidinaí a. An lo Juda tamolpein Damaskus na dumado dan durut saian dugo awan diabi san muruadi.

²³ Murnag saen kitek milaen mi yau dugo, Juda adi Damaskus na yan Sol dufuni wo dutumanig palañ an dumari.

²⁴ Ak man tamol ta pasak nam irupei ilon a. Tidom ad panu san dalawan te ager adi tawan digane se ya. Sol ipalu dop diabip dufuni imat san mi a.

²⁵ Gug nal ta tidom lo Sol san megeloum adi dijaneg, diaug sep fog udou lo duyuweg, patun fo idu ya.

Sol Jerusalem na imul yau a

²⁶ Sol Jerusalem na yang ilo rumok adi luad isa wo igane yak gug, in Sol gamu Tubun en san megeloum mok an ilod ta rumok na yan lo ilod weiwei a. In fidian in ninen o tubun mi direr a.

²⁷ Ak man Barnabas Sol injaneg aposel adi sad na diau a. Agog Sol Tubun en Damaskus dal na ile yan, Tubun en ru irupei an dam irupidai dulon a. Agog Damaskus na Anut ru ifulale wo ta isuksuk na yan dam ibol idug dulon a.

²⁸ Atnag Sol aposel adi dida dumado dugo, Jerusalem ilon lo Tubun en san ru ifulale dugo itor se ya. Ilon fidian an ru ifulale dugo tinin ta irer na ya.

²⁹ Sol in Juda tamolpein Grik ru dubol dan dida dijinen dugo nug aen ditog na ya. An ninen o dufuni imat o dal aban dile se ya.

³⁰ Agog saen ilo rumok adi ru an dulon tag, Sol dijaneg Sisaria na diaug Tarsus na didinig yau a.

³¹ Saen an lo Kris midaen Judea na, Sameria na, agod Galili na yan an fidian maror lo mi dumado na ya. Awan Urgan midaen dabai ipidinai dugo ilod yabisa se ya. Insan dabai lo midaen ilasag, tubun kasik. Agod Tubun en ninen direr dugo insan ilobol lo mi dumado dutor se ya.

Ainias in Dorkas da

³² Pita panu panu itor nag, nal ta Lida na Tubun en san tamolpein ate dumado dan yil o yau.

³³ Aben an ate yau nag tamol ta njen banin dumat ak ile ya. Tamol an yanjan Ainias. In ananjar 8 njen aben ta ibisei na ya.

³⁴ Pita tamol an irupei, "Ainias, Jesus Kristus on ikubunio wo da. Masap, onane njen aben kubune." Ainias ru an ilon go gamu nam imasag itur a.

³⁵ Saen tamolpein Lida na, Saron na dumado dan Ainias dileg Tubun en njen o ilod lo rumok a.

³⁶ Jopa na pein ta yanjan Tabita, in Kris pein ta. (Grik ru lo yanjan Dorkas). Insan saen tubun mi man binawek urat mi igane da. Agod tamolpein filiad tia yak ibinawai se ya.

³⁷ Saen an lo subam inane imat, agog tinin dufulanig galun lak na yak lo diganeg yen.

³⁸ Jopa nap Lida na wau man asau tia ya. Ago yak njen o saen ilo rumok adi Jopa na yan Pita Lida na imado dak dulon tag, tamol uraru ru en disinig Pita san na diaug ilon dinane dugo durupei, "Gidad mansama na ririan palu."

³⁹ Ago tag Pita tamol uraru an dida diau a. Saen dilasa yan Pita dinane galun lak na yan lo diau a. Ante man pein suos Pita dutur dulubanig ditata dugo, Tabita gamugo imat dugo bioun iwei na yan dukubiai pani a.

⁴⁰ Agog Pita fidian idinaig patun fo dilasa dugug turun isaluwig igudani gug, idansag naon Dorkas san sisanun ipani dugo irupei, "Tabita, masa!" Ago ibol dugo Tabita malan ipuk go Pita ileg imasa ya.

⁴¹ Pita banin iwate dugo yabig imasa itur a. Agog Kris tamolpein in̄ Kris suos dida igiaig, Tabita kumaen imado yan ikubiai dugo dile ya.

⁴² Ru an Jopa na ifurak go, tamolpein wei kasik Tubun en niñen o ilod lo rumok a.

⁴³ Agog Pita Jopa na saen milaen mi tamol ta yañan Saimon ida dumado se ya. Tamol an makau sunulon, melmel funfun sunulod ikubune dop igane igos da.

10

Konilias Pita iwagi a

¹ Sisaria na tamol ta yañan Konilias, in̄ Rom sad yu gurman tubun a.* In̄san doup ititianai dan yañad “Italian Sawar”.

² In̄, in̄anen samun fidian dida Anut yañan lo ubou dile da. Juda tamolpein filiad tia yan ibunawai siñaokan dop, pempem Anut igudani se ya.

³ Nal ta 3 klok guraian gudanek san saen lo malan n̄tun ta ile ya. Malan n̄tun an lo Anut san eñel ta ipalug irupe, “Konilias!”

⁴ Konilias irer an lo malan ti ibol go eñel an leil ipani dugo isumiani, “Tubun en. En dugo ya?”

Agog eñel awan yabig ibol, “Anut oñane gudanek ilon̄ a. Agod oñane binawek urat gane dan ileg, oñ o ilon̄ isou da.

⁵ Ago yak niñen o tamol ta dinaip Jopa na diaup, tamol ta yañan Saimon Pita diñanep dida dupalu wa.

* **10:1:** In̄ keptan, 600 yu tamol ititianai a

⁶ Inj tamol ta yaŋan Saimon ida loŋ aen te dumado da. Tamol an memel funfun sunulod ikubune dop igane igos da.”

⁷ Eŋel Konilias ibisei yau dugo, Konilias yu tamol kisaek, agod inŋsan ab san urat pinein uraru dida igiaig dupalu ya. Yu tamol an dam Anut yaŋan isini san tamol, agod inŋ Konilias san biabi ŋilaŋal.

⁸ Agog memel ilasa yan naod na ibol idug, idi-naig Jopa na diau a.

⁹ Salsog dal na diau dugo, ad titiŋaem itur an Pita igudani wo ab san fuŋ ilabakan an fo isida ya.†

¹⁰ Imatigen saian go ananŋ yani wo ilon tinin fidian ibol. Ananŋ dineid dumado dugo Pita malan ŋutun ta ile ya.

¹¹ Malan isidag keit awan ipasig mel ta yamel oŋ ak gigin iwoiwo atem diabi dugo duyuweg tan na idu dugo ile ya.

¹² Yamel an fo bor, anakanak, mot, mudan naon funfun yil a.

¹³ Agog awan ta iwagiŋ go ibol, “Pita, masap mel an ufu idup wani.”

¹⁴ Ak man Pita ibol, “Tubun en, tia geig. Juda kagin lo mel ta nun dubol dan ŋai gubak mi ŋani man tia geig a.”

¹⁵ Ago tag awan an fon ibol, “Mel dugon Anut ikokan ibol ak, oŋ waliŋ ganep, nun ta ubol na wa.”

¹⁶ Mel naon kisaek an mi ilasa utol gug, fon memel an yamel anda imul keit lo yau a.

¹⁷ Pita malan ŋutun ile amaiak san fun kankan an igane dugo, Konilias tamol idinaig diau an Pita

† **10:9:** Inŋsad ab fidian sad fuŋ man ilabakan. Inŋ pempem ate disida da.

ab lo imado dan dulong tag dupalug ab awan te dutur a.

¹⁸ Ab muroun duwagin go dubol, “Tamol ta etna yanjan Saimon Pita imado di?”

¹⁹ Pita malan n̄tun amaiak kankan an iganed imado dugo Urgan irupei, “Ulong, tamol utol on abanja diabi da.

²⁰ An lo udup, dida au. Ilo weiwei umoi. Man dugo, n̄sag n̄dinaig, onsa na dupalu ya.”

²¹ Ago tag Pita idug irupidai, “Tamol abanjale dan n̄ai nek en. An ata wo apalu yak i?”

²² Ago tag ru naon durupei, “Yu gurman tubun ak Konilias idinamag mupalu ya. In tamol itaot mok, Anut yanjan lo ubou ile da. Juda tamolpein dam tamol an yanjan disini da. Anut san enel gun ak ta ipalug on igiop in̄san ab lo waup n̄n̄e dop ilon o ago enel an irupei a.”

²³ Ago tag Pita tamol utol an igiaig diladug atna dida dien a.

Anut ilo rumok san dalawan Juda tia yak ate diladu wo ipasi a

Tidom lom mi, Jopa na ilo rumok adi aenta Pita luan disag, tamol utol an dida diau a.

²⁴ Tidom kisaek dal na dien gug Sisaria na dilasa ya. Konilias in̄anen samun, turan muroun dam igiaig dupalu yan fidian Pita malan diganed dumado se ya.

²⁵ Pita ab lo iladu wo dugo Konilias yang Pita naon na tubud igo won̄ turun isaluwi pani a.

²⁶ Gug Pita banin idug yabisag irupei, “Masa, n̄ai man tamol nek on̄ igo ya.”

27 Pita Konilias ru irupei dugo ida ab lo diladug, tamolpein wei mi dumado dugo yil a.

28 Agog Pita irupidai, “An alon ak. Juda sad kubiaen ibol ak, Juda tamolpein diaup tamolpein Juda tia yan dida ta mok dutumani na wa. Ak man Anut igo ikubiai panag, nai tamol ta nun ak ta nabol na wa. Ikok tia yak dam ta nabol na wa.

29 Ago yak ninen o saen nai nineg o ru gane man ta namoi na ya. Ata wo mok nai nineg o ru gane yak i?”

30 Ago dugo Konilias ibol, “Nal utol yau la ya. Gamu saen nek igo 3 klok guraian naisiganeg ab lo ngudani dugo, gamu nam tamol kulos malan milkouk geig ak idirig naog na itur a.

31 Agog irupaiag, ‘Konilias, Anut onane gudanek ilon a. Agod binawek urat gane dan ile dugo on ilon isou da.

32 Talpein ta dinaip Jopa na diaup, tamol ta yanjan Saimon Pita ninen o dusumiai. In Saimon sen ak san ab lo imado da. Saimon an melmel sunulod ikubunep igane igos da. In lon aen te imado da.’

33 Ago yak ninen o gamu nam on palu wo ru njigane ya. Agog on gane fufeig palu ya. Gamu man fidian Anut malan lo mumado da. Ak ninen o Tubun en ru dugon rupaiama malon o ibol man, ubol dop malon o tinima migane da.”

Pita Konilias san ab samun ru irupidai a

34 Agog Pita insan ninen fun iganeg ibol, “Gamu gug nalon la ya. Rumok, Anut san kagin panek tamol fidian lo man naon kisaek mi a.

³⁵ Enti a Anut niŋen o imat dugo, inŋsan ilobol fom imado itor dak, gidad naon tinin sen ak an fidian inŋal a.

³⁶ Bilaluŋ uyan ak Anut maŋ Isrel tamolpein ipanama yan alon la ya. Bilaluŋ an man inŋ Jesus Kristus ipilianig, tinin log id Anut da maror tumado da. Ago dugo Jesus inŋ tamolpein fidian sad Tubun a.

³⁷ Anŋ kulob Isrel tan lo ilasa yan alon a. Jon suguek iganeg itout go, Galili na mel an fun ilasa ya.

³⁸ Jesus Nasaret tamol Anut ipilianig, inŋ fo Urgun dabai da iganeg idu yan anŋ alon a. Inŋ panu panu itor dugo binawek igane dugo, talpein enti ta ur saian sad gurman paen na dumado dan ikubunia se ya. Man dugo, Anut inŋ da dumado na ya.

³⁹ “Inŋ binawek urat Juda sad tan lo, agod Jerusalem na dam igane se yan maŋ malama lo mile ya. Agog aigim fo dibalig dufuni imat a.

⁴⁰ Gug nal utol itout an, Anut materŋ lo ifufunig kumaen imasag, maŋ malama lo ilasag mile ya.

⁴¹ Tamolpein fidian ta dile na ya. Anut maŋ mitep fun mufulale san ipilianama yan mi mile ya. Maŋ nek kumaen imasa yan inŋ da mani maluk na ya.

⁴² Agog Jesus sen ru dabai nam irupaiamag inŋsan ru tamolpein naod na mufulale wa, ago gug idinamag mau a. Maŋ tamolpein murupidaip, inŋsen man tamol a tamolpein dumat la yan, agod a dumado dan dam, inŋsad bitinaek tamol imado dak ago murupidaip dulon an ru kagin irupaiama ya.

⁴³ Profet fidian inŋ niŋen o igo dubol ilasa, ‘Ta-

molpein a fidian in o ilod rumok dan, inanen yanjan lo Anut in sad aupasek ipare idu pidinai a.' ”

Tamolpein Juda tia yan Urgun dinane ya

⁴⁴ Saen Pita in inen dugo, awan fom tamolpein a ru dulon dan Anut inanen Urgun iwali idug fidian dinane ya.

⁴⁵ Ilo rumok adi a tini sunulon tutek san mulon lo dudu yan Jopa na Pita luan disag dupalu yan, durut saian geig a. Man dugo, ilo panek kawan ak on Anut inanen Awan Urgun tamolpein Juda tia yan dam ipidinai a.

⁴⁶ Ata wo? Muroun ru funfun lo Anut yanjan diabisa dugo dulon se ya. Ago dugug Pita imasag ibol,

⁴⁷ “Tamolpein en id Urgun tinane ago mi in dam dinane ya. An ninen o, dugo, suguek dinane an ninen o talpein ta yabitanai san ninen ka ru ibol ak i?”

⁴⁸ Agog Pita tamolpein an Jesus Kristus yanjan lo suguek dinane wo ru dabai nam irupidai a. Agog nal aenta in dida dumado wo dusumiani tag atna dida dumado ya.

11

Pita melmel fidian ilasayak san ru, a tini sunulon tutek dinane yan irupidai dulon a

¹ Tamolpein Juda tia yan Anut san ru dinane yan san ru, aposel adi in ilo rumok adi Judea na dumado yan dam irupidai dulon a.

² Ago yak ninen o saen Pita Jerusalem na ipalu man, Juda ilo rumok adi tinid sunulon dutute an Pita ai dupanig

³ dupei, “Onj tamolpein tinid sunjalon ta dutute na yan dida atumanig, ananj dam ani a.”

⁴ Ago tag Pita malan njutun ile yak san ru ibol idu,

⁵ “Nal ta Jopa na njugudani dugo, malag njutun en njile ya. Keit lo mel ta yamel onj gigin iwoiwo ate mi diabi dugug, duyuweg, naog na mok idu ya.

⁶ Yamel an fo man mudan naon funfun. Bor, mot, agod anakanak naon funfun dien a.

⁷ Agog awan ta irupaiag go ibol, ‘Pita, masap, melmel an ufu idup wani.’ ”

⁸ “Ago tag naj nabol, “Tubun en, tia geig. Mel dugon Juda sad kagin lo nun man naj gubak mi ta mok nani na ya.’ ”

⁹ “Ago dugo awan keit lo yan fon ibol, ‘Mel dugon Anut ikok ibol dak, onj waliñ ganep, nun ta ubol na wa.’

¹⁰ Mel naon kisaek an mi ilasa utol gug, fidian mi imul keit lo isida yau a.”

¹¹ “Ago ibol gug tamol utol Sisaria nag Konilias naisag na idinaig dupalu yan ab naj lo njumado yan san awan te dutur a.

¹² Urgun naj ilog weiwei njamoip, ririan inj dida mau wo ibol a. Ago tag Jopa na ilo rumok tamol 6 luag disag dida Sisaria na mau a. Agog fidian Konilias san ab lo miladu ya.

¹³ Agog Konilias irupaiamag Anut san enjel insiganen ab lo ilasag inj da durupe i an san ru ibol dugo malon a. Enjel an irupeig igo ibol, ‘Talpein ta dinaip Jopa na diaup, tamol yanjan Saimon Pita ninen o dusumiai.

¹⁴ Tamol a bilalun irupaio wan lo onj agod onjane samun fidian dam patu pasek diñane wa.’

¹⁵ “Nai fun niganeg ru nrupidai man, nek ibol fun mok lo Awan Urgun id tinid fo idug tinane yak igo won, ago mi in tinid fo dam idug dinane ya.

¹⁶ Ago dugug Tubun en ru ibol ak ilog isou, ‘Jon you nam suguek ipanaj a, gug an Urgun nam suguek anane wa.’

¹⁷ Agod an kuai tem talon, Anut id Jesus Kristus ilod lo rumok go Urgun ipanad, ago mi tamolpein Juda tia yan ipidinai a. Nai tamol naok dugo yak pe, Anut ata ilon ibol an ntute wak i?”

¹⁸ Saen ru an dulon man, in ru taidam ad tia ya, tia, Anut yanjan diabisa dugo dubol, “An rumok tap, Anut ilon yen man tamolpein Juda tia yan ilod ibileksap, kumaen pempem yen san dinane wan san dal in o dam ikasap yen da.”

Antiok na midaen foun ak ilasa ya

¹⁹ Saen Stiven imat an mala suek tubun kasik ilasag, ilo rumok adi dufufurak go aenkadi Saipras na, aenkadi Fonisia na, aenkadi Antiok na, diau dugo in Juda tamolpein mi Jesus san ru durupidai se ya.

²⁰ Ak man Saipras in Sairini da sad ilo rumok tamol aenkadi diaug, Antiok na tamolpein Juda tia yan Jesus Tubun en san ru dufulale dugo dulon se ya.

²¹ Tubun en san dabai in lo yen ak ninen o tamolpein wei kasik ilod dibilisag, Tubun en ilod lo rumok a.

²² Ru an yang Jerusalem na midaen dulon tag Barnabas didinig, Antiok na yau a.

²³ Saen Antiok na ilasag Anut san ilo panek kulob funfun midaen an lo igane dan ileg, ilon tubun mi uyanan a. Ago tag tan suek ru irupidai,

“Pempem Tubun en awan kagin apani dop, ta mok abisei na wa. Gidad, muruan saian ak gup ilom tinim fidian inj apani wa.”

²⁴ Barnabas inj tamol uyanan mok. Inj ilon Urgun agod ilo rumok injanefuteg an lo inſan urat lo tamolpein wei mi ilod ibileksag Tubun en san na diaug injanen tamolpein dilasa ya.

²⁵ Agog Barnabas Tarsus na Sol abanjaſan yabi wo yau a.

²⁶ Saen inj Sol ile man, injaneg ida Antiok na dumul a. Anaſar kisaek midaen an lo tamolpein doup tubun dida dutumani dugo maſau dipitenjanaſi se ya. Antiok na ilo rumok adi yaſak Kris an malmalan mok dijanaſe ya.

²⁷ Saen an lo Tubun en san profet aenkadi Jerusalem dibiseig Antiok na diau a.

²⁸ Profet ta yaſan Agabas luluſad lo imasag, mitep tan fidian lo kadag tubun idu wak niſen Urgun ikubiai pani dugo ibol a. (Murnag Klodias Rom sad Kaisa imado dugo Agabas awan aban an nuſon ilasa ya.)

²⁹ An lo man ilo rumok adi injaned turad Judea na yan dubunawai o dubol a.

³⁰ Agog injaned filiad iri panim moni diganeg Barnabas Sol da moni dupidinaig disini diaug Jerusalem na ubou san gurman banid lo diganeya.

12

Herod Jems ifuni imat dugo Pita subanek lo iganey a

¹ Saen nek an lo mi Herod fun iganeg midaen ilon lo tamolpein malad isue.

² Inj ibol dugo Jon tein Jems sabiri nam dufuni imat a.

³ Saen ago igane dugo Juda tamolpein ilod uyanan ago ile tag, afon ibol dugo Pita diabi a. (Juda sad soubul gun bret yis an tia ak diani san saen lo Pita diabi.)

⁴ Pita diabig, subanek ab lo diganeg, yu tamol adi tawan an dumado se ya. Yu tamol malan iwoiwo, go malan kisaek kisaek san tamol dam iwoiwo. Malan ta tawan an dumado nap, diau dop, fon malan ta dupalu se ya. Herod inj Juda sad nal gun tubun ak Pasova dubol dan saen an itout gup, Herod Pita malak malak lo kot ipani wo ilon ago isou a.

⁵ Pita subanek ab lo imado dugo, Kris midaen Anut Pita ibinawi wo gadin dabai kasik digane se ya.

Anut Pita subanek lo ipasi a

⁶ Tidom a san salso lo Herod Pita kot ipani san saen ilasa ya. Pita banin neinta lo sein dususeg diaug, yu tamol banin aenta ida dususe kisaek a. Banin aenta man dijaneg sein nam yu tamol neinta dususe ago mi digane ya. Ago dugo inſen man titiſaem yen. Yu tamol aenkadi man subanek ab san dalawan te tawan dutur go dumado se ya.

⁷ Aria tidom lak geig Tubun en san enel ante itur dugo, san lilaman subanek ab an ilon igane ilalan a. Agog enel Pita giranen ifunig malan ipuk gug irupei, “Masa kisaek on!” Enel ago ibol dugo, Pita banin nudun te sein dien an sed ditapas dudu ya.

⁸ Ago dugo enel Pita irupei, “Onsa kulos sendal dam diri.” Pita nek ago mi igane dugo enel ibol,

“Onjane madid san kulos njanep se ibuluwo gup, njieg aban uri.”

⁹ Agog Pita enjel an njien aban irig subanek ab san galuñ dibiseig kuai te dilasa ya. Mel e ilasa den Pita san ilo sou lo man mel nuñon tia ya, in malan njutun mi ile dak ago ibol a.

¹⁰ Ago dugo Pita enjel da dupalug, yu gurman tawan aben malan te itur dan dirinani a. Agog tinin te itur an san aben dam dirinani a. Wadan geig subanek ab san dalawan tubun ain nam digane yan fun na dilasa ya. Dalawan sen ilon nam itapas, agog patun fo dilasa ya. Agog taun an san dal an dirig kitek taida dilag asau gug enjel Pita ibisei a.

¹¹ Ago dugo Pita ilon ipasti gug kankan injaneg ibol. “Gamug gug njalon ak, mel naj lo ilasa man rumok a. Tubun en inñsan enjel idinig, ipalug naj ibinawag go Herod tuon lo, agod Juda sad daon panek ilod isou dan lo ipasag a.”

¹² Mel ilasa yan kankan an kitek igane gug, Jon yanjan neinta Mak dubol dan tinan Maria san ab lo yau a. Ab an lo Kris tamolpein wei kasik dususag dugudani dugo dumado se ya.

¹³ Pita dalawan ititi dugo, urat pein ta yanjan Roda, talpein dalawan ititi dak naon ile wo ipalu ya.

¹⁴ Saen Pita kulagun ilon go ilon tubun mok uyanan. Agog dalawan ipasi san ilon inañon. Pein an imaspalu yaug, tamolpein dugudanid dumado dan naod na Pita ab patun fo itur dan ninjen o ibol a.

¹⁵ Ak man in ilod lo ta rumok na tag dupei, “On nag nñejo ifuno boi.” Ago bo man pein an kawan

inijenej onj tag dubol, “An man Pita san mitilaen boi.”

¹⁶ Saen diijenej se yan Pita dalawan nek ago mi ititi se ya. Ago yau na gug dalawan dupasi. Agog saen Pita dile man durut saian geig a.

¹⁷ Agog leinj tubun mi digane tag, awad itau wo banin nam toutou igane ya. Awad itau dugug, Tubun en inj subanek ab lo inane g ilasa yan fun ifulale dugo dulong a. Agog irupidai, “Ru en Jems inj ilo rumok adi dida arupidai dulong.” Ago ibol go itout an ibisawaig, aben sen ta lo yau a.

¹⁸ Salso idug yu gurman a tawanj dutur an lulanad lo leinj tubun geig ak ilasa ya. Pita dugo yau an ta dulong na ya.

¹⁹ Herod ibol dugo abanan diabi ak gug tinin kitek dilet man tia geig a. Ago tag inj yu tamol adi tawanj dutur se yan isumianai uyanan. Ak man tia tag, ibol dugo yu tamol an dufu dumat a. Agog Herod Judea ibiseig, Sisaria na yaug, atna kitek imado ya.

Herod san matej

²⁰ Herod Taia Saidon da sad tamolpein ninedi wo tinan saian. Ago tag Taia Saidon da sad tamolpein dutumanig Herod dilep dusumiani wo diau a. Malan malan mok inj Blastus, Herod san ab san titianek, ilon dijane wo diau a. Agop inj naod inane Herod isumiani san a. Ago diganeg, inj dida ilod kisaek. An lo diaug, Herod inj dida maror dumado wo dusumiani a. Man dugo, inj Herod san tan lo ananj dijane yan lo inisan binawek o tinid digane ya.

²¹ Blastas Herod san na yaug, nal igane wak niŋen isumiani. Agog Herod nal igane yak fom iŋsiganen kiŋ kulos iganeg, kiŋ san kalik fufo imasiŋ, tamolpein ru irupidai a.

²² Tamolpein iŋsan ru dulon dugo disasaig dubol, “En tamol san kulagun tia ya. Tia, en tubud ta iŋiŋeŋ da.”

²³ Agog gamu nam Tubun en san eŋel ta Herod ifunig ibili idu ya. Man dugo, iŋ tamol mi ibol ak imoi. Tia, awan itaug Anut yaŋan yabisa san imoi a. Agog kulilid iŋsan tiŋaen dianig imat a.

²⁴ Gug Anut san ru italbisiŋ, ifurak go aben fidian lo yau a.

²⁵ Barnabas Sol da Jerusalem na ubou san gorman banid lo moni digane yan san urat digane itout gug, dumul go Antiok na diau a. Saen dumulan Jon yaŋan neinta Mak dubol dan diŋaneg dida diau a.

13

Urgun Barnabas iŋ Sol da ipilianaig idinaig diau a

¹ Antiok na midaeŋ ilon lo profet adi, agod girek maŋau adi dumado dan yaŋadi igo ya: Barnabas, Simion a yaŋan neinta Niger* dubol da. Lusias iŋ Sairini tamol. Manain man iŋ Herod da dilasag ditalbusi kisaek. Agod Sol sen dam mi a.

² Saen Tubun en yaŋan lo anaŋ geg diganeg dugudani dugo Urgun irupidai, “Ŋai urat ta amag da yak niŋen Sol Barnabas da apilianai apanag.”

* **13:1:** Niger san fun man bilkas.

³ Anan geg diganeg dugudani na yan itout gug Barnabas in Sol da gurnad fo banid diganeg bilalun urat banid lo digane gug didinaig diau a.

Barnabas Sol da Saipras na diau a

⁴ Barnabas in Sol da Urgan idinaig Selusia na diaug wog dijaneg Saipras nui lo diau a.

⁵ Atna taun ta yan Salamis dubol dak lo Juda sad ubou ab fidian lo Anut san ru dufulale se ya. Jon yan neinta Mak, insad urat an lo ibinawai se ya.

⁶ Nui an lo panu panu atem ru dufulale dugo diau nag taun Pefos na dilasa ya. Atna Juda tamol ta yan Bar-Jisas, in yan neinta Grik lo Elimas dubol dan, imado se ya. In kiai tamol, agod profet sewak dam mi a.

⁷ Tamol an in nui an san kiap da nug turan. Kiap an yan Segius Polas, in tamol kankan anda ya. Tamol gurman an Barnabas in Sol da Anut san ru dufulale pani dop ilon o imat tag igiaig insan na diau a.

⁸ Ak man kiai tamol Elimas in an imoi. (In yan fun man: kiai tamol.) In tamol gurman Barnabas in Sol da sad ru ilon san imoi o igane dugo, Jesus o ilon ta rumok na yan ilon inane wo maeg igane ya.

⁹ Agog Sol yan neinta Pol, Urgan buben inane fute g malan ti ibol go Elimas ileg, irupe,

¹⁰ “On Satan san nanun, agod melmel dugon uyanan ak sad ager! On tini man ru sewak agod sewak kagin naon fidian inane fute ya. On pempem Tubun en san ru rumok an bilisap sewak on gane da.

¹¹ Gamu Tubun en san tuon on tini fo iganep ule wa. On mala itaup ad san lilaman ta ule na wa.

Agop on ago mado dop saen ipano yak fo gup aban fon ule wa.”

Gamu na mi Elimas kakao malan yafutanig, malan tidom tubun go tamol ta ile nag banin te yabi wo idab idab itor se ya.

¹² Tamol gurman mel ilasa yan ileg, Tubun en ilon lo rumok. Man dugo, Tubun en san ru ilon go buben imasag irut saian a.

Pisidia provins san taun tubun Antiok ante diau a

¹³ Pol turan dida Pafos nag diyawaig, Pamfilia distrik na taun ta yañan Pega ante dilasa ya. Nek ate gug Jon Mak ibisawaig imul Jerusalem na yau a.

¹⁴ Pega dubuseig Pisidia na taun ta yañan Antiok na diau a. Agog saen Sabat nal idug Juda sad ubou ab ta lo diladu ya.

¹⁵ Ante talpein ta malmalan ru kitek Moses san kubiaen isutig tinin te profet adi sad girek ta dusuti a. An itout gug ubou gurman adi Pol in Barnabas da sad na ru digane yang dubol, “An teik adi, an ru amam da dop man, tamolpein tan suek ru kitek arupidai o iloma ibol da.”

¹⁶ Ago tag Pol imasag, tamolpein malad lo banin yabisag, ru fun iganeg irupidai, “Isrel tamolpein, agod an aenkadi da Anut yañan abisa dan, kudu-dom apanag!

¹⁷ Isrel tamolpein sad Anut, id tubud baged ipilianai go, saen Igipta na subanek lo dumado dugo, iganeg malad kubulad wei mok igileg dilasa ya, ago dugo filiad tubun mi diñane ya. Anut inşiganen dabai tutubun ak lo injal go Igipta dibiseig dilasag diau a.

¹⁸ Agog anaņar 40 tan kawan ak lo diau dugo, inśad kagin sisaiak ile yak bo man sen yabituani dugo bu ta ipidinai na ya.

¹⁹ Kenan tan lo tamolpein malan 7 dumado yan iratitalaig tan an ināneg inānen tamolpein ipidinaig an taman dumado ya.

²⁰ “Agog anaņar 450 itout dugo tamol tulek gurmañ† ipidinai a. Tulek tamol adi an paed na mi dumado dugo, yaug, profet Samuel san saen lo ilasa ya.

²¹ Agog Samuel inj kinj ta ipilianip ipidinai o dusumiani a. Ago tag Anut Samuel lo tamol ta Benjamin san gugoi lo Kis nanun yaņan Sol dubol dan, ipidinai a. Agog anaņar 40 ināned kinj imado ya.

²² Agog Anut Sol ipasi yau dugo inānen aben lo Dawid kinj igane ya. Anut Dawid niņen o igo ibol, ‘Nai Dawid, Jesi nanun inānen nao lalek ŋukubiani uyanan a, inānen buben nek ibol ŋaisag oņ, an lo ŋai ilog ibol dak ago mi igane wa.’

²³ “Wagam mi mok Anut idsad tubud baged promis ipidinai ak ināned malad kubuladi lo patu pasek tamol ta ilasa wa. An lo gamu inānen promis ru an nuņon ilasa ya, Anut Jesus idinig Isrel sad patu pasek tamol ilasa wo ipalu ya.

²⁴ Jesus urat gamugo fun igane dugo, Jon Isrel tamolpein naod na ru igo irupidaig ibol, ‘Aņanem aupasek patum apanip, ilom abileksap, apalup suguek aņane.’

²⁵ Saen Jon inānen urat wadan ifutani wo sumeik dugo isumianai, ‘Aņ ŋai enti abol dak i? Njai man tamol a malan agane dan tia ya. Tia, tamol an ŋai

† 13:20: Jas

ņieg aban fo ipalu da. Nai iņsan sendal san kam ņupasi san ta idaisuda na ya.'

²⁶ "O teig muroug, Abraham malan kubulan, agod aņ tamolpein aenta Anut yaņan abisa dan kudom agure. Patu pasek san ru man Anut idsad na iganeg ipalu ya.

²⁷ Tamolpein Jerusalem na dumado dan, iņaned gurman dida Jesus iņ patu pasek tamol an ta dile duloņ na ya. An bo saen Jesus daoņ dupani wo dubol man, iņ profet sad awad aban Sabat nal fidian lo dusuti dan nuņon diganeg ilasa ya.

²⁸ Iņ bo san muruan ta dile nag lo dufuni imat san tia yak gug, Pailat Jesus ifuni imat o dusumiani a.

²⁹ Agog saen ru Anut san buk lo melmel a iņ niņen o ibol an fidian digane itout man, aigim fo yak dupasig gib lo digane ya.

³⁰ Ak gug Anut Jesus mateņ lo ifufunig afon kumaen imasa da ya.

³¹ Agog nal wei kasik Jesus tamolpein Galili nag ņien fo Jerusalem na dupalu yan naod na ilasa dugo dile ya. Tamolpein an gamu Isrel tamolpein naod na Jesus rumok dile yan niņen dubol ilasa dugo iņsan ru durupidai duloņ da.

³² "Promis a Anut idsad tubud baged ipidinai an nuņon ilasa ya, an niņen o maņ gamu bilaluņ an misini mupalug murupaian dugo aloņ da.

³³ Promis an san nuņon ta dile na ya, tia, Anut iganeg Jesus mateņ lo imasag kumaen imado dan lo mi, id iņaned malad kubuladi an niņed o mi promis ru an nuņon ilasa dugo tile ya. Ru ta Isrel sad bar yabek namba uraru lo yan igo ibol, 'Oņ ņaineg Nanug mok;

Gamu saen en ηai oη Tama ηumado wa.'

³⁴ Agog Anut mateη lo ifufunip, fon kumaen imasap, fon imat pe igan san tia yak niηen ru en ibol,

'ηai aη bar gun ak ηupanaη a. Nek imug ηai Dawid promis ru ηupani ak ago mi ηupano mok a.'

³⁵ Ago man bar yabek sen ak san boi ta lo dam igo ibol,

'Oη oηane Tamol Gun ak ulefuni dop gib lo igan san tia ya.'

³⁶ "Dawid iηsan saen san tamolpein luluηad lo Anut ilon yen ak fom urat igane se ya, agog saen iηsan urat igane itout man, imat a. Agog iηanen bagen muroun siηired na disareg, iηsan sisanun igan a.

³⁷ Ak gug tamol a Anut mateη lo ifufunig kumaen imasa yan, tan ilon lo igan man tia ya.

³⁸ "Teig taog, ηai ilog ibol dak aη fidian mel en aloη uyanan a. Jesus nek emaiak lo Anut ka aηanem aupasek fidian ipare idu wa, ru amaiak gamu murupaiaη dugo aloη da.

³⁹ Aη Moses san kubiaeη lo itaot alasa san tia ya. Gug Jesus lo man, talpein iη o ilon lo rumok dan Anut malan lo itaot ilasa wa. Melmel a kubiaeη mi igane san ta idaisuda na yan, an fidian Jesus mi ka igane wa.

⁴⁰ Ago yak niηen o kagin agane. Profet adi ru dubol an aη lo ilasa banau. Iη igo dubol,

⁴¹ 'Aη ru kukok agane dan, ale.

Ilom weiwei dop arut pe adeg au.

Ata wo? ηai kulob ta aηsam saen lo ηigane wan niηen,

gidad enti ta mel an niñen durupaian an bo man,
an pempem ilom lo ta rumok na wa.' ”

⁴² Saen Pol Barnabas da Juda sad ubou ab an dubusei dugo, tamolpein Sabat nal naod na yan lop fon dupalup ru naon ago mi ak dubol dop duloñ o dusumianai a.

⁴³ Agog gurman adi tamolpein tumanek dibiseip diau o dubol dugo, Juda tamolpein, in a ta Juda na yak gug Juda sad ubou lo diau dan dam, Pol in Barnabas da njed fo diau a. Ago dugo uraru an tamolpein tan suek ru durupidaig dubol, “An Anut san ilo muñanek ipanan dan lo atutou yau on a.”

⁴⁴ Ubou kisaek yang Sabat nal idu yan lo tamolpein kitek wei mi geig taun an lo dumado dan, Tubun en san ru duloñ o dususag dutumani an malan tubun geig a.

⁴⁵ Agog saen Juda adi aban ago dile man, turak tubun mi dususag ru saian geig ak nam ru dugon Pol ibol ilasa dan lo dipirgini se ya.

⁴⁶ Ago man Pol in Barnabas da ta dusuksuk nag ru naon igo durupidai, “Anut inñsan ru malmalan an murupaian alon o ru kagin irupaiaama ya, gug anñsam leil lo man an ibol tamolpein kumaen pempem yen dan diñane san ta idaisuda na yak igo woñ a. An Anut san ru amoi an niñen o, man gamu mirinanan pe Juda tia yak sad na mau a.

⁴⁷ Man dugo, Tubun en sen ru kagin irupaiaomag ru en ipanama,

‘Ñai niginioñ on Juda tia yan sad sul mado wa.

An lo dop nñaisag patu pasek sini waup,
tamolpein a tan titin wadan fidian lo dumado dan diñane wa.’ ”

⁴⁸ Saen tamolpein Juda tia yan ru an dulon man, ilod tubun mi uyanan go, in bubed lo Anut san ru lak na geig disini a. Agod tamolpein a Anut gubak mi kumaen pempem san diñane wo ipilianai amaiak fidian ilod lo rumok a.

⁴⁹ Tubun en san ru taun an san panu susumeik an lo ifufurak go yau a.

⁵⁰ Ak man Juda tamolpein dumasag, taun an san tamol gurman ated dusue ya. In pein yanad anda yak Anut ubou an dile dan dam ated dusue ya. An lo Pol in Barnabas da muruan in madai da dupidinaig dukudaig, aben an dibisei a.

⁵¹ Tamolpein an Anut san kagin panek ru dulon o dumoi an ninen o, aposel adi njied fo gufgaf an dipilti idug, Aikoniam na diau a.

⁵² Antiok na ilo rumok adi yousai agod Urgun da tinid inañefuteg dumado ya.

14

Pol in Barnabas da Aikonium na ru dufulale ya

¹ Kagin naon kisaek an ago mi Aikoniam na ilasa ya. Pol in Barnabas da Juda ubou ab lo ru dufulale uyanan mok an lo Juda adi agod Juda tia yan dam wei mi ilod lo rumok a.

² Gug Juda aenta Anut san ru dulon o dumoi, agog tamolpein Juda tia yan ated dusueg, in sad kankan dukubulig an lo Pol in Barnabas da dil saiadi.

³ Gug Pol in Barnabas da atna saen kitek milaen mi dumado ya. In ta direr na ya, tia, Tubun en san ru inanen ilo panek san an dubol ilasa dugo, Tubun en in sen dabai a ipidinai an lo tamolpein ikubiai dileg inanen ru an rumok a. Man dugo,

aposeł uraru an inŕsan dabai nek amaiak lo kulob girager funfun digane se ya.

⁴ Taun an san tamolpein ditarpaleg malan uraru. Aenkadi Juda dida dutur, go aenkadi man Pol inŕ Barnabas dida dutur a.

⁵ Tamolpein Juda tia an inŕaned gurman dida, agod a Juda yan inŕaned gurman dam dida Pol inŕ Barnabas da daonŕ dipidinaip pat nam dufup dumat o palaŕ ad dumari se ya.

⁶ Saen aposel ru an duloŕ tag, dusol go distrik Likonia na taun uraru Listra inŕ Derbe da, agod panu susumeik an lo dam diau a.

⁷ Ante Jesus san bilaluŕ uyan an san fun dufu-lale se ya.

Pol taun Listra Derbe da lo imado ya

⁸ Listra na tamol ta imado. Inŕ tinaŕ tiŕaen lo mi nŕien imat, agod itor san tia ya.

⁹ Saen Pol ru ifulale dan inŕ dam doup luluŕad lo imado dugo kududon igure se ya. Pol tamol an malan ti ibol go, ilon lo rumok ile yak niŕen o ilonŕ ak, Anut tamol an ka ibinawi wa.

¹⁰ Ago tag Pol awan tubun mi irupeı, “Masap! Itaot utur!” Agog tamol an gamu nam imasag itur go itor ila iso se ya.

¹¹ Saen tamolpein Pol ago igane yan dile man, inŕsiganed Likonia muroun ru lo duwaginŕ go dubol, “Tubud adi dibilisag, tamol onŕ go idsad na dupalu ya.”*

* **14:11:** Grik inŕsad tubud sewak wei mi. Tubud an sad gurman yanŕan Seus. Agod inŕsan awan nŕilaŕal man Hemis.

¹² Barnabas man Seus dubol go Pol man Hemis dubol. Ata wo? Pol man ru bilabal san tamol malan te ya.

¹³ Seus san tempel taun an san ar patun fo yen da. Seus san pris makau tamol ak injal go mor dam isinig, tan san dalawan in tamolpein dida aposel yai digane pidinai o ante dupalu ya.

¹⁴ Saen Pol in Barnabas da tamolpein kulob dug-dugo digane dan dulon ak man, in kagin an dumoi tag in sed tinid fo bioun an dirasisire idug, dumas-palug, doup lulunad lo diladug disasaig dubol,

¹⁵ “An ata wo igo agane dak i? Man dam tamol nek an igo mi a. Man bilalun uyan ak ta Jesus ninen o misini mupalu da. Mansama ru an alon dop kagin sewak agane dan patum apanip, Anut kumaen imado dan mi ubou an ale wa. In keit, tan, beig igane ya. Agod melmel fidian tan fo na, agod beig ilon lo yan fidian idiri a.

¹⁶ Imug mi man in tamolpein yilfu dugo inaned ilobol mi digane na ya.

¹⁷ Gug in pempem mel sisiñaok igane ilasa na yan lo in sen fun ikubiai ale se ya. In ui iganep, keit lop idu da. Nal fom anan iganep ilasa da. Anan ipanan dugo ilo uyan dam ipanan da.”

¹⁸ Pol in Barnabas da ru ago dubol gug tamolpein man yai digane mok o yaes ifu da, an ninen o diabituanai o muruan geig a.

¹⁹ Agog Juda aenkadi Antiok Pisidia provins atna yan, Aikoniam na yan dam dupalug, doup ilod dijaneg, Pol pat nam dufuni a. Agog diraeg, taun san ar patun fo dilasag, dibal yau a, agog diau a. Ilod lo man imat ak dubol a.

²⁰ Gug saen ilo rumok adi dupalug fun na dutur dulubani dugo, Pol imasag fon imul taun ilon lo iladu ya. Dien dumasag, tidom lom mi in Barnabas da Listra dibiseig Derbe na diau a.

Pol Barnabas da taun Antiok a Siria na yan ante dumul a

²¹ Pol in Barnabas da Derbe na Jesus san bilalun uyan ak dubol ilasag, tamolpein wei mi ilod dibilisag, Jesus san megeloum dilasa ya. Agog uraru an dumul go, Listra nag, Aikoniam nag, Antiok o Pisidia na yan lo dilasa ya.

²² Atna ilo rumok adi inaned ilo rumok diabi sakar o tan suek ru durupidai, agog ru en dam durupidai, “Id muruan tubun mi tisini gup, Anut san kagin panek lo tiladu wa.”

²³ Midaen kisaek kisaek lo, tamol a Tubun en ninen o ilodi rumok dan lulunad lo Pol in Barnabas da matu aenkadi dipilianai pidinai a. Agog nined dugudani wo anan geg diganeg, dugudanig, Tubun en banin lo didirai diau a.

²⁴ Agog dibisawaig Pisidia provins na ditilianig itout go Pamfilia provins na diau a.

²⁵ Taun Perga na Anut san ru dufulale itout go lon na diaug taun Atalia na dilasa ya.

²⁶ Murnag wog diraneg Antiok a provins Siria lo yan ante dumul diau a. Aben ante gubak mi Anut san urat banid lo digane dugo insan ilo panek paen na urat digane wo idiraig dutor nag, gamu wadan dufutani a.

²⁷ Antiok na dilasag ilo rumok adi dutumanaig, Anut urat in lo igane na yan san ru durupidaig dulon a. Agog Anut tamolpein Juda tia yan ilod lo rumok san dal ipasi an dam dubol dulon a.

²⁸ Agog saen milaen mi ante ilo rumok adi dida dumado se ya.

15

Aposel gurman dida Jerusalem na dutumani a

¹ Tamol aenkadi Judea na yak Antiok na di-aug, fun diganeg ilo rumok adi dipiteņanai dugo dubol, “Anj Moses san kubiaen ibol dak fo mi tinim suņulon atute wa. Tia dop, Anut anj patum ta ipasi na wa.”

² Pol in Barnabas da ru an niņen o dida tubun mi nug diabi se ya. Ago tag ilo rumok adi Antiok na yan ru kagin igo durupidaig dubol, “Pol Barnabas da, aenta dam dida diaup, Jerusalem na aposel in matu gurman adi dida muruan an niņen o dukubiai a.”

³ Agog midaen didinaig, Jerusalem na diau. Fonisia in Sameria da sad dal im turen diabi dugo, tamolpein Juda tia yan ilod lo rumok go ilod dibilisa yan san sae dusue se ya. Ilo rumok adi fidian ru dulon an ilod tubun mi uyanan a.

⁴ Saen Jerusalem na dilasa yan aposel adi, matu adi, agod midaen fidian dupalug duyunani se ya. Agog Anut in lo dugo igane na yan naod na dubol ilasa dugo dulon a.

⁵ Gug ilo rumok aenta in dida ilod ta kisaek na ya. Tamol an imug man in Farisi a. In ilo rumok adi lulonad lo malan kisaek dumado na ya. Tamol emaiak dumasag igo dubol, “Arupidai dulon pe, tinid suņulon dutute dop Moses san kubiaen ibol dan ago mi duri dupani. Kagin an ta dirinani na wa.”

⁶ Ago tag aposel adi in matu dida dutumanig muruan an ninen o dinineng a.

⁷ Nineng diganeg yang milaen dugo Pita imasag ibol, “Teig muroug, an alon a. Malan malan mok Anut an lulunam lo nai ipilianag a. Agop tamolpein Juda tia yan nai awag lo Jesus san bilalun uyanan an dulong pe, ilod dibilisap, ilod lo rumok a.

⁸ Ago dugo Anut a idsad bubed ilon dan in san rumok Juda tia yak lo dal igo ikubiai dugo mile ya, id gubak mi Urgun ipanad ago mi tamolpein Juda tia yan dam ipidinai a.

⁹ Id Juda, agod a Juda tia yan in malan lo id sensen man tia ya. In o ilod rumok an lo bubed ifulanaig ikok dilasag nek id ago mi a.

¹⁰ Ago yak ninen o an ata wo dal en lo Anut naon akubiani wo agane dak i? An gamu ilo rumok adi Moses san kubiaen burod fo agane isuda wo agane da. Gug wagam id baged muroud, agod gamu idsed dam muruan an tisini san ta idaisuda na ya.

¹¹ Ak man id igo ilod lo rumok, nek ibol Tubun en san ilo panek an lo patud ipasi wak igo won, in dam ago mi patu pasek dinane wa.”

¹² Doup tumanek lo yan fidian awad itaug dumado dugo Pol in Barnabas da tamolpein Juda tia yan lulunad lo Anut in lo kulob girager dugo igane na yan ninen durupidaig dulong a.

¹³ Inaned ru dubol itout man Jems imasag ibol, “Teig taog, kududom agure!

¹⁴ Anut imug mi Juda tia yan sad na ilasag lulunad lo tamolpein aenta inal pe inanen yan an disini wo sad na yau a, an san ru Saimon irupaiad la ya.

15 Agod ru a Saimon ibol an profet adi sad awad aban da awad dutumani kisaek a. In̄sad ru igo ya,

16 ‘Tubun en ibol, mel en itout gup ηai ηamul da wa. Agop Dawid san ab yau idu yan fon ηabisa da wa.

Ab saian an ηabisap, afon ηususep uyan ilasa da wa.

17 Ago yak niηen o tamolpein aenta fidian Tubun en aban̄an diabi wa.

Agod Juda tia yan fidian a ηai yan̄ag tinid fo yen dan dam ago digane wa.’

18 Tubun en mel an fidian, fun log ipalug gamu kuai tem tamolpein dulon̄ san ak idirig, ago ibol ilasa ya.”

19 Agog Jems fon ibol, “N̄aisiganeg kankan lo yak ηabol da. Id tamolpein Juda tia yan dibilisap naod Anut dupani dop muruan ta tupidinai na wa.

20 Tia, girek ta tigirep ru igo turupidai a. In̄ mel dugon tubud sewak yai digane pani dan diani dop lo sed ilod nun dupani wo dumoi a. Jeit kagin ta digane na wa. Mel a buron dususe gug tinin ilon lo san dar yen dan mudan ta diani na wa. Agod san dar dam ta diani na wa.

21 Id ru kagin taida turupidai san urat tia ya. Man dugo, wagam id baged sad saen log ipalug gamu, Moses san kubiaen̄ Sabat nal anen anen Juda sad ubou ab fidian lo dusuti da. Ago dugo in̄san ru panu fidian lo dufulale da.”

In̄sad girek digire yan san ru

22 Agog aposel, agod matu adi dida midaen̄ fidian dutumanaig, awad kisaek gug tamol ta dipilianaip Pol in̄ Barnabas da dida Antiok na diau wo dubol a. Agog Sailas, in̄ Judas yan̄an neinta

Basabas dubol dan dipilianai a. Tamol uraru an ilo rumok adi luluᅇad lo yaᅇad ad da ya.

²³ Girek a digireg disini diau o dupidinai an san ru igo ibol:

“Anᅇ ilo rumok Juda tia yan, Antiok na Siria na agod Silisia na amado dan, maᅇ aᅇanem teim taom, aposel agod matu adi dam maᅇanema ilo uyan aᅇsam na migane ipalu da.

²⁴ Maᅇ malonᅇ ak maᅇsama tamol aenkadi aᅇsam na diaug ru dubol an lo aᅇ ilo wei dupanaᅇ dugo aᅇanem kankan dukubuli a. Maᅇ inᅇ ago digane wo ru kagin ta murupidai na ya.

²⁵ Ago tag maᅇ fidian mutumanig iloma kisaek go tamol aenkadi mipilianaig midinaig aᅇsam na dupalu da. Idaned turad mok Barnabas inᅇ Pol da dida dupalu da.

²⁶ Tamol uraru an idsad Tubun ak Jesus Kristus yaᅇan disini wo saen wei mi sed tinid dibi-sei se ya.

²⁷ Aria, maᅇ Judas inᅇ Sailas da mipilianaig dida dupalu wa. Tamol uraru en ru a migire yan sed awad nam durupaiaᅇ dop alonᅇ a.

²⁸ Maᅇsama ilo sou lo, agod Urgun san ilo sou lo dam, mel en mi uyanan a. Maᅇ inᅇ da sisem murupaiaᅇ dak, aᅇ muruan ta fon kubiaen en subuᅇan tinim fo ta migane isuda na wa. Kagin nek en mi agane wa.

²⁹ Anaᅇ tubud sewak dupani ak ta ani na wa. Dar ani amoi. Mel ta buron dususeg san dar tinin ilon lo yen dan ta ani na wa. Jeit ta agane na wa. Kagin naok ago yan lo tinim apirani tap, nek an agane uyanan a. Nek a.”

³⁰ Midaen girek an banid lo diganeg didinaig Antiok na diau a. Antiok na dilasa gug ilo rumok adi fidian dutumanai gug girek an dupidinai a.

³¹ Agog an san ru dusuti a. Dusuti man, san tan suek ru duloŋ dugo yousai tubun mi digane ya.

³² Judas in Sailas da sisem sad teid taodi ru wei mi nam tan suek ru dupidinaig dabai dupidinai a. Man dugo, tamol uraru en dam Anut san profet mi a.

³³ Antiok na kitek dumado gug ilo rumok adi maror lo mi didinaig dumul go, siganed na diau a.*

³⁵ Ak man Pol in Barnabas da Antiok na dumado dugo, ante tamol aenkadi wei mi dida Tubun en san ru dufulale dugo tamolpein manau dipitejanai se ya.

Pol in Barnabas da ilod ta kisaek na yan lo sensen diau a

³⁶ Murnag Pol Barnabas irupei, “Id taup, teid taod Kris a panu panu imug taug Tubun en san ru turupidai se yan ate tau a. In dugo dumado dan teil a.”

³⁷ Barnabas awok ibol ak gug Jon a yanan neinta Mak dubol dan dida diau o ilon ibol a.

³⁸ Ak man Pol Jon dijanep ida diau san an ta uyan na yak ago ilo sou igane ya. Man dugo, gubak mi in Pamfilia na urat digane dugo, Jon dida urat digane yau o imoig ibisawaig imul yau a.

³⁹ Ago man ilod ta kisaek na yan lo ru dabai nam nug aen dutog se ya. An lo sensen diau a.

* **15:33:** Boi 34 an Grik lo tia ya. v 34 Ak man Sailas gidad in san ilo sou lo aben an ta ibisei na man uyanan a.

Barnabas Jon yaŋan neinta Mak iŋaneg ida wog diŋaneg Saipras nui na diau a.

⁴⁰ Gug Pol Sailas iŋaneg, ilo rumok adi dutu-manig Tubun en san ilo panek lo kagin ipidinai o dugudani gug, urarum didinaig diau a.

⁴¹ Agog iŋ Siria nag Silisia na midaeŋ fidian dabai dupidinai dugo diau se ya.

16

Timoti, Pol iŋ Sailas da luad isag dida diau a

¹ Pol turenŋ ibateg Derbi na agod Listra na yau a. Atna ilo rumok pinein ta yaŋan Timoti imado se ya. Iŋ tinan Juda. Agod iŋ dam ilo rumok pein ta. Gug taman man iŋ Grik tamol.

² Listra iŋ Aikoniam da sad ilo rumok adi fidian Timoti dupitiani da.

³ Pol iŋ Timoti iŋanep ida diau o ilon yen tag ibol dugo Timoti tinin suŋulon dutute ya. Man dugo, Juda panu fidian lo dumado dan duloŋ, Timoti taman man iŋ Grik tamol.

⁴ Saen panu fidian lo diau se yan kubiaeŋ aposel adi iŋ matu dida Jerusalem na digane yan ilo rumok adi dupidinaig, kubiaeŋ an mi duri dupani wo dubol a.

⁵ Ago yan lo midaeŋ iŋaned ilo rumok dabai dupanig, midaeŋ fidian nal ate mi tubun ilasa se ya.

Pol malan ŋutun lo Masedonia tamol ta ile ya

⁶ Urgun iŋ Esia san tan fidian lo Anut san ru dubol ilasa wo man geg ipidinai a. Ago tag iŋ Frisia na, agod Galesia na mi turenŋ diabi na ya.

⁷ Saen Misia provins san tom fo dilasag Bitinia provins lo diladu wo digane gug Jesus san Ur awok ta ipidinai na ya.

⁸ Ago tag Misia na diau on go, Troas na dilasa ya.

⁹ Atna tidom lo Pol malan n̄tun lo Masedonia tamol ta itur dugo iwagi dan ileg igo irupe, “Ete Masedonia na palup mañ binawama.”

¹⁰ Saen Pol mitilaen an ago ile man, gamu nam mañ ru kagin irupaiamag Masedonia na mau san abañ mukubune ya.* Man dugo, mitilaen an mañ kankan ipanama yak, Anut mañ atna maup bilaluñ uyanan an tamolpein sad na mufulale wo igiama ya.

Filipai na pein ta yañan Lidia in̄ ilon lo rumok a

¹¹ Troas na wog miñaneg tim idudunamag itaot geig Samotres na mau a. Agog maen, mumasag, Niapolis na mau.

¹² Atnag n̄iema nam maug, Filipai na milasa ya. Masedonia distrik lo Filipai in̄ taun malan te ya. Taun an Rom gabman in̄ane ya. Mañ atna kitek dam mumado ya.

¹³ Sabat nal lo taun mubiseig, you ta aen te mau. Iloma lo Juda sad gudanek aben ta ate mile wak mabol. Agog mumasig, pein ante dutumani ak Anut san ru murupidai se ya.

¹⁴ Pein a ru duloñ na yan lulunad lo kisaek ta yañan Lidia. In̄ Taiataira pein. In̄ yamel daran naon lak na geig ak in̄san na didad da. Pein an in̄ Juda tia yak gug in̄ Anut o ubou ile da. Saen Pol ru

* **16:10:** Ete Troas na Luk in̄sen luad isag dida diau a.

ibol dugo Tubun en iganeg buben isofulale dugo inanen ru inane uyanan go ilon lo rumok a.

¹⁵ Agog Lidia inanen ab samun dida fidian suguek diñane gug isumianama, “Anjanem ilom lo ñai akubianag ak Tubun en san ru ñiganuri dan ilom ago isou tap, apalup ñaisag ab lo tumado wa.” Ago dugo Lidia dabai igane oñ tag ida mau a.

Pol in Sailas da dusubanai a

¹⁶ Nal ta mañ gudanek aben lo mau dugo, dal na urat bigabeg pein ta ipalug iliama ya. In ur ta kiai panek san aman da ya. Ur saian an mel murnap ilasa wan pein an awan lo ibol ilasa da. Dal an lo pein an moni tubun mi inanen tirnek tamol adi inane pidinai da.

¹⁷ Pein an mañ Pol da ñiema aban irig isasai dugo, igo ibol se, “Tamol en in Anut lak na geig ak san urat tamol. In dal dugo lo patu pasek anane san ak dubol ilasa da.”

¹⁸ Nal wei kasik ago iginiamag, Pol tinjaen saian tag nal ta idañsag, ur saian an ipei, “Ñai oñ ñurupaio da, Jesus Kristus yan an lo pein an biseip lasa wau.” Ago dugo gamu nam ur saiak pein an ibiseig ilasa kisaek oñ a.

¹⁹ Urat bigabeg pein an san tirnek tamol adi moni diñane san dal itau an dile tag, Pol in Sailas da duburoug, diriaig didaen aben lo kot dupidinai o diau a. Ante gurman adi naod na dugunai a.

²⁰ Agog in Rom san tulek tamol an naod na ru dupidinaig dubol, “Tamol en Juda tamol. In idsad taun lo muruan digane da.

21 In kagin idsad kubiaen lo geg an tamolpein dipitenjanai da. Id Rom tamolpein insad kagin dubol dan tinjane dop tiri san tia ya.”

22 Agog doup tubun an dumasag, Pol in Sailas da dufu wo fun digane. Tulek tamol an Pol in Sailas da tinid fo kulos disire idug, bu dupidinai o dubol.

23-24 Agog dufu saian go subanek ab lo didirai a. Tamol a subanek ab ititiani dan isubanai sakar o durupey tag, ibilai galun ilon lo geig ak lo diladug, ai lapan uraru muruadi ak nam njedi ipini a.

25 Tidom luak igo won Pol in Sailas da Anut dugudani dugo bar diabi se ya. Ago dugo subanek tamol fidian awad dulon se ya.

26 Agog gamu nam kanaurig tubun ak ilasag subanek ab san fun an iguri dugo, dalawan fidian awad itapas a. Agog njed banid lo sein a ate dusubanai an sed itapas diau a.

27 Subanek ab san titianek yen nag imasa yan, dalawan awad itapas ak ileg, subanek tamol fidian dusol diau ibol go, insiganen sabiri igursig, nam sen ifuni imat o sumeik a.

28 Ago dugo Pol awan tubun mi iwagin go ibol, “Se ifuno umoi. Man tet mi mumado da.”

29 Subanek ab san titianek lam disini dupalu wo iwagin. Agog isuruwor on imaspalug iladug, Pol Sailas da njed fun na turun isaluwig idu ya.

30 Agog injal go patun fo dilasag isumianai, “Nai dugo njiganep lo patu pasek njane wak i?”

31 Agog ru naon durupey, “On Tubun en Jesus ninen o ilo rumok tap patu ipasi wa. Onane ab samun dam patud ipasi wa.”

32 Agog Tubun en san ru inanen ab samun dida naod na dufulale ya.

³³ Tidom an lo mi subanek ab san titianek Pol in Sailas da dufunai na yan sad baob ifulanig ifou pidinai. Inanen samun fidian dida ilod lo rumok go suguek diñane ya.

³⁴ Agog Pol in Sailas da injal go ab lo disidag anan ipidinaig diani. Titianek an inanen samun dida ilod tubun mi uyan a. Man dugo, in gamu Anut ilod lo rumok.

³⁵ Tidom lom mi tulek tamol adi in sad aikatuk adi didinaig diaug subanek ab san titianek igo durupei, “Tamol uraru an pasaip diau a.”

³⁶ Ago tag titianek tamol an Pol irupei, “Gurman adi on Sailas da nbusawan pe alasa wo uyan dubol a. Ago yak ninen o an maror lo mi au a.”

³⁷ Gug Pol aikatuk an irupidai, “Man mel ta migane saian man tia ya. Agod mel an fun ninen o ta dusumianama na ya. Man bo dam Rom tamol gug kawan geig malak malak bu nam dufunama ya. Agog subanek ab lo diginiama gug, gamu fon pasak nam didinamap mau o digane dak i? Man ta mok mau na wa! Gurman adi in sed mok dupalup, dupasamap milasa gup mau a.”

³⁸ Ago tag aikatuk adi diaug, gurman adi naod na Pol awan aban dubol ilasa ya. Saen gurman adi Pol Sailas da in Rom tamol an dulon man direr saian geig a. Man dugo, kabelan in dam naon diñane banau.

³⁹ Ago tag diaug, Pol in Sailas da naod na in digane saian ak ninen o in aned muruan ilod in aon o dugudani a. Agog diñal go subanek aben dubuseig dilasag, panu dubuseip diau o dusumianai da.

⁴⁰ Ago tag Pol in Sailas da Lidia san ab lo diau a. Atna ilo rumok adi dumado dugo, tan suek ru durupidaig dubusawaig diau a.

17

Pol Tesalonaika na Anut san ru ifulale ya

¹ Pol in san urat kisaek ak dida turenj diabig diaug, Amfipolis nag, Apolonia nag, Tesalonaika na dilasa ya. Atna Juda sad ubou ab ta yen da.

² Pol in san kagin mi irig ubou ab an lo iladug Sabat nal utol tet mi tamolpein dida ru Kristus ninen o Anut san buk lo yen dan ninen o ru dabai lo dida dininen se ya.

³ In mel en ifulale pidinai a, Kristus muruan madai da isinip imat gup fon kumaen imasa da wan an urat anda ya, ago dugo ru ta Anut san buk lo yen dan lo Kristus mel an yabi-rinani san tia geig ak ninen o kuai te ikubiai pidinai o maeg igane se ya. Ago dugo igo irupidai, “Jesus nek e ninen o nabol ilasa den in sen mi Kristus.”

⁴ Juda aenkadi ru a Pol ibol ilasa se yan rumok dupanig Pol in Sailas da luad disa ya. Ago dugo Grik tamol aenkadi Anut o ubou dile dan, agod pein yanad anda yak aenkadi dam nek ago mi digane na ya.

⁵ Ak man Juda aenkadi Pol san urat dileg, turak dususa se ya. Ago tag tamol saiadi a taun san tumanek aben lo kawan dumado dan dinjal go dutumanai a. Agog in tamolpein taun a lo dumado dan fidian bubed diabisag, Jeson san ab digileg, Pol in Sailas da abanad diabi se ya. In sad ilo sou

lo man dilaip duburoup, tamolpein malan tubun an sad na diñal diau o digane.

⁶ Ak man ta dil na tag Jeson in ilo rumok aenkadi dida diñal go taun an san gurman adi sad na diau. Agog duwagin go dubol, “Tamol en kubulek tubun kasik digane dugo dutor nag, gamu idsad taun lo dam dupalu ya.

⁷ Agog Jeson tamol an injal go inñan ab lo dida dumado da. In fidian Kaisa san kubiaen igane yan dipilali dugo, kin neinta imado dak ago dubol a. Kin an yanñan Jesus dubol da.”

⁸ Saen ru an dubol man tamolpein malan tubun an, in taun san gurman dam fidian tinjaed saian dugo ta dumado wo uyan se na ya.

⁹ Ago tag gurman adi moni sapita Jeson ipidinai dop diñane wo ida ru dufuni a. Aria, ru a dufuni an ilon lo, Jeson afon tamolpein muruan ipidinai tap, moni an ta inane da na wa. Agog Jeson moni an inañeg ipidinai gug, ka diau ak ago dubol tag, Jeson tein taon Kris an injal go dida diau a.

Beria na tamolpein wei mi Jesus o ilod rumok a

¹⁰ Saen tidom idu dugo, ilo rumok adi Pol in Sailas da didinaig, Beria na diau. Diaug dilasa man Juda sad ubou ab ta lo diladu ya.

¹¹ Juda adi ete dumado den a Tesalonaika na dumado dan ago tia ya, tia, in kankan uyanan ad da ya. Ago yan lo Pol san ru diñane wo yaes ifu se ya. Agod nal pempem ru a Anut san buk lo yan dusuti dugo Pol san ru ifulale se yan ida dibitinae dile se ya.

¹² Amaiak niñen o Juda wei kasik ilod lo rumok a. Grik pein kitek wei mi yañad ad da yak, inñ Grik tamol dida ilod lo rumok a.

¹³ Saen Juda adi Tesalonaika na yan Pol Beria na Anut san ru ifulale dan duloñ tag dupalug, tamolpein ated dusue dugo tiñaed saian se ya.

¹⁴ Ago tag gamu nam ilo rumok adi Pol didinig, loñ na yau a. Gug Sailas inñ Timoti da man Beria na dumado se ya.

¹⁵ Tamol a Pol diñaneg ida diau man diaug, Atens na geg gug tamol an afon idinaig Sailas inñ Timoti da ririan inñ luan disa wo ru iganeg sad na yau a. Agog saen ru diñane man Beria dibisei kisaek oñ go inñsan na dupalu ya.

Pol Atens na ru ifulale ya

¹⁶ Saen Pol Atens na Sailas inñ Timoti da malad igane dugo, taun an ilon lo tubud sewak an mi-tilaedi wei mi yil dugo, ilon imasag ilon muruan geig a.

¹⁷ Ago tag ubou ab lo Juda tamolpein, agod tamolpein Juda tia gug Anut ubou an dile dan Anut san ru irupidai dugo, dida tubun mi diñiñeñ ila iso se ya. Nal pempem ensauta dadeneñ aben lo dumado tap, tamolpein an dam ru irupidai dop dida diñiñeñ se ya.

¹⁸ Ago dugo mañau tamol malan uraru dida diñiñeñ dugo nug aen ditog. Malan ta yañad Epikurian, malan neinta yañad Stoik. Malan uraru an luloñad lo aenkadi igo dubol, “Ak dugo, awa you mañau an tia amaiak dugo ibol o maeg igane dak i?” Ago dugo aenta dubol, “Inñ tag tubud gol ak niñedi wo ru ifulale dak boi a.” Inñ ago dubol

dan fun man, Pol in Jesus agod inſan materj lo kumaen imasa amaiak san ru ifulale se ya.

¹⁹ Aria, Atens ilon lo bubun ta yaſan Ariopagus dubol da. Aben ante taun an sad kaunſil dutumani da. Agog dijaneg Ariopagus tumanek aben ate dijaneg diaug durupei, “Onsa pitejanek foun an naoma na ubol ilasa dop ka malon ak i?”

²⁰ Onsa pitejanek senamo geig ak kududoma lo ililaſan da. Ago yak niſen o melmel an sad fun malon mok o iloma yen da.”

²¹ Atens tamolpein, agod gol tamolpein aenkadi dupalug dumado dan in melmel foun ilasa dan niſen o mi nug naon na dubol dop dulon o dumat da. Inaned saen tubun mi ago digane da.

²² Ariopagas gurman a dutumani an naod na Pol imasa itur go ibol, “An Atens tamol kududom agure. Naisag leil lo man, ananem kagin fidian lo tubud adi ubou ad ale wo yaes isofutanaſan da.

²³ Man dugo, saen njai anſam taun ilon lo ntiliani nator se man, malag yaug melmel a lo ubou amad ale dan neil a. Ago dugo alta ta fufo girek ta igo digire yak nile ya. Girek an igo ya, ‘Alta en tubud enti id ta talon na yak san a.’ Aria, gamu tubud a ta alon nag ubou an ale dan, gamu anſam na nabol ilasa wo da.

²⁴ Anut a tan in keit da iganeg mel fidian ilon lo dam idiri an, inſen keit agod tan da sad Tubun ak imado da. Agod in tempel tamolpein banid nam dufou yak lo ta imado na da.

²⁵ Agod in mel o katukan dop tamol banid nam ta dibinawi na da. Man dugo, inſen amaiak tamolpein fidian kumaen di ur, agod mel fidian dam ipidinai da.

²⁶ Tamol kisaek mi igane gug lo tamol naok funfun ilasag, tan fidian lo dumado da. Gamugo iginiai dugo, in^{sen} mi tamolpein warou anen anen saen dumado wak ibalsi pidinai a. Agog tan geg ak anen anen ate mi itarpale pidinai a.

²⁷ In^g ago igane yan lo, tamolpein fidian Anut aban^{an} diabi wa. In^g tag mala nouk lo didabdab gup dile wak boi ago digane wo idirai a. Ago bo man Anut man id anen anen sad na asau mi ta imado na da.

²⁸ Man dugo, talpein ta igo ibol,

‘In^g lo man, id kumaen tumado dugo tala taso da,
agod in^g lo dam idsad madok san fun yen da.’
Taida mi, an^{anem} profet aenkadi dam igo
dubol,

‘Rumok, id man in^{anem} malan kubulan.’

²⁹ Id Anut malan kubulan, ago yak ninen o Tubud a rumok an nek ibol mel ta silva, gol pat da nam tamol digane yak on^g ago ta ilod isou na wa. Mitilaedi an fidian man tamol banid kulob an lo siganed man^{au} lo mel an banid nam didirai ilasa ya.

³⁰ Id fidian tin^{aoⁿ} dugo kagin ago tigane na yan san saen lo Anut iliad funad se ya. Gug gamu man Anut ru dabai nam tamolpein fidian irupidai dop, ilod ibileksap in^{aned} kagin saiak an patud dupani wa.

³¹ Man ata wo? Nal ta lo in^g kagin itaot ak lo mi tamolpein tan tilianek lo dumado dan bitinaek lo idirai an ibalsi la ya. Tamol a in^g wagen lo bitinaek urat an igane wan ipiliani la ya. In^g ru e rumok an tamolpein fidian kuai te ikubiaig dile yan san dal man nek igo ya, tamol a mater^g lo ifufunig afon kumaen imasa da ama ya.”

³² Saen tamol adi a Ariopagus na yan Pol tamol ta materŋ lo kumaen imasa da yak san ru ibol dugo duloŋ man, aenkadi kukok an digane se ya, ak man aenkadi dubol, “Maŋ ru e mel an niŋen o ubol den afon nal tap malon a.”

³³ Agog Pol tumanek an ibiseig yau a.

³⁴ Gug tamol aenkadi inanen ru ilod lo rumok an lo luan disa ya. Luluŋad lo tamol ta yaŋan Daionisias in Ariopagus kaunsil ta. Agod pein ta yaŋan Damaris, ago dugo tamolpein aenta dida ilod lo rumok a.

18

Pol Korint na Anut san ru ifulale ya

¹ Pol Atens ibiseig Korint na yau a.

² Atna Juda tamol ta yaŋan Akwila ile ya. Tamol an Pontas tamol. In iwon Prisila da wari na geig Itali dibiseig Korint na dupalu ya. Man dugo, Kaisa a yaŋan Klodias dubol dan, Juda fidian a Rom na dumado dan Rom dibisei wo ru dabai nam ru kagin ago irupidai a. Ago tag Pol Akwila iwon da yil o sad na yau a.

³ Pol man ab sel ak san niganag tamol. Akwila iwon Prisila dam in da urat kisaek a. Fun an lo Pol in dida dumado dugo sisem ab sel diweig didaen lo didiri dugo moni diŋane se ya.

⁴ Ago dugo Pol in Sabat nal anen anen ate mi Juda sad ubou ab lo tamolpein a ate dumado dan dida diŋiŋen dugo nug aen ditog se ya. An lo Juda aenkadi agod Grik tamolpein dam ilod inaneg Jesus o ilod rumok a.

⁵ Saen Sailas in Timoti da Masedonia na dupalug Korint na dilasa man, Pol inŋsan ab sel iwei se yan

ibiseig saen tubun mi Tubun en san ru ifulale se ya. In Juda tamolpein mi naod na Kristus man inſen Jesus an irupidai duloŋ se ya.

⁶ Gug saen in Pol san naon diabi dugo nao futek ru dupani se man, ilon imoi ak niŋen o inſan kulos fo gufgaf dien an igigiani idu ya. Agog patun ipidinai ak san ru en igo irupidai, “An adeg au tap, an aŋanem mel mi a, ŋaisag wadan tia ya. Ak niŋen o gamu saen e yau den, ŋai tamolpein Juda tia yan sad na ŋau a.”

⁷ Agog ibisawaig, tamol ta yaŋan Titius Jastus san ab lo yaug ida dumado na ya. In Juda tia gug Anut ubou an ile da. Inſan ab Juda sad ubou ab giranen na itur da.

⁸ Aria, ubou ab an san gurman yaŋan Krispas dubol dan Tubun en niŋen o ilon rumok a, agod inanen samun fidian dam ilod lo rumok a. Korint tamolpein wei mi Pol awan duloŋ go ilod lo rumok gug suguek diŋane ya.

⁹ Nal ta tidom lo Pol malan ŋutun ile dugo Tubun en irupeŋi, “On ta urer na wa. Tia, ubol ilasa dop awa ta mok itau na wa.

¹⁰ Man dugo, ŋai on da tumado da. Talpein ta on ifunop saian ipano san tia ya. Ete mado, man dugo, tamolpein wei mi taun en lo dumado dan ŋaisag tamolpein.”

¹¹ Ago tag Pol atna anaŋar kisaek wadan da imado dugo, taun an san tamolpein ilod lo Anut san ru ipiteŋanai se ya.

¹² Ak man saen Rom gurman ta yaŋan Galio dubol dan, Akaia provins san tirnek tamol ilasa man, Juda adi dutumanig kankan kisaek ad da yak

lo, Pol kot dupani wo diabig, diñane diaug gabman san kot naon na dugunig

¹³ dubol, “Tamol en kubiaen iriñani da. Ata wo? Inj tamolpein dal senamo yak lo Anut niñen o ubou digane wo ilod inane wo maeg igane da. Gug dal an kubiaen ta iri na da.”

¹⁴ Pol awan ipuk go inñen o igane ibol ak Galio imasag Juda adi irupidai, “Muruan gamu en kagin saiak san, tia, mala suek saian geig ak san ago tap, an Juda awam ñalon san an dal ag da wa.

¹⁵ Ak man gamu an asumianag dak, ñai ru ta, yanak, agod ananem kubiaen dam mel naok an mi ñibitinae wo abol da. Ñai ru naok ago yak ta ñibitinaep ñukubune na wa. Ago yak niñen o ansem muroum mi ale gup akubune wa.”

¹⁶ Ago ibol dugo ikudaig kot aben dubiseig, patun fo dilasa ya.

¹⁷ Juda tamolpein an fidian inj ubou ab san gurman ta yan an Sostenis dubol dan diabig, kot malan lo malak malak dufuni se ya. Ak man Galio ka yilfu on a.

Pol Korint ibiseig Antiok na yau a

¹⁸ Pol nal wei mi ilo rumok adi dida Korint na dumado gug wog inane Akwila iwon Prisila da dida Siria na diau a. Wog gamugo inane dugo Senkria na gurman roun ibol dugo dutute ya. Man dugo, inug mi Anut malan lo promis ru ibol an nuñon igane yak niñen o inñan promis an igane itout a.

¹⁹ Diaug, Efesus na dilasag, atna Pol Akwila inj Prisila da ibisawaig, ubou ab lo iladug, Juda dida Kristus niñen o ru lo nug aen ditog se ya.

²⁰ Atna saen milaen mi dida dumado wo dusumiani ak man in imoi.

²¹ Gug saen yau o dugo irupidai, “Anut namul o ibol tap, nai anjam na namul da wa.” Agog Efesus ibiseig iyawai a.

²² Agog Sisaria na ilasag, Jerusalem na isida yau. Atna midaen ilo uyan ru irupidai gug Antiok na yau.

²³ Antiok na kitek imado gug yaug Galesia ilon lo iladug, Frisia na dam ilo rumok adi fidian dabai ipidinai dugo yau on se ya.

Juda tamol yanjan Apolos Anut san ru ifulale ya

²⁴ Saen Pol yau imul dugo Juda tamol ta yanjan Apolos, tinan Aleksandria na igansi ak in Efesus na ipalu ya. In ru bilabal nimanau man uyanan geig. Agod Anut san ru girek lo yen dan ilon sijaokan.

²⁵ In Tubun en san ru dupitenani sijaokan. Agog buben imasag, Jesus san ru itaot mi ifulale dugo tamolpein ipitenanai. Gug in Jon san suguek an mi ilon.

²⁶ Aria, saen Efesus na ilasa man, Juda sad ubou ab lo ru dabai anda ifulale dugo Akwila in Prisila da dulon a. Ago tag dinaneg, insiganed ab lo diaug, Anut san dal taidam itaot dukubiai panig ilon a.

²⁷ Agog Apolos Akaia provins na yau o ibol tag, Efesus na ilo rumok adi ilon dabai dupanig dubunawig, girek ta digireg Kris tamolpein ate yak durupidai, “Tamol en anjam na ipalu tap, ayunani wa.” Saen Akaia na ilasa man, tamolpein a Anut san ilo munanek log Jesus o ilod rumok an ibinawai sijaokan a.

²⁸ Man dugo, inſan ru dabai anda ibol se yan lo malak malak ru lo nug aen ditog dugo in Juda ibiai dudu ya. Ago dugo ru Anut san buk lo yen dan isuti se yan lo ikubiai pidinai ak, Jesus man inſen Kristus.

19

Pol Efesus na Anut san ru ifulale ya

¹ Saen Apolos Korint na imado dugo, dal ta did fufo mi yau ak Pol irig Efesus na yau. Atna ilo rumok aenkadi dumado dugo yil tag

² isumianai, “Saen an ilom lo rumok an Urgun anane yak i?”

Ago dugo in dubol, “Man ru ta Urgun ninen o kitek malon man tia ya.”

³ Agog fon isumianai, “Ak dugo, an suguek naon dugo yak anane yak i?”

Agog awan diabig, dubol “Man Jon san suguek minane ya.”

⁴ Ago tag Pol irupidai, “Jon san suguek man tamolpein inaned aupasek patud dupani ak san a. In Isrel tamolpein irupidai, ‘Tamol a nai njeg aban fo ipalu dan ilom lo rumok a. Tamol an Jesus.’ ”

⁵ Ru an dulon go Tubun en Jesus yan an lo suguek dinane ya.

⁶ Agog saen Pol banin gurnad fo igane man, Urgun in tinid fufo idu ya, ago dugo muroun ru sensen ak lo dininon dugo, profet ru dam dubol ilasa se ya.

⁷ Tamol an nunod 12 igo won.

⁸ Kalam utol Pol Juda sad ubou ab lo yau imul dugo Juda tamolpein Anut san ru dabai anda irupidai se ya. Agog ru lo dam dida nug aen ditog dugo

Anut san kagin panek san fun ifulale ilasa se ya. Ago dop duloŋ pe ilod lo rumok o ago igane se ya.

⁹ Ak man aenkadi kabuŋad sakar kasik an lo ru an ilod lo ta rumok na ya. Taida mi in midaan malad lo Kris adi sad ilo rumok yaŋan “Dal En” dubol dan niŋen o ru saian dubol ilasa da. Ago tag Pol megeloum foun ak injal go, nal pempem Tiranias san galuŋ tubun ak lo dutumani dugo, a Juda tia yan dam dida Jesus niŋen o diŋiŋeŋ ila iso se ya.

¹⁰ Anaŋar uraru nek ago mi igane dugo, Esia distrik lo Juda tamolpein, agod a Juda tia yan dam fidian Tubun en san ru duloŋ a.

¹¹ Anut kulob girager funfun Pol banin lo iganeg ilasa ya.

¹² Inŋsan silali isuas san yamel boi, urat san yamel an tamolpein subam amad da yan sad na diŋane diaup tinid fo digane dop subam ibisawai se ya. Ur sisaiak amad da yan dam nek ago mi digane se ya.

¹³ Juda aenkadi a ur saiak dukudai diau dugo dutor dan, Jesus yaŋan lo ur sisaiak an dibitinaep dukudai o ilo sou ago digane. Agog ur saiak tamol tinid lo dumado dan igo dupidai, “Jesus yaŋan a Pol ifulale dan lo alasap au kisaek oŋ o maŋ murupaian da.”

¹⁴ Juda pris gurman ta yaŋan Skeva in nanun 7 kubol an digane dugo dutor a.

¹⁵ Gug saen ta tamol ta ur saian anda yak durupeidugo, ur saian awad yabig ibol, “Ŋai Jesus ŋaloŋ. Agod Pol dam ŋaloŋ. Gug an en sauta yak i?”

¹⁶ Ago ibol ak tamol ur saian aman da yan imasag, maeg iganeg ifu saian. Tinid daon ipanig

sad kulos irasisare idu ya. Agog Skeva nanun 7 an dar ad da nuḡod kawan ab lo dilasag dumaspalu oḡ go dusol diau a.

¹⁷ Agog Efesus na Juda tamolpein, agod Juda tia yan fidian ru an duloḡ go tubun kasik direr. Agog Jesus Tubun en yaḡan man lak na geig diabisa.

¹⁸ Ilo rumok adi wei kasik dupalug, malak malak mel digane saian man kuai tem dufulale se ya.

¹⁹ Wei tinan buk lo nawir san maḡau diḡane yan iḡsad buk disini dupalug dutumanig, tamolpein fidian malad lo dumari inani yau a. Buk an fidian san naod dutumanig, fifti tausen kina (K50,000) igo ilasa ya.

²⁰ Kulob funfun dabai anda dilasa yan lo, Tubun en san ru nek ago mi ilasag yaug tubun geig dugo, ifufurak go aben fidian lo yau a.

Efesus tamolpein tiḡae saiak diabisa ya

²¹ Murnag mel fidian ilasag itout an, Pol yaup Masedonia nap Akaia na gup Jerusalem na yau o Urgun kankan ipanig ibol, “Aben an fidian ate ḡau itout gup, Rom na dam ḡau a.”

²² Ago tag iḡsan binawek uraru Timoti iḡ Irastas da idinaig, Masedonia na diau. Agog iḡsen man saen kitek milaen mi Esia provins lo imado ya.

²³ Saen nek an lo mi muruan tubun ak “Dal En” niḡen o Efesus na ilasa ya.

²⁴ Tamol ta, yaḡan Demitrias, iḡ silva nam melmel igane da. Iḡ silva nam tubud pein ta yaḡan Atemis san tempel mitilaen wei mi igane idu ya. Agod iḡsan bisnis an lo moni tubun mi irae dugo,

injanen urat tamol dam urat an lo moni tim an tubun mi diñane da.

²⁵ Ago tag injanen urat pinein agod aenkadi inñsad urat naon kisaek an dam igiaig itumanaig irupidai, “Anñ tamol gamu atumani an alonñ ak, idsad moni man urat nek en lo tile da.

²⁶ Agod gamu tamol a Pol dubol dan kulob igane dak anñsem dam ale alonñ a. Inñ ibol, tubud a tamol banid nam digane yan tubud tia ya. Ru an lo Pol tamolpein wei kasik naod yabitig ilod ibilisa ya. Tamolpein fidian Efesus na, agod wei mi Esia provins ilon lo dam, ru an dulonñ la ya.

²⁷ Agod muruan tubun ak yen da. Idsad bisnis yen yanñak saian ak inñane wa. Muruan an mi tia. Taidam tubud pein Atemis san tempel mel kawan dubol dop inñsan yanñan tubun an fon diabi idu wa. Tubud pein an Esia provins lo, agod tan titin fidian en lo tamolpein ago mi ubou an dile da.”

²⁸ Doup tubun ru an dulonñ man tinñaed tubun mi saian tag disasai dugo dubol, “Efesus san Atemis inñ tubun a.”

²⁹ Siseinñ an taun ilon inñane. Ago dugo doup a taun lo yan Masedonia tamol uraru Pol dida diau an duburoug, tamolpein fidian sad tumanek aben lo diau a. Tamol uraru an Gaias inñ Aristakus da.

³⁰ Pol inñsen ilo rumok tamolpein an ibisawaip, doup tubun an malad lo yaup, ru irupidai o igane yak man, ilo rumok adi diabituanian a.

³¹ Provins san tamol gurman aenta, inñ Pol turan muroun, an dam ru kagin diganeg Pol san na yau. Kabelan tumanek aben lo doup malad lo ilasa banau o dumoi a.

³² Agog saen an tumanek lo doup leinñ tubun

kasik digane se ya. Ago dugo tamolpein n̄iŋeo lo ru naon sensen disasai ilasa se ya. Man dugo, tamolpein wei kasik tumanek an fun ta duloŋ na ya.

³³ Juda adi tamol ta yaŋan Aleksanda dubol dan doup malad lo dusoduduni ilasa ya. Agog tamolpein aenta doup ilon lo tamol an dududuwig targiranek ru ibol ilasa wo durupe i se ya. Agog iŋ targiranek ru tamolpein irupidai o banin nam touad touad igane se ya.

³⁴ Ak man saen iŋ Juda tamol ago dile tag, 2 auwa igo woŋ ru naon kisaek an mi disasai dugo dubol se, “Efesus san Artemis iŋ tubun a!”

³⁵ Ago digane yau nag panu san pepa kubunek tamol ta tamolpein sad siseiŋ yabi idug irupidai, “Efesus tamolpein aloŋ! Tamolpein fidian duloŋ ak, aŋ tubud e Artemis dubol den san tempel, agod pat a gun ak keit log idu yan dam kagin apidinai da.

³⁶ Agod talpein ta iŋ an ta ilon na yak ago ibol san tia ya. Ago yak niŋen o kute abol. Burau kagin ta mok agane na wa.

³⁷ Aŋ tamol en kawan geig aŋal go apalu ya. Iŋ mel ta tempel ilon lo yak ta digam na ya. Agod idsad tubud Artemis niŋen o ru saian dam ta dubol na ya.

³⁸ Ago yak niŋen o Demitrias iŋanen urat pinein dida talpein enti ta niŋen o ru amad da tap, gurman dumado da. Agod kot dam iŋanen saen fom pempem ilasa da. Kot lo gup iŋ ka nug dupei ila iso wa.

³⁹ Aria, aŋ ru taida mi amam da tap, idsad tamolpein sad tumanek tubun ak lo aup, kubiaen

san dal itaot ak fo mi muruan an akubune wa.

⁴⁰ Man dugo, leiŋ en agane itout a, tia dop Rom gabman ilonj pe, id abañ daonj tupani dan, ru ago ipanad dop isusad a. Man dugo, dusumianad tap, id malan kisaek tutumani ak san fun uyan an tabol san tia ya.”

⁴¹ Ru an ibol itout go idinaig dufurak diau a.

20

Pol Masedonia nag Gris na imul a

¹ Murnag leiŋ an fidian itout go Pol ilo rumok adi igiaig, tan suek ru irupidai gug ibisawaig, Masedonia na yau.

² Inj gigin an fidian lo yaug, Tubun ak san ru wei mi lo tamolpein tan suek ipidinai dugo itor nag Gris na ilasa ya.

³ Atna kalam utol imado se ya. Agog iyawai Siria na yau o abañ ikubune yak man, Juda dufuni imat o palaŋ an dumari an ilonj tag, imul go Masedonia na yau.

⁴ Tamol a Pol ida turenj diabi dan sad yaŋadi igo ya: Beria tamol ta yaŋan Sopater inj Pirus nanun. Tesalonaika tamol uraru Aristakus inj Sekundus da. Derbi na man Gaias sen kisaek. Agod Timoti, ago dugo Esia provins lo tamol uraru Tikikas inj Trofimas da ago fidian mi diau a.

⁵ Tamol an fidian imug diaug, Troas na malama digane se ya.

⁶ Bret yis an tia yak san soubul itout gug man wog miŋaneg, Filipai mubusei a. Nal 5 itout gug Troas na luad masag, ubou kisaek atna mumado ya.

⁷ Mañ Sande* guraian Tubun en san anañ mani wo mutumani a. Pol inj salso salso yau ak ninjen o tamolpein ru irupidai onj go yaug tidom luak.

⁸ Galuñ lak na geig ak lo mumado yan te man lam wei mi dusulanai idug galuñ ilon lo dided se ya.

⁹ Pinein ta yañan Yutikas inj ab san gigin fo imasi a. Ago dugo Pol saen milaen kasik injinjen se yan lo, pinein an malan iyof go itarsuni dugo imado nag, yen padal dugo tan na yau idu ya. Ago ibol ak dudug imat an diabisa ya.

¹⁰ Ak man Pol idug, tinin fo ibilani idug, yabig ibol, “Arer amoi. En njutun ta ibisei na ya.”

¹¹ Agog Pol imul ab lo isidag bret yafuteg diani a. Pol nek ago mi injinjen dugo yaug salso idu gug ibisawai a.

¹² Pinein an kumaen imado dugo diñaneg injsiganen ab lo diaug ilod tubun mi uyanan a.

Pol Efesus ibisawai o dugo injsan ru wadan irupidai a

¹³ Mañ Pol mibiseig imug wog lo misidag miyawaig Asos na mau. Man dugo, Pol inj mañ da ru mufuni an lo, inj njen nam yau dop Asos na gup miñane wo ibol a.

¹⁴ Saen Asos na milasag mile man miñaneg Mitilini na mau a.

¹⁵ Atnag fon miyawai dag salsog nui Kaios ate milasa ya. Agog nal kisaek itout go nui Semos na misasau a. Salso idug afon miyawai dag Mailitas san loñ na miladu ya.

* **20:7:** Nal an man ubou san nal malmalan.

¹⁶ Pol Esia Provins lo saen ibidani man imoi tag, Efesus mirinani wo ilon yen a. Man dugo, idaisuda tap, in ririan Jerusalem na Pentikos saen fo mok ilasa wo ilon ago yen a.

¹⁷ Pol Mailitas na imado dugo Efesus na ru iganeg, midaen san matu adi dupalup dutumani wo ibol a.

¹⁸ Dilasag dutumani gug irupidai, “An alon ak, saen malmalan nai Esia provins lo nilasag, naisag madok saen fidian nai an da tumado na yan ale alon.

¹⁹ An alon ak, naiseg ibiag nadu dugo, Tubun en san urat malag turon ag da, muruan ag da urat an niganeg se ya. Juda adi dam dutumanig nai malag dusue wo dininon se ya, an lo muruan in madai da dupanag an dam nisini se ya. An dam alon uyanan a.

²⁰ Agod alon ak, nai mel ta idunan san ak nabol ilasa san ninen o ta nusuksuk na ya. Tia, nai malak malak lo, agod ansiganem ab lo ru nifulale dugo nipitenanan se ya.

²¹ Juda igom Juda tia yan ru dabai anda nurupidai se ya. Ilod dibilisap, naod Anut dupanip, idsad Tubun en Jesus ninen o ilod rumok o nabol dugo dulon a.

²² “Aria, Urgun nai isubanag go Jerusalem na nau o ibol a. Gug ante ata nai o ilasa wan ta nalon na ya.

²³ Mel kisaek en nalon la ya, taun fidian ate nilasa dan te Urgun irupaiag ak Jerusalem na madai agod muruan wei mi malag igane da.

²⁴ Naisag ilo sou lo naisiganeg madok an mel tubun tia ya, agod naiseg tinig o kankan ta niganeg na da. Tia, nai Jesus Tubun en urat ipanag an

ņigane itout o yaes ifunag da. Urat an man, ņai Anut san ilo panek tubun mi tamolpein fidian niņedi wo yen dan ņufulale san ama ya.

²⁵ “ņai aņ fidian luluņam lo ņator dugo Anut san kagin panek san ru ņufulale na ya. Gug ņai ņalorņ ak, mitep aņ fon ņai naog ta ale na wa.

²⁶ Ago yak niņen o ņai gamu ņurupaiaņ da. Aņ en ta adeg au tap an ņaisag ai wadan tia ya.

²⁷ Man dugo, Anut san ilon fidian ņai irupaiaņ go ņalorņ an fidian ņurupaiaņ o an niņen o ta ņasuksuk na ya.

²⁸ Sem kagin ipanaņ dop Urgun sipsip malan tubun banim lo igane yan dam kagin apidinai uyanan a. Sipsip an Anut iņanen Nanun san dar lo iņal a. Aņ Tubun en san midaeņ sad titianek adi ak niņen o afutai o uyanan a.

²⁹ ņai ņalorņ ak, saen ņai ņubusawaņ dop tamolpein goun kasik igo woņ ak dupalup, sipsip an ilod ta isou na wa.

³⁰ Agod aņ luluņam lo tamol aenkadi dilasap siganed ru sewak lo ru rumok an dukubuli dop senamo geig ilasa wa, an lo dop ilo rumok adi dirawai dop ņied abad diri wa.

³¹ Ago yak niņen o kagin agane dop ilom isou. Anaņar utol malag turon anda tidom ad aņ kagin agane san ru kagin ņurupaiaņ na ya.

³² “Gamu Anut banin lo ņidiraņ da. Agod iņsan ilo muņanek san ru alorņ an ibunawaņ pe, aņanem ilo rumok dabai ipani wa. Ru an dam iganep aņ tamolpein a Anut idiraig gun dilasa yan dida Anut san wasar an sisem mi aņane san idaisuda geig a.

³³ ņai talpein ta san silva boi, tia gol boi, tia tinin san biouņ boi, banin na ņiņane wo malag ta isi na

ya.

³⁴ An fidian alon ak, naiseg banig en nam urat niganse dugo, mel lo nai turag dida katuk amama yak sema ibunawama se ya.

³⁵ Mel fidian nai niganse se yan lo nukubiai panañ, ago mi an urat wagai agane dop lo talpein ta in dabai ad tia yak abinawai a. Jesus, idsad Tubun en, ru ibol ak ilom isou. ‘Talpein mel pani dan san ilo uyan man onse mel nane dak san ilo uyan irinani a.’ ”

³⁶ Saen Pol ru ibol itout man, turun isaluwig fidian dida dugudani a.

³⁷ Tamolpein fidian ditatag, tinin diamisi dugo musuk dupani se ya.

³⁸ In afon naon dile san tia ibol ak ninen o ru an ilo sou man diganeg, ilod tubun mi saian. Agog fidian dinaneg, wog lo diaug, iyawai yau a.

21

Pol Jerusalem na yau a

¹ Man Efesus tamolpein banid mabig, mubusawaig, itaot miyawaig, nui Kos na ate mau. Ate maen mumasa gug, nui Rodes na madu ya. Atna gug Patara na mau a.

² Patara na wog ta Fonisia na yau o igane dugo mile tag fo misidag miyawaig mau a.

³⁻⁴ Maug malama yang Saipras mile dugug wog naon nas lo dibilisag, Siria na mau a. Agog Taia sad lon na misasau a. Atna wog biouñ kadi ipasi wo tag ilo rumok adi abanad mabig aenkadi meil go dida ubou kisaek mumado se ya. Urgun ilo rumok adi Pol Jerusalem na muruan ile wo ikibiai pidinai

ak niñen o Pol Jerusalem na ta yau na wo durupeia.

⁵ Gug mau san saen idu ya. Agog in fidian inaned pein nanuk dida diniliamag Taia mubiseig loñ na madug, mañ fidian lul fo turuma misaluwig mugudani.

⁶ Agog mañ banid mabig wog lo misida dugo in fon dumul siganed ab lo diau a.

⁷ Mañ fon miyawaig Taia mubiseig maug, Tolemes na madu ya. Atna ilo rumok adi aenkadi meil go banid mabig, dida nal kisaek mumado ya.

⁸ Salsog Tolemes mibiseig, Sisaria na mau a. Atna Anut san ru bilabal tamol ta yañan Filip dubol dak san ab lo maug ida mumado ya. Tamol 7 a Jerusalem na dipilianai an Filip dam luluñad lo imado ya.

⁹ In nanun pein iwoiwo iwod tia dumado dan profet ru dubol ilasa da.

¹⁰ Mañ nal aenta atna mumado dugo, Judea na profet ta Agabus dubol dan ipalu ya.

¹¹ In mañsama na ipalug, Pol san let inaneg sen ñien banin isubanig ibol, “Urgun igo ibol, ‘Let en muroun mitep Jerusalem na Juda adi nek igo dusubanip, tamolpein Juda tia yan banid lo digane wa.’”

¹² Mañ ru an malon go ilo rumok adi ate dumado dan dida Pol Jerusalem na ta yau na wan ilon miñane wo maeg migane ya.

¹³ Gug Pol awama yabig ibol, “An ata wo anñsam tinañ en lo ñai ilo muruan apanag dak i? Ñai dibiag pe dusubanag ak niñen o ta ñarer na da. An mi tia ya. Ñai Tubun en Jesus yañan lo ka dufunag ñamat a.”

14 Mañ ilon miņane sisi tia tag mabol, “Gidad, Tubun en ilon ibol dak ago mi igane.”

15 Atna kitek mumado gug abañ mukubuneg Jerusalem na mau a.

16 Sisaria na ilo rumok adi aenkadi dam dida maug, tamol ida mumado wak san ab lo diņiliana ya. Tamol an yaņan Nason. In Saipras tamol, agod Kris tamolpein imug mi ilod lo rumok ak luluņad lo in tamol kisaek ta.

Pol Jems ile wo yau a

17 Saen mañ Jerusalem na milasa man ilo rumok adi ilo uyan lo diņiliana ya.

18 Agog maen go tidomi Pol da Jems mile wo mau a. Jerusalem midaeņ san matu fidian saen an malama digane se ya.

19 Agog Pol ilo uyan ru irupidai, ago gug Anut in lo tamolpein Juda tia yan luluņad lo urat igane na yan ibol dugo duloņ se ya.

20 Matu adi ru an duloņ go Anut yaņan diabisa ya. Ago gug Pol durupeı, “On uloņ ak, Juda wei kasik ilod lo rumok a. Agod in fidian Moses san kubiaeņ bubed nıtudi fidian lo duri dupani da.

21 Gug talpein ta ru en oņ niņe wo durupidai dugo duloņ a. Oņ Juda tamolpein gigin aenkadi lo dumado dan Moses san kubiaeņ dumoi o piteņanai da. Ago dugo inaned nanuk tamol ak dam tinid suņulon dutute dumoi o ubol da, agod Juda sad tamol kagin dam ta digane na wo ubol da.

22 Ak niņen o dugo tigane wak i? Oņ palu yan san ru ifufurak yau dan lo milaen tiap ru an duloņ mok a.

²³ Maŋsama ru en ulonj pe uri. Tamol iwoiwo gamu etna dumado dan, promis ta ru dabai anda yak lo Anut dupani an paen na dumado da.

²⁴ Inj promis an digane itout san saen gamu ya. Ago yak niŋen o dida aup, promis digane itout dan san midaeŋ lo aladup, malak malak lo dida gun alasa wa. Ago dop injsad promis itout san naon sapta dubol dop udad pidinai a. Ago dop inj ka gurmada didawi yau a.* An lo dop tamolpein onsa ru fidian dulonj na yan rumok tia yak dubol a. Man dugo, onse dam onj Moses san kubiaeŋ kagin pani da.

²⁵ Gug ilo rumok tamolpein adi inj a Juda tia an, maŋ ru kagin igo migireg murupidai a. Inj ananj a tamolpein tubud sewak adi dupidinai dan ta diani na wa. Dar dam geg. Agod mel burod dususe yak sad dar ta ilasa na yan dam ta diani na wa. Agod jeit kagin dam ta digane na wo mabol a.”

²⁶ Ago tag dien dumasag Pol tamol an injal go Anut malan lo sed idiraig gun dilasa ya. Murnag Pol tempel lo iladug, injsad midaeŋ an itout san nal kob ipani wo pris ta irupei a. Nal 7 itout gup, inj anen anen Anut yai digane pani o dam irupei a.

Juda adi Pol dusebani a

²⁷ Nal 7 an itout o sumeik dugo Juda aenkadi Esia provins lo yan Pol tempel lo dile ya. Agog tamolpein fidian ated dusueg Pol diabig,

²⁸ awad tubun mi disasai dugo dubol, “Isrel tamol! Abunawama! Tamol nek en aben fidian lo itor dugo tamolpein Juda adi dil saiadi wo ipitejanai se ya. Ago dugo Moses san kubiaeŋ nuŋon

* **21:24:** Gurma dawek man promis itout amaiak san kob a.

tia yak ago ibol dugo, tempel dam ta gun na yak ibol se ya. Agod gamu en tamol Juda tia yak injal go tempel lo diladug, aben gun en nun dupani a.”

²⁹ Man dugo, Efasas tamol Trofimas in Pol da Jerusalem ilon lo dutor dugo dil an ninen o ilod lo Pol tamol an injaneg ida tempel lo diladu yak, ago ilo sou digane se ya.

³⁰ Agog unjon tubun kasik Jerusalem ilon lo ilasag tamolpein dumaspalug, Pol tempel san tu-manek aben lo imado dugo diraeg, patun fo dilasa ibol ak tempel san dalawan dufutanai a.

³¹ Doup tubun an Pol dufuni imat o digane dugo, Rom san yu tamol adi sad gurman tubun an ru inane, “Jerusalem ilon lo tamolpein fidian silei digane da.”

³² Gamu nam gurman tubun an yu gurman in paen na yan injal, yu tamol aenta dam injal go doup tubun an sad na dumaspalug diau. Saen tamolpein Rom san yu gurman tubun an yu tamol adi dida dupalu dugo dil tag Pol dufuni an dumoig dibisei a.

³³ Yu tamol sad gurman tubun an Pol san na yaug yabig ibol dugo sein uraru nam dusubani a. Agog tamolpein isumianai, “En so tamol ta i? Agod in dugo igane ak i?”

³⁴ Ago dugo tamolpein ru naon gidigheid dubol dugo unjon tubun kasik yen. An lo yu tamol sad tubun an ru fun ta ilon na ya. Ago tag Pol dinjanep yu tamol sad njon ab sakar ak lo digane wo ibol.

³⁵⁻³⁶ Agog yu tamol adi Pol dinjane diaug, tet fun te gug diabisag, lak na disini a. Man dugo, tamolpein malan tubun Pol adi njed fo dupalu dan dufuni imat o dutur. Ago dugo disasaig dubol,

“Afuni imat!”

Pol doup malad lo sen ipirani a

³⁷ Pol ab an lo diñane diladu wo digane dugo, yu tamol sad gurman irupeï, “Dugo, ñai ka on ru ta ñurupaio wak i?”

Agog yu tamol sad gurman Pol irupeï, “On Grik ru ulon ak i?”

³⁸ Ñai ñabol on Igipta tamol ta imug doup tubun injal go gabman ida ager dumado wo igane amaiak ñabol a. Agog tamol foa tausen banid yu dumui anda injal go tan kawan ak lo diau a.”

³⁹ Ago dugo Pol awan yabig ibol, “Ñai man Juda tamol, Silisia na taun yañan Tarsus dubol dak lo ñilasa ya. Ñai taun yañan anda yak san tamol. Ak dugo, ñai tamolpein ru ka ñurupidai ak i?”

⁴⁰ Yu gurman an uyan ak ibol tag Pol tet fo imasa itur go tamolpein awad itau wo banin nam toutou igane ya. Abañ fidian yang malin idu dugo Pol Hibru lo tamolpein ru irupidai.

22

¹ “Ñaisag teig muroug, tamag muroug, kududom agurep, ñaisag ru itargiranag san naom na ñinen dop alon.”

² Saen Pol Hibru lo ru irupidai dugo dulon man, abañ fidian kute ibol a. Agog Pol ibol,

³ “Ñai man Juda tamol, Silisia na taun yañan Tarsus dubol dak lo ñilasa ya. Gug etna Jerusalem na tamol ñigane ya. Gamaliel in ñaisag girek manau. Ñai idsad tubud baged sad kubiaen ñuri ñupani san ru dabai geig ñalon se ya. An Anut awan ari apani dak ago mi ñai dam awan ñuri ñupani da.

⁴ Njai nabol dugo, tamol Jesus o ilod rumok an mala suek npupidinai dugo, aenkadi duburoug sub-anek ab lo didirai a. Agod aenta dufu dumat na ya.

⁵ Pris malan te yak, in kaunsil fidian dida ru rumok nabol dan dulon a. Ak niñen o ka dubol dop alon a. In nai girek dupanag go idsad Juda tamolpein Damaskus na dumado dan sad na nisini nau. Girek an tamolpein nburoup sein nam dusub-anaip, nana pe, Jerusalem na mupalup muruan disini san ibol a.”

Pol Kris ilasa yak niñen o ibol a

Apo 9:1-18; 26:9-18

⁶ “Gug nal ta ad titiñae Damaskus sumeik npuni dugo, lilaman ta malan geig ak irakilawi.

⁷ Agog tan na nau nadug, awan ta iwagin go ibol, ‘Sol, Sol! Ata wo nai malag sue dak i?’

⁸ “Agog nai nsumiaen, ‘Tubun en, on enti?’ ”

“Agog awag yabig ibol, ‘Nai Jesus, Nasaret tamol amaiak malag sue da.’

⁹ Tamol nai dida mau an lilaman dile gug awak a nai da minñen an awan ta dulon na ya.”

¹⁰ “Agog nsumiani, ‘Tubun en, dugo ngigane wak i?’ ”

“Agog Tubun en irupaiag, ‘Masap, Damaskus na wau gup, Tubun en san ilon on lo dugo isou dan fidian durupaiolon a.’

¹¹ Lilaman an malan kasik an lo nai malag tidom tubun, agog aban nile san tia ya. Ago tag turag muroug dida mau an banig te diabig dida Damaskus na mau a.”

¹² “Agog tamol ta yan an Ananias, in pempem Anut san ubou ile da. In idsad kubiaen kagin ipani

da. Juda tamolpein Damaskus na dumado dan in Ananias yanjan diabisa da.

¹³ In njaisag na ipalug, sinjireg na itur dugug ibol, 'O teig Sol, mala ipuk pe aban ule.' Ago ibol ak nek saen an lo mi malag ipuk go in njile ya.

¹⁴ Agog irupaiag, 'Id tubud baged sad Anut on injsan ilon ulon o ipiliano ya. Ago dugo inanen Tamol Itaotan an ule san, agod inanen awan ulon o dam ipiliano ya.

¹⁵ Man dugo, melmel a ule ulon na yan, in patun fo utur dop tamolpein fidian ta dulon na yan rupidai dulon a.

¹⁶ Ago yak ninjen ata wo mala gane dak i? Masap, suguek njanep, inanen yanjan lo gudani dop, onjane aupasek ipasi yau a.' "

¹⁷ "Ago njai namul Jerusalem na njaug, tempel lo njugudani dugo, malag njutun njile ya.

¹⁸ Malag njutun lo Tubun en njaisag na ininjen dugo njile ya. Ago ibol, 'Ririan Jerusalem bisei. Man dugo, tamolpein etna njai ninjeg o ubol ilasa dan uyan ta dupani na wa.' "

¹⁹ "Ago tag njai awan njabig njabol, 'Tubun en, in dulon ak, njai ubou ab fidian ilon lo njiladu njilasa dugo, tamolpein on o ilod rumok se yan njibiaig njafu idu na ya.

²⁰ Agod saen Stiven pat nam dufuni imat man, njai in sinjired na njatur dugo uyan njupidinai a, ago dugo a dufuni se yan sad kulos kagin njupani se ya.'

²¹ Gug Tubun en irupaiag, 'Wau. Njai njidinop, asau geig tamolpein a Juda tia yan sad na wau a.' "

Pol Rom tamol ta

²² Tamolpein fidian Pol san ru an dulonḡ yau nag, ru ta a tamolpein Juda tia yan niḡedi wo ibol an dulonḡ go ilod imoi geig a. An lo afon awad tubun mi disasai dugo dubol, “Agane imat. Tamol naon ago man imado san ta idaisuda na ya.”

²³⁻²⁴ Tamolpein fidian disasaig, iḡsad kulos dubal dugo gufgaf dam disinig lak na dubal isida se ya. Ago tag Rom san yu gurman an ibol dugo Pol diḡaneg, yu tamol sad ḡionḡ ab ilon lo diladu ya. Yu gurman an iḡsan yu tamol irupidaig, Pol rasau nam dufuni dop ata mel niḡen o doup disasai se yan fun ibol ilasa dop ilonḡ o ago igane ya.

²⁵ Gug dirae didarig bu dupani wo digane dugo, Pol yu gurman ta siḡiren na itur dan isumiani, “Dugo, kubiaenḡ dugo ibol dak i? Rom tamol ta kot lo sumianek gamugo pani dop ka funi wak i?”

²⁶ Yu gurman ru an ilonḡ tag Rom san yu gurman tubun an san na yaug isumiani, “Onḡ dugo gane wo dak i? Tamol an iḡ Rom tamol.”

²⁷ Ago tag yu gurman tubun an Pol san na yaug isumiani, “Rupaiag ḡalonḡ. Onḡ Rom tamol ak i?”

Agog Pol ibol, “Awo.”

²⁸ Rom san yu gurman tubun an irupei, “Moni naon lak na yak nam Rom gabman ḡupani dugo ate Rom tamol igo ḡilasa ya.”

Agog Pol ibol, “ḡai tinag tamag iḡ Rom tamolpein, ago yak niḡen o ḡai dam mi Rom tamol.”

²⁹ Ago ibol ak yu tamol a Pol bu dupani wo dutur an gamu nam dusuksuk diau a. Rom san yu gurman tubun an dam irer saian. Man dugo, Pol Rom tamol ak gug sumianek tia ka ibol dugo sein nam dusbani an ilo sou man iḡane ya.

Pol Juda sad kaunsil malad lo itur a

³⁰ Yu gurman tubun an ata mel ninen o Juda tamolpein Pol dufuni imat o disasai na yan fun aban ile wo igane. Ago tag tidom lom mi ibol dugo pris gurman adi in kaunsil dida dutumani a. Agog Pol banin na sein digane yan dupasig, dirjane diaug naod na dugunig itur a.

23

¹ Agog Pol Juda kaunsil yil dugo ibol, “Teig taog, naisag madok ipalug gamu saen en, Anut malan lo malak malak ka nabol a, naineg kankan mel saian ak ta njigane yak ninen o ilog ta issue na dugo miai dam ta ifunag na da.”

² Pris malan te yak, yan an Ananaias, ru an ilon go tamol a Pol sinjiren na dutur an kudanjan dugufute wo irupidai a.

³ Ago dugo Pol ibol, “Anut dam on ifuno wa. Ata wo? On nek ibol mutou pen milkouk ak nam bala dupani dugo ilon man saianan ak igo won. On ete masi dugo nai kubiaen iri panim kot panag o igo gug onse dam kubiaen pilalig, nai kudanjan dugufute wo ubol dak i?”

⁴ Agog tamol Pol sinjiren na dutur an durupej, “On Anut san pris malan te yak ru saian ak nam pei dak i?”

⁵ Ago tag Pol ibol, “Teig taog, nai in pris malan te yan ta njalon na ya. Anut san ru girek lo yan ago ibol, ‘Onane gurman adi ninedi wo ru saian ak ta ubol na wa.’”

⁶ Pol tamol dutumani an aenkadi Farisi dugo aenkadi Sadyusi ilon tag, awan tubun mi kaunsil irupidai, “Teig taog! Nai Farisi, agod nai tamag in

dam Farisi. Njai gamu kot lo n̄atur den san fun man, n̄ai tamol dumat ak kumaen dumasa da wan nin̄en o ilog lo rumok go, mel an ilasa wak o mala nouk n̄umado da.”

⁷ Saen in̄ ru an ibol go dulon̄ an Farisi in̄ Sadyusi dida nug diabi se ya. Agog in̄ nug ditarpaleg malan uraru dilasa ya.

⁸ Man dugo, Sadyusi in̄ dubol, tamol dumat ak kumaen dumasa san tia ya. Agod id fidian n̄tutud tia yak dubol da. Agod en̄el dam ta dumado dak dubol da. Gug Farisi adi man in̄ mel utol an rumok ak dubol da.

⁹ Agog nug tubun mi dububun̄ani dugo kubiaen san girek man̄au aenkadi Farisi patud fo dutur dan dumasag, ru dabai anda dubol, “Id tamol en mel igane saian ak ta fun tile san tia ya. Nag ur uyan ak boi, tia en̄el ta boi, awan lo ilon̄ go ago in̄in̄en da!”

¹⁰ Nin̄en̄ yaug dabai dugo Rom san gurman tubun an ago ileg ilon̄ idu ya. Kabelan Pol daon̄ dupani banau. Ago tag in̄san yu tamol idinaig, doup lulon̄ad lo dudug, afon Pol diñane diaug in̄sad n̄ion̄ ab lo digane iladu ya.

¹¹ Tidom an lo Tubun en Pol giran̄en na itur dugo irupei, “Dabai n̄ane! On̄ Jerusalem na n̄ai nin̄eg o ubol ago mi Rom na dam nek ago mi ubol a.”

Pol dufuni imat o palan̄ an dumari a

¹² Salso idug Juda aenta dutumanig Pol dufuni imat o awad dutumani a. Agog Anut malan lo ru lak na geig ak lo sed isubanai a. In̄ anan̄ you da lo sed geg ipidinai dumado dop, saen Pol dufuni

imat mok gup, anañ diani wa. An lo subanek ru an paen na sed idirai a.

¹³ Tamol kitek 40 iriñani ago kulob an digane ya.

¹⁴ Agog pris gurman adi in matu dida sad na diaug durupidai, “Mañsema anañ you da lo geg ipanama dugo Anut yañan mupateg lo mañanema ru dabai mupani a. Mañ Pol mufuni imat mok gup anañ mani dop you maluk a.

¹⁵ Ago yak niñen o añ kaunsil dida ru aganep Rom san gurman tubun an san na yau. Añ imug irawip, Pol igane ipalu dop añ kitek taidam asumianip ru ibol an san fun alon o uyan ak ago arupei. Gug mañ man dal te tawañ mumado wa. Pol ente ta ilasa na dop dal na mufuni imat a.”

¹⁶ Ak man Pol nigainab inñsad ru an ilon tag yaug, yu tamol sad niñon ab an ilon lo iladug, Pol niñen an irupei ilon.

¹⁷ Ago tag Pol inñsad yu gurman ta iwagig irupei, “Pinein en niñanep ida anñsam tubun en san na au. In ru aman da yak ibol ilon o da.”

¹⁸ Ago tag yu tamol sad gurman pinein an inñaneg inñsad tubun en san na diaug ibol, “Subanek tamol Pol amaiak igiag go pinein en onsa na niñane niñpalu ya. Man dugo, in ru aman da yak ibol ulon o da.”

¹⁹ Ago tag yu tamol sad gurman tubun en pinein an inñaneg gigin na diaug isumiani, “On so ru ta ama da i?”

²⁰ Agog pinein an ibol, “Juda gurman adi dutumanig awad kisaek go dubol. Gabulop diraek pe kaunsil adi Pol dusumianip ru fun dulon uyan o dupalup dusumiano wa.

²¹ Gup awad wabi umoi. Man dugo, tamol 40 dimianuk ak dumado da. Inj geg dabai ak lo dumado da. Sad geg san fun man igo ya, Pol dufuni imat mok gup inj anañ diani dop you duluk a. Inj fidian abañ dukubune yak tawanj dumado da. Onj mi dugo ubol ak o mala digane da.”

²² Agog yu gurman tubun en pinein an irupej, “Waup, ru naj naog na ubol an gidigheid ta mok ubol na wa.” Agog pinein an idinig yau.

Pol dupasig Sisaria na yu tamol dida diau a

²³ Agog yu tamol sad gurman tubun en yu gurman uraru inj paen na yan igiaig dupalug irupidai, “Yu tamol 200 sabiri ad da yak añal pe, 70 taidam hos san, agod 200 yu amad da yak dam añal pe, 9 kilok tidom Sisaria na Pol da au.

²⁴ Pol ninjen o hos taida akubuniaip, añal pe, provins san gurman Filiks san na au. Pol kagin apani uyanan dop añane au a.”

²⁵ Agog yu gurman sad tubun en Filiks san na girek igo igire,

²⁶ “O tamol tubun, Filiks. Adian. Naj Klodias Lisias onsa na girek en njigire da.

²⁷ Juda adi tamol en diabig dufuni imat o digane se ya. Ak man saen naj inj Rom tamol ago njile njalonj tag, njaisag yu tamol dida maug patu pasek mupani a.

²⁸ Naj ata mel ninjen o inj ru dupani se yan fun mok njalonj o ilog ibol tag, njinaneg, Juda sad kaunsil sad na mau.

²⁹ Ago gug ru fun njile yak man, inj mel ta igane saian pe ninjen o dufuni imat san njile man tia ya. Mel ta ninjen o subanek lo migane san dam ta njile

na ya. Mel niñen o ru dupani se man inşiganed kubiaen niñen o mi ru dupani se ya.

³⁰ Agog saen Juda aenkadi dufuni imat o palan an dumari dan san ru niñane tag, onsa na niñinig ipalu da. Tamol a in kot an digane dan, dupalup on nao na gup, kot digane wo nabol nupuruidai a.”

³¹ Yu tamol inaned tubun en ibol ago mi digane ya. Tidom nek an lo mi Pol diñaneg diaug, Antipatris na dilasa ya.

³² Tidom lom mi yu tamol njed nam mi an dumul abed na dupalu dugo, yu tamol adi hos fo yan Pol diñaneg diau a.

³³ Pol diñaneg Sisaria na dilasag, Rom san gurman tubun an girek dupani dugo, Pol dam banin lo digane ya.

³⁴ Gurman tubun en girek an isutig, Pol so distrik ta lo ipalu amaiak ilon o isumiani a. Agog Pol Silisia distrik lo ipalu yan ilon tag ibol,

³⁵ “Saen tamol on kot a digane yan dupalup dilasa dop, onsa kot nalon a.” Agog Pol gabman Herod san ab san galun lo bitinaek diganed amaiak lo imado dop tawan an dumado wo Filiks ibol a.

24

Filiks Pol san kot ilon a

¹ Murnag nal 5 itout go pris malan te yanan Ananias, in matu aenkadi dida, agod tamol ta Tertulus dubol dak ida Sisaria na diaug, Filiks naon na Pol kot an digane ya. Tertulus in niñen san kaman tamol, ago yan lo Juda awad inaneg kot lo ininjen o dipiliani a.

² Agog Filiks Pol iwagig ipalu gug, Tertulus fun iganeg Pol niñen ipanig ibol,

“O Filiks, tamol tubun en! Onsa kankan milaen an lo saen milaen mok man maror lo mi mumado da. Agod kagin foudi a panan an lo gamu mansama tan lo melmel wei mi kubuneg dilasa uyanan a.

³ Man aben fidian lo mel an niñen o mamat da. Agod niñe wo iloma tubun kasik uyan dugo onane binawek miñane dan dam niñen o iloma uyanan da.

⁴ Nai onane saen ta niñidani na wa. Ago yak niñen o nusumiano da, gidad, ilo panamap tamol en sad awad niñane la ya, ago yak niñen o sad ru katukan en nabol dop ulon.

⁵ Man tamol en mile yak in fun saian. Juda tamolpein aben fidian dumado dan silei digane wo ated isue da. Agod in biatitek ta yanad Nasarin dubol dan insad gurman ta.

⁶ In dam tempel lo iladug Anut malan lo nun ipani wo igane dugo ante mabi a. Agog mansiganema kubiaen iri panim muruan en mukubune wo migane se ya.

⁷ Ak man yu tamol sad gurman tubun ak Lisias dubol dan ipalug silei nam banima na inane ya.

⁸ Agog Lisias irupaiama, tamol en on nao na kot an migane wo ibol. Onse tamol en sumiani gup, mel fidian niñen o mabol dan ulon a.”

⁹ Agog Juda fidian awad dutumanig, Tertulus san ru dabai dupani se ya.

Pol Filiks naon na sen ipirani a.

¹⁰ Agog Rom gurman Pol inñen o tuad ipani tag Pol ru fun iganeg ibol,

“Nai nalon ak, on saen milaen mok tamolpein en sad ru tulek mado yak ninen o nai on nao na nator dop seg ipiranag o ilog uyan da.

¹¹ Isop on sumianai gup ka ulon a, nal 12 gamugo yau dugo, nai Jerusalem na Anut yai nigane pani wo nisida nau a.

¹² Juda adi nai tempel lo tamolpein dida nug aen matog dugo ta diliag na ya. In sad ubou ab fidian lo, agod Jerusalem na dam tamolpein ated nusueg unon ilasa wo ago nigane ta dubol na wa.

¹³ Agod gamu ru e on nao na nai dupanag den dabi dupani san in dal ad tia ya.

¹⁴ Gug mel en ninen o nai malak malak nabol ilasa san an ninen o miai ta ifunag na da. Naisiganeg ubou leil Anut nupani duman, ilo rumok san dal e ‘Dal En’ dubol demaiak iri panim, tubum bagema sad Anut ubou an mi nile da. Juda adi ilo rumok san ‘Dal En’ in biatitek dubol da. Gug naisag ilo sou lo man an biatitek tia ya. Nai ru kagin fidian Moses san kubiaen lo, agod ru fidian profet adi digire yan dam fidian ninen o ilog rumok da.

¹⁵ Nai Anut ninen o mala nouk numado dak ago mi Juda adi e dutur den in sad mala nouk dam naon kisaek mi a. Mala nouk nek en lo, mitep nal ta ilasa dop lo tamolpein itaot ak, agod a ta itaot na yan dam fidian maten lo dumasa da wa.

¹⁶ Ago yan lo nai pempem igo maeg nigane da, mel ta Anut in tamol dida nigane pidina an ninen o naisag kankan muruan ta ipanag na da.

¹⁷ “Nai wagam mi Jerusalem nubiseig nator se ya. Ananar kitek wei mi ibisawag gug, afon namul o dugo, moni a Juda tia yan dutumanig dupanag go

ņisinig ņupalu ya. Moni an lo Juda adi mel ta lo katukadi dop lo ņibinawai san an ņisinig Jerusalem na ņupalu ya.

¹⁸ Saen an lo, ņai midaeņ lo ikok ņilasa la gug tempel lo ņator dugo diliag a. Ago dugo ņai atna doup ta dida mumado man tia, agod leiņ dam tia ya.

¹⁹ Gug Juda aenkadi Esia provins lo yan saen an dumado dugo ņai niņeg o ilod saian a. Ak niņen o ņaisag muruan ta dile tap iņsed dupalup oņ nao na kot digane wa.

²⁰ Tia tap, tamol amaiak sumianai dop, saen ņai Juda kaunsil naod na ņatur dugo ņaisag muruan dile tap, dubol dop uloņ.

²¹ Nek mel kisaek en mi kaunsil naod na ņatur dugo ņabol, ‘ņai gamu kot lo ņatur den san fun man, ņai tamol dumat ak kumaen dumasa da wan niņen o ilog lo rumok a.’ ņaisag muruan tag nek an mi a.”

²² Ago ibol ak, Filiks iņ Kris sad ilo rumok san dal an iloņ ak niņen o kot an ituteg, irupidai, “Yu tamol sad gurman tubun Lisias ipalu gup, aņsam kot en san nuņon ņabol aloņ a.”

²³ Agog Filiks yu gurman irupeig tamol diti-tianig dumado dan diņane diaup, aben nam digane wo ibol. Subanek kadi diginiaai dak ago ta digane na ya. Iņ turan muroun man ka dupalup dile dop mel niņen o katukan dop lo ka dubinawi wak ago ibol irupidai a.

Pol Filiks iwon Drusila da naod na iņiņeņ a

²⁴ Nal milaen tiag Filiks iwon Drusila da dupalu ya. Iņ Juda pein. Agog ru igane dugo Pol diņane

dupalug ilo rumok Jesus lo yan niñen o inñen se ya.

²⁵ Pol inñ Filiks agod Drusila ago niñen en igo diñen se ya, kagin itaot, tinid ditirni san kagin, agod Anut san bitinaek murna ipalu wan, fidian niñen o dukubiai ila iso se ya. Pol mel an niñen o inñen dugo, Filiks irer tag Pol irupe, “Niñen gamu san nek gane ya. Ka wau a. Nai saen kawan ak ta da dop nñigio da wa.”

²⁶ Saen an lo Filiks inñsan ilo sou lo Pol inñ moni ta ipani wak ibol. Ago yan lo pempem iwagi dop ida diñen se ya.

²⁷ Ananar uraru itout gug Pokias Festus, Filiks aben inñane ya. Filiks Juda tamolpein ilod uyan san niñen o Pol ipasi an imoig, subanek lo mi imado se ya.

25

Pol Festus naon na itur a

¹ Festus Filiks aben inñaneg nal utol yau, agog Sisaria ibiseig Jerusalem na yau.

²⁻³ Atna pris gurman adi, inñ gurman aenkadi dida Festus nao na Pol kot an digane. Inñ Festus ilon diñane, agop inñaned ilod ibol dak ago iganep Pol Sisaria ibiseip Jerusalem na yau o dubol. Man dugo, inñ gubak tam palan an dumari la ya. Dal na dop dufuni imat o dubol.

⁴ Agog Festus awad yabig ibol, “Pol inñ Sisaria na subanek lo imado da. Agod nai dam nek atna nñau o sumeik da.

⁵ Ago yak niñen o anñanem gurman nai dida maup, tamol an mel ta igane saian tap, dubol dop nñalon.”

⁶ Festus nal 8 boi tia 10 boi, atna imado gug imul Sisaria na yau a. Yen imasag tidomi kot dulonj dak aben lo imasi gug, Pol diñane dupalu wo ibol.

⁷ Saen Pol ipalu yan Juda Jerusalem nag dupalu yan dutur dulubanig muruan tubun kasik igane ago dubol. Gug inşad ru an dabai dupani san dal tia ya.

⁸ Ago dugo Pol sen ipiranig ibol, “Nai Juda sad kubiaen, tempel san kubiaen ta ñupilali man tia ya. Kaisa dam lo ñigane saian man tia ya.”

⁹ Festus inş Juda adi binawek kitek ipidinai o imat an lo Pol isumianig ibol, “Onş Jerusalem na waup, ru dubol na yan iri panim onşsa kot ñalonj o umat di?”

¹⁰ Ago dugo Pol ibol, “Nai Kaisa san kot lo ñatur da. Ete mi ñaisag kot ulonj a. Nai Juda dugo ta ñiginiai saian man tia yan onşse ulonj la ya.

¹¹ An lo ñai mel ta ñigane saian agop ñamat o kubiaen ibol tap, ñai ñasol o dal ta abanş ñabi na da. Ak man inşad ru ñai niñeg o dubol dan, fidian sewak tap, talpein ta ñai inş banid lo iginiag san tia ya. Nai Kaisa ñuwagip ñaisag kot ilonj a.”

¹² Agog Festus inşanen kaunsil adi dida diñinşenş gug Pol ru naon irupeig ibol, “Onş Kaisa onşsa kot ilonj o wagi ak niñen o inşsan na wau a.”

Festus Pol niñen o kinş Agripa naon na inşinşenş a

¹³ Murnag Kinş Agripa inş Bernaisi da Sisaria na Festus duyunşani wo dupalu ya.

¹⁴ Atna kitek dumado yak niñen o Festus Pol niñen o Kinş Agripa naon na ibol, “Filiks tamol ta etna subanek lo igane yak imado da.

¹⁵ Agog saen ηai Jerusalem na ηaug, Juda sad pris gurman adi, agod gurman aenta dida dupalug, ηai tamol an igane saian ak san fun ηabol pe ηabi idu kisaek on o dusumianag a.

¹⁶ Gug ηai ru naon igo ηurupidai. Maη Rom sama kagin man, subanek tamol ta inη tamol a kot lo diabi an da nug naon dupanip ta diηinēη na dan daon mupani san an maηsam kagin tia ya. Maη saen mupani dop, inηsan muruan an niηen o ru dupani dan ilonη pe, sen ipirani na gup, dal dugo kot iri dan ate mi mupani wa.

¹⁷ Amaiak niηen o saen etna dupalu man, ηai saen ta ηibidani na ya. Maen mumasag kot dulonη dak aben lo ηumasig, tamol an diηane dupalu wo ηurupidai a.

¹⁸ Tamol a inη kot an digane yan dumasa dutur ak man, ηai muruan tubun geig ak niηen kot an digane wak ηabol gug ago ta digane na ya.

¹⁹ Inηigned ubou niηen o, agod tamol ta yaηan Jesus dubol dak mi niηen o nug diabi se ya. Tamol an imat gug Pol man inη imasag kumaen imado dak ago ibol da.

²⁰ Nai muruan naok ago yak ηukubune san dal ta ηile man tia tag, Pol Jerusalem na diηane diaup ru dubol an fom kot dupani wo ago ηusumiani a.

²¹ Ak man Pol Kaisa inηsen san kot ilonη o subanek lo mi imado yau o ago isumianag a. Ago tag dititiani dumado yau nap ηai dal ta ηile gup ηidiniη Kaisa san na yau ak ηabol a.”

²² Agog Agripa Festus irupei, “Naiseg mok tamol an inηinēη dop ηalonη o ilog ibol da.”

Agog Festus awan yabig ibol, “Gabulo gup awan ulonη a.”

Pol kiŋ Agripa naon na itur a

²³ Dien dumasag Agripa in Bernaisi da yousai lo mugurun mi dupalug, yu gurman, in taun san tamol tutubun an dida tumanek ab lo diladu ya. Agog Festus tamol idinaig Pol dijaneg diladu ya.

²⁴ Agog Festus imasag ibol, “Kiŋ Agripa, agod an fidian gamu etna amado dan, tamol en ale, Juda tamolpein etna dumado dan, agod Jerusalem na yan tamol en niŋen o ŋai naog na kot digane ya. In disasaig dubol, ‘Tamol en fon ta imado na wa.’

²⁵ Gug in mel ta igane saian pe niŋen o imat san ŋile man tia ya. Agod inŋen dam Kaisa inŋan kot ilon o ibol ak niŋen o ŋai ŋiganep yau o ŋabol a.

²⁶ Ak man ŋai ru ta inŋan muruan niŋen o itaot ŋigirep Kaisa ŋupani san tia ya. Ago yak niŋen o ŋai on Bernaisi da naom na ŋigane ipalu ya. On kiŋ Agripa nao na itur dop on ŋai da sisem tusumianip, inŋen niŋen o inŋen dop talon a. An lo inŋan muruan dugo yan tile talon gup, ŋai an ŋigirep Kaisa san na ŋigane yau a.

²⁷ Man dugo, ŋai ata wo kawan geig subanek tamol ta mel igane saian an fun ta ŋufulale uyan na gup ŋidinip yau ak i? ŋai an ŋukubiani dak man uyan tia ya.”

26

Pol Agripa naon na sen ipiranig ru ibol a

Apo 9:1-18; 22:3-16

¹ Agog Agripa Pol irupei, “Gamu onse niŋe wo ru ka ubol a.”

Ago tag Pol banin yabisag, ru en ibol,

² “O Kin Agripa, ηai ilog tubun mi uyan da. Man dugo, ηai gamu on nao na ru fidian Juda ηai ninjeg o dubol na yan ninjen seg ipiranag a.

³ On dam Juda adi sad kagin, agod sad ae tutog dam fidian ulon sijnakan a. Ago yak ninjen o kagin panag dop, ηaisag ru ulon.

⁴ “Juda fidian ηai pineinag lo ηumado ηator na yan dulon. Fun lo Isrel ilon lo, agod Jerusalem na ηumado ηator na yan, saen milaen ηai fug dulon uyanan a.

⁵ Saen milaen mok in dulon uyanan ak, manjsama midaen Farisi dubol dan san geggeg wei kasik an ilon lo ηumado dugo sad kagin fidian an ηiri na ya. Tag an dubol ilasa wo dumoi boi.

⁶ Agog gamu etna sumianek lo ηatur dan fun man, ηai Anut manjsama tubum bagema promis ipidinai amaiak ilog lo rumok go san nunon ηile wo mala nouk ηumado dak ninjen o ete ηatur da.

⁷ Isrel san gugoi 12 an promis nek amaiak nunon ilasap dile wo tidom ad Anut o ubou dile da. O tamol tubun en, ηai promis an san nunon ηile wo mala nouk ηumado dak, Juda adi dam nek ago mi digane da, ak gug kagin nek amaiak ninjen o ηai ηigane saian dak ago dubol da!

⁸ An fidian, ata wo Anut tamol maten lo ifufu-naip kumaen dumasa da wan, ida ta isuda na yak ago ilom isou dak i?

⁹ “Naisag dam ilog lo dal fidian lo ηiganep Jesus Nasaret tamol an yanjan ηabi idu wak ηabol a.

¹⁰ ηai Jerusalem na ago ηigane se ya. ηai pris gurman adi awok dupanag go Tubun en san tamolpein wei kasik subanek ab lo ηidirai se ya.

Dufu dumat o dubol dop, ηai dam awok ηupidinai se ya.

¹¹ Nal wei kasik ubou ab fidian lo ηabol dop bu dupidinai se ya. Ago dugo ηai inη Jesus yan an malan dusue wo maeg ηigane dugo ηududuwai se ya. An mi tia, tinηaeg tubun kasik wananan anda, ηibiaip daon ηupidinai wo abanηad ηile se ya, Isrel ilon lo agod taun gol ak lo dam mi a.

¹² “ηai nek urat an ninen o Damaskus na pris gurman adi awok dupanag go ηau a.

¹³ O tamol tubun en, dal na ad titinηaem itur dugo ηai lilaman ta tubun geig ad san mididan ηirinηani ak tamol dida mau an tinima fo isapudade ya.

¹⁴ Maη fidian mau madug, ηai awan ta Hibu lo irupaiag, ‘Sol! Sol! Ata wo ηai malag sue daki? Mel en ilo isou. Makau titianek yu luon geig ak nam makau imaspalu wo isue dop, makau an madai ikubianip ηien ipar imul da, ago dop yu an ηien isue ilon lo yaup madai tubun geig ak ikubiani da. Onη nek ibol makau amaiak onη a. Saen onη ηaisag tamolpein malad sue dugo, kagin saiak a gane dan san miai isio gug, onη pare imul san onη o muruan geig a.’

¹⁵ “Ago dugo ηai ηusumiani, ‘Tubun en, onη enti?’ ”

“Ago tag Tubun en awag yabig ibol, ‘ηai Jesus nek e malag sued ama ya.

¹⁶ Onη masap utur. ηai onηsa na ηilasa yan onη ηaisag urat tamol mado wo ηipiliano ya. Onη mel gamu ule yan, agod a mitep ηukubiai pano wan dam aenta naod na ubol dop dulon a.

¹⁷ Saen onηsigane tamolpein daon dupano wo digane dop, ηai banidi lo ηupaso wa. ηai Juda tia

yak sad na n̄idinop wau o da, an niñen o in̄ banid lo dam n̄ibinawo wa.

18 On̄ in̄ malad wafutep, tidom tubun lo yak lilaman lo dupalu wa. Satan san tuon lo yak Anut san na diau a. Agop in̄sad ilo rumok n̄ai lo in̄aned aupasek isasi pidinai a, agod tamolpein a Anut itaot idirai dilasa yan luluñad lo aben ta diñane wa.’ ”

Pol in̄san urat san sae isue ya

19 “Ago yan lo, Kiñ Agripa, tamol awan a mala n̄utun leil an lo n̄alon̄ amaiak ta n̄uparsisali na ya.

20 Malmalan mok Damaskus na ru n̄ufulale se ya. Murnag Jerusalem nag, Judea sad gigin fidian log, Juda tia yak lo dam n̄aug, ru n̄ufulale se ya. In̄ bubed dibilisap, in̄aned saian patud dupanip, naodi Anut dupanip kagin saiak patud dupani an nuñon kuai te digane ilasa wak san ru n̄ufulale se ya.

21 Fun amaiak niñen o n̄ai tempel lo n̄umado dugo Juda adi dibiag go dufunag n̄amat o digane ya.

22 Fun lo ipalug gamu en, binawek a Anut san na ipalu yan n̄ai da yen da. Ago yak niñen o gamu gidad an̄ yan̄am tubun ak boi, yan̄am tia yak boi, n̄ai ete naom na n̄abol n̄atur dugo, Moses in̄ profet dida mel ilasa wak niñen o dubol na yan mi gamu n̄abol da:

23 Kristus in̄ muruan isinip imat mok a. Agop in̄ tamol malmalan mok maten̄ lo kumaen imasa da wa. An lo dop in̄ Juda adi agod Juda tia yak dida dal dugon lo Anut san patu pasek diñane wan ikubiaip dile wa. An in̄sad leil lo man nek ibol sul san lilaman ak on̄ a.”

24 Pol sen ipirani san ru ago ibol dugo, Festus awan tubun mi isasaig ibol, “Pol! Burau ifuno da. Onsa ulon an tubun kasik an lo yang burau ipano ya.”

25 Agog Pol awan yabig ibol, “O tubun en Festus, nai burau ta ifunag na da. Ru a nabol ilasa dan, an rumok agod kankan milaen ak san a.

26 Kin Agripa, in mel amaiak fidian ilon sinjakaan ak ninen o nai nalon ak in naon na seg ipiranag dop njinjen o ta narer na wa. Nai ilog isou ak, dugo ilasa yan fidian lulunad lo mel ta kisaek man, kin Agripa mel an ninen o ta injon na ya. Man dugo, mel an fidian mianuk lo dilasa man tia ya.

27 O Kin Agripa, on profet adi sad girek ilo lo rumok ak i? Nai nalon ak, on ilo lo rumok a.”

28 Agog Agripa Pol irupe, “Dugo, on gamu saen katukan en lo mi nai giniag pe Kris njilasa wak ubol di?”

29 Agog Pol ru naon irupe, “Nal katukan boi, tia, milaen mi boi, on agod aenta gamu ru alon dan an fidian Jesus ilom lo rumok o njugudani da. An nai igo njumado dan igo won an dam amado wo ilog ibol da. Gug mel kisaek sein nam nai dusebanag pe an lo yen man namoi.”

30 Agog kin, in gurman tubun Festus da, Bernaisi, agod tamolpein fidian dumado yan dumasag, dilasa ya.

31 Agog nug naon na dubol, “Tamol en mel ta igane saian pe ninen o imat san tia ya, subanek ab lo imado san dam ta igane na da.”

32 Agog Agripa Festus irupe, “Tamol en in san kot Kaisa ilon o ibol a. Ago ta ibol na yak man subanek lo tupasi wa.”

27

Pol wog fo dijane Rom na diau a

¹ Inj awad kisaek go mañ Itali na mau o dubol tag, Pol inj subanek aenkadi dida Rom yu gurman ta doup “Kaisar san sawar” dubol dak san gurman, yañan Julius, banin lo didirai a.

² Agog mañ Adramitium na wog ta fo misida ya. Wog an Esia provins lo panu loñ na dien dan lo idu dop yau san. Agog miyawai a. Masedonia na taun ta yañan Tesalonaika dubol dan san tamol, yañan Aristakus, dam ida mau a.

³ Nal tinin te Saidon na misasau a. Julius inj Pol lo uyan, ago yak niñen o Pol yaug turan yil dugo mel lo katukan ak dupani a.

⁴ Agog milasag mau dugo tim imasa tag Saipras nui giranjen na tim an tia yak lo mi mau a, man dugo, tim naoma yabi se ya.

⁵ Silisia inj Pamfilia da sad loñ mubiseig Lisia na taun yañan Maira dubol dak lo milasag misasau a.

⁶ Agog atna yu gurman an wog sen ak abañan yabi a. Agog wog ta Aleksandria na yak Itali na yau dak ile tag, iginiamag wog an lo musuda ya.

⁷ Tim naoma yabi a, ago yak niñen o nal aenta man pasak nam mau se ya. Agog Naidas panu sumeik mupani dugo, mile tag maeg migane gug atna ta madu na ya. Tim san dabai tubun kasik, agog naon fom mau san tia tag, Krit nui giranjen malin ak lo maug Salmone damon mirinani a.

⁸ Maeg miganeg loñ im mau nag taun ta Lasia dubol dak giranjen na ilon ta yañan Ilon Malin dubol dan lo miladu ya.

⁹ Manj atna saen milaen mok mumado yang weinj mabi san muruan. Man dugo, Juda sad ananj waliñ san nal itout la ya, agod saen an lo beig saian da. Ago tag Pol tamol ru kagin en irupidai,

¹⁰ “Tamol alonj, idsad turenj etnap tau dan man muruan geig a. Naisag ilog lo ñukubiani ñile yak, id tau onj dop man, muruan wei mi ilasa wa, wog san biouñ dideg diau a, wog daonj inanep tamol aenta dam dumat a.”

¹¹ Ak man yu gurman inj keptan agod wog muroun da sad ru ilon lo rumok a. Agod Pol san ru man niñen o kankan ta igane na ya.

¹² Madid saen dop ilon lo mumado san madok ta uyan na yak niñen o tamol wei kasik mau an awad kisaek dop, milasap fon miyawaip Finiks na madu wo ilod ibol a. Krit na ilon an tim naon fo ta yen na da. Agod madid saen dop ate ka mumado wa.

Dal na beig tubun kasik ifu ya

¹³ Agog karag ifure gug dabai an tia tag inj ilod lo ilon a ilod isou an lo ka mau ak dubol. Ago tag anja dirae isidag Krit san lonj aen mi murig mau se ya.

¹⁴ Saen milaen tiag tim dabai yarti dubol dan nui log mayau itor pani a.

¹⁵ Tim ipalu yan wog inaneg, wog dutuli san ta isida na tag, tim naon mi dirig diau se ya.

¹⁶ Manj nui nanun Koda dubol dan giranjen aen ate muri dugo, diñgi mabisa wo wagai miganeg, mirae isidag miyati a.

¹⁷ Agog wog rasau nam tinin dufou sakar. Kabelan Libia san lonj na gugor atna yak fo wog isida banau o, lai dupasi dugo tim mi wog idudunig mau a.

18 Beig saian geig an nek ago mi yen tag, salsog wog tinin san biouŋ aenkadi diabi beig lo idu ya.

19 Maen mumasag nek ago mi tag, wog san biouŋ biouŋ aenkadi inŋsed banid nam dupasig diabiau a.

20 Nal kitek wei mi, ad, patui ta meil na ya. Agog tim nek yen ago mi yen dugo, maŋ binawek mile san ilo isou migane yan fon iloma inŋaon a. In dideg diau o ilod isou se ya.

21 Tamol dida mau an nal wei mok ananŋ tia dumado tag, Pol imasag naod na itur dugo ibol, “Anŋ ŋai awag amoi ak niŋen o Krit tibiseig, tiyawai tupalug, biouŋ biouŋ tititale da. Ago tia ak man, biouŋ tititale yan tia wa.

22 Ak man ŋai anŋ ilom kisaek mi wo ŋusumiananŋ da. Sem dabai ipananŋ. Man dugo, id en kisaek ta imat san tia wa. Wog mi gup man saian a.

23 Tidom na ŋaisag Anut niŋen o inŋ ubou ŋile dan san enel ta ŋaisag na ipalug ibol,

24 ‘Pol, on urer umoi! On Kaiser naon na utur o Anut ilon ago yen. Inŋsan ilo muŋanek lo tamol dida au dan kisaek ta ideg yau san tia ya.’

25 Ago yak niŋen o sem dabai pananŋ. Man dugo, ŋai Anut o ilog lo rumok, agod ŋai ru ŋalonŋ an ago mi iri panim ilasa wa.

26 Gug id man taup nui ta fo tisida wa.”

27 Agog ubou uraru itout go tidom an lo beig tubun, yanŋan Edria, an lo tim inŋiliamag mau. Tidom luak igo wonŋ weinŋ tamol adi tan sumeik mupani dak dubol a.

28 Ago tag mel muruan ak kam fo dususeg beig lo diganeg idu yaug, beig san kuror 35 mita igo wonŋ

dile ya. Kitekan maug, fon ago mi digane man beig san kuror 25 mita.

²⁹ Kabelan wog pat fo isidap ipuk banau anga iwoiwo patun na dubal agog salso idu wo dumosiai dop insad tubud ilonj o dubol.

³⁰ Agog wog san weinj tamol adi wog dubiseip dusol o digane yak ninjen o inj wog san dingi beig lo digane idu ya. Inj diraek go wog nudun fo anga* ta dususe wo digane da.

³¹ Ak man Pol yu gurman an irupej, “Wog san weinj tamol adi wog fo dumado wa. Tia tap, an adeg au a.”

³² Ago tag yu tamol adi dingi san kam dututeg ifot yau a.

³³ Salso idu wo sumeik dugo, Pol tamol ananj diani wo isumianai, “Anj nal 14 malam aganeg ananj ta ani man tia ya.

³⁴ Ago yak ninjen o ananj ani wo njurupaianj da. An tinim dabai ipani wa. Man dugo, anj lulunjam lo tamol ta kisaek insan gumuran san roun kitek ta mok ideg yau na wa.”

³⁵ Pol inj ru an ibol itout gug bret kisaek injaneg fidian malad lo Anut ilo uyan ipanig yafuteg injen fun iganeg yani a.

³⁶ Fidian ago dile tag sed dabai ipidinaig bret dijaneg diani a.

³⁷ Manj wog fo mau an nunjoma 276.

³⁸ Saen tamol fidian ananj dianig, luad ipuk go, wog pasauman o diganeg, wit diabi beig lo idiau a.

Wog gurgor fo isida ya

* **27:30:** Pitiau

³⁹ Salso idu an weinj tamol adi loj ta dileg dijaonj. Gug ilon ta lul anda yak dile tag wog dijaone diaup lul an fo isasau wo dubol.

⁴⁰ Ago tag anja san kam dututeg, anja nunjon beig lo yen. Agog ulum san fei andam san kam dupasi a. Agog wog njudun fo lai an diraeg, tim wog idudunip, loj na yau wo digane se ya.

⁴¹ Ak man wog gurgor fo isidag iririd yen se ya. Agog njudun man isasau dugo wadan man tamun ipalug igile ifurak idiri yau se ya.

⁴² Ago dugo yu tamol adi subanek an fidian dufu dumat o dubol. Kabelan dulog loj na diaup dusol banau.

⁴³ Ak man yu tamol sad gurman Pol imat man imoi tag, subanek adi ta dufu dumat na wo ibol a. Tamol dulog san idaisuda man imug dusukalik beig lo dudup, dulog loj na disila diau o ibol a.

⁴⁴ Gug aenta dulog san tia man, wog san abau an disinip fo dulog disila diau o ibol a. Ago miganeg fidian loj na itaot misida ya.

28

Nui yanjan Molta dubol dak fo misida ya

¹ Man fidian itaot loj na misida gug nui an yanjan Molta dubol go malonj.

² Nui an san tamolpein man lo uyanan mok a. Ui idug aban madid tag yai dutuni panamag, tinima isue ya.

³ Agog Pol ai itueg yai fo idiri wo igane dugo, mot ta yai inani guguleg ilasag Pol banin te iratig banin ipulhani a.

⁴ Nui an san tamolpein Pol banin te mot iyuk dugo dileg, sed nug durupei, “Tag tamol en tamol ifu dumat da. Inj beig lo ta imat na gug, naon panek san tubud gamu naon ipani da.”

⁵ Gug Pol mot an ikupari yaug yai lo idu ya. Mot an Pol tinin ta igane saian man tia ya.

⁶ Agog fidian dutur an Pol tinin isusanip yau idup imat dop dile wak dubol go tinid digane se ya. Ak man saen milaen mok mel ta ilasa dop dile wak dubol gug, mel ta ilasa man tia tag, kankan dibilisag dubol, “En man tubud ta boi.”

⁷ Aben mumado yan giranjen na man tamol ta yanjan Pablius inj nui an san gurman ak injsan tan atna yen. Inj man lo uyanan a. Agog injiliamag nal utol atna kagin ipanamag ida mumado se ya.

⁸ Pablius taman man ifuruk da, agod tinin wananan tubun kasik go yen da. Ago tag Pol injsan galun lo iladug Anut igudanig, banin tinin fo igane yan subam ibisei a.

⁹ Tamolpein fidian mel ilasa yan duloŋ tag, subam adi nui lo yan fidian dupalug iginiaig uyadi.

¹⁰ Inj melmel wei kasik man dupanama ya. Agog miyawai san saen dugo weinj mabi san biabi wog lo didiri a.

Molta mubiseig Rom na mau a

¹¹ Kalam utol atna mumado dugo Aleksandria sad wog ta nudun fo tubud urarum nug tein, ta yanjan Kastor, neinta yanjan Poluks dubol dak sad mitilaed yen dak fo misidag mau a. Wog an madid saen lo nui an lo yen.

¹² Agog maug, taun yaŋan Sairakyus na milasag, nal utol mumado se ya.

¹³ Taun an mubiseig miyawaig, panu ta yaŋan Regium na madu ya. Maen mumasag tidom lom mi karag fun iganeg ipalu dugo, nal uraru lo mi panu yaŋan Putioli dubol dak lo milasa ya.

¹⁴ Agog atna ilo rumok adi aenkadi meil go dida ubou kisaek mumado wo dusumianama ya. Ago tag dida mumado gug Rom na mau a.

¹⁵ Ilo rumok adi Rom na yan yaŋama dulon go Apias Didaeŋ Aben geg an diliama wo dupalu ya. Ago dugo aenta Lou Ab Utol geg an dam diliama wo dupalu ya. Saen Pol ilo rumok adi yil go Anut ilo uyan ru ipanig, iŋsen dam sen dabai ipani a.

¹⁶ Saen maŋ Rom na milasa man, Pol iŋsen kisaek mi, yu tamol kisaek ititianip ida dumado wo dubol a.

Pol Juda adi Rom na yan itumanai a

¹⁷ Murnag nal utol itout go Juda atna dumado dan sad gurman dutumani wo Pol ru iganeg sad na yau. Saen dupalug dutumani dugo irupidai, “O teig taog, ŋai bo idsad tamolpein, tamol kagin id tubud baged dupanad an kisaek ta ŋigane saian man tia ak gug, Jerusalem na dibiag go subanek diginiag a. Agog Rom banid lo diginiag a.

¹⁸ Inj ŋai dusumianag ak man mel ta ŋigane saian ak niŋen o ŋamat san dile man tia ya. Ago yak niŋen o dupasag o dubol a.

¹⁹ Ak man Juda adi inj an dumoi tag, ŋai dabai nam Kaisa ŋaisag kot ilon o ŋabol. Gug ŋai Juda tamolpein mel digane saian ak niŋen o Kaisa naon na ŋabol san ta amag da man tia ya.

²⁰ Ago yak niñen o ñai añ da tiñiñeñ o ñigian a. Ñai tamol a Isrel tamolpein niñen o tinid digane dan ilog lo rumok an lo gamu ñai sein ag da ñumado da.”

²¹ Agog in durupei, “Mañ Judea na oñ niñe wo girek ta miñane man tia ya. Agod Juda taidam dupalup oñ niñe wo ru ta dubol saian dop malon man tia ya.

²² Ak man biatitek en niñen o oñane ilo sou miñane malon o iloma tubun mi ibol da. Man dugo, mañ malon ak, tamolpein aben fidian lo dumado dan biatitek emaiak niñen o ru saian mi dubol da.”

²³ Ago tag Pol dida nal diganeg tamolpein wei kasik mok saen an aben Pol imado dak ate dilasa ya. Agog Anut san kagin panek san ru tidomi fun iganeg yaug, tidom idug naod na ifulale pidinai se ya. In Moses san kubiaen, agod profet sad girek lo dam ru boi sensen ak injal go, Jesus ilod lo rumok anen ru irupidai se ya.

²⁴ Aenta inñsan ru an dulon go ilod lo rumok a, ago dugo aenta man ilod ta rumok na ya.

²⁵ Ago tag fidian ru naon sensen dubol se man ab dibisei a. Gug diau o dugo Pol ru wadan en ibol, “Urgun profet Aisaia awan lo rumok geig añ tubum bagem ibol igo irupidai,

²⁶ ‘Waup, tamolpein en igo rupidai:

Saen añ ru alon man, ka alon oñ se ya, ak man san fun ta añane na ya,
agod saen abañ ale man, malami ka yau oñ se ya, ak man ilom ta itarpasi na ya.

²⁷ Man dugo, tamolpein en sad bubedi dabai geig dilasa ya,
in kududodi ta dulon uyan na ya,

agod maladi ikilakil pasi a.
 Tia tap, maladi nam in ka aban dile wak,
 kududodi nam ka dulon ak,
 agod ilodi nam manau ka dinane wa.
 Ago dop an lo ilod ibilisa dop didansap naisag
 na dupalu dop nukubuniai a.' ”

²⁸ “Ago yak ninen o an alon. Anut in san patu pasek san ru iganeg tamolpein Juda tia yan sad na yau da. In ru an dulon pe ninen o kududod dugure wa!”

²⁹ [Saen Pol ru an ibol go itout an Juda in sed in sed mi nug dupeig dufurak go diau a.]*

³⁰ Ananar uraru Pol sen ab ta idad go lo imado se ya. Ab an lo imado dugo tamolpein fidian dile wo dupalu se yan ilo uyan lo inal dugo imado se ya.

³¹ In Anut san kagin panek ninen o ru ifulale dugo, Tubun en Jesus ninen o tamolpein manau ipitenanai se ya. Ru fidian ta yabituani man tia ya. Agod Rom gabman an ninen o ta ipadau na ya.

* **28:29:** Boi 29 Grik lo tia ya.

Anut san bilalug foun
The New Testament in the Takia Language of Papua
New Guinea
Nupela Testamen long tokples Takia long Niugini

Copyright © 1999 The Bible Society of Papua New Guinea

© Faith Comes by Hearing

Language: Takia

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-12-11

PDF generated using Haiola and XeLaTeX on 18 Mar 2025 from source files dated 31 Aug 2023

757b3e4e-2023-5b45-893a-ee9294ddeb9d